

ra, e ora 'i matou i roto i te mau fenua nei.

21 A oaea e ia rearea maite, e te tamahine ra, e Edoma, o tei parahi i te fenua ra o Uza; e tae atoa taua a'ua nei ia oe; e riro hoi oe i te faataerohia e ia parahi tahaa noa.

22 Ua ore atura to oe pohe, e te tamahine ra, e Ziona, e ore oia e rave titi faahou ia; e tahoo mai oia i to oe ino, e te tamahine ra, e Edoma, e faaite ā oia i ta oe ra hara.

Te pure nei Ieremia, e te faaito nei i te ati rahi ma te haehaa.

5 HAAMANA'O mai, e Iehova, i tei iri mai i nia ia matou nei: e hi'o mai i raro nei, e haamans'o mai i to matou ino. 2 Ua ruri-ā-hia ta matou tufaa tei ia vetahi ā, e to matou mau fare tei te taata ēē. 3 Ua riro matou ei otare aore e metua tane, ua ivi to matou mau metua vahine. 4 Eī moni e inu ai matou i ta matou pape, i hoohia mai hoi ta matou vahie. 5 Te faahirohia nei matou ma te hopena i nia to matou a'i, te haa noa nei matou, aore e faacaraa. 6 Ua auraro matou ia Aiphiti, e ia Asura, ia paia hoi matou i te maa. 7 Ua rave to matou mau metua i te hara, e aita nei; e tei nia ia matou te pohe i ta ratou mau hara. 8 E tavini tei faahepo mai i nia ia matou, e aore

roa hoi e faaora e ora 'i i to ratou rima. 9 Te roaa nei ta matou maa ma te itea ore te ora, no te 'o'e i te medebara. 10 Ua ereere to matou iri mai te umu ra, no te 'o'e rahi ra. 11 Te mau vahine i Ziona, ua harua-noa-hia e ratou, e te mau paretenia i te mau oire i Iuda ra. 12 Tari-noa-hia te hui arii i te rima, e aore i faaturahia te feia paari. 13 Ua rave ratou i te taata api ei feia taviri sitona, e ua hi'a te tamarii i raro a'e i te hopena vahie. 14 Ua ore te mau taata paari i te uputa, e te mau taata api i ta ratou i faaoto ra. 15 To matou oaea auu ra, ua ore ia, ua riro to matou oriraa ei otoraa. 16 Te korona o to matou upoo ra ua mairi ia, atae hoi tatou! no te mea, ua rave hoi tatou i te hara. 17 No reira i taia'i i to tatou auu, no teie nei mau parau i mohimohi ai to tatou mata; 18 no te mou'a ra o Ziona, o tei ano ra ia, e ua haere noa te alope na nia iho. 19 Area oe, e Iehova, e tia oe i te parahiraa e a muri noa 'tu, e to ce terono i tera ui, i tera ui. 20 Eaha oe i haamoe lua mai ai ia matou nei? E haamaoro mai hoi oe i to ce faauerua mai ia matou? 21 E haafariu oe ia matou ia oe, e Iehova, ua fariu ia matou i reira; faahou mai oe i to matou pue mahana mai tei tahito ra. 22 Ua faarue hua mai rā oe ia matou nei? e riri rahi roa hoi to oe ia matou.

TE

BUKA A EZEKIELA.

Te anotau i tohu at Ezekielā i Kebara.

1 E TAE a'era i te toru ahuru o te matahiti, e te maha o te marama, e te pae hoi o te mahana i taua marama ra, tei roto van i te mau titi i te pape ra i Kebara, iritihia a'era te ra'i, e ite atura vau i te orama a te Atua. 2 I te pae o te mahana i taua marama ra, o te matahiti pae ia o te tihira o te arii ra o Iehōiakina. 3 O te faaite papurua mai ia i te parau a Iehova ia Ezekielā a Buzi tahu'a ra, i te fenua o te Kaladai, i te pae o te pape ra o Kebara; e tei nia maira te rima o Iehova ia'na i reira.

4 E ua hi'o ihora vau, e, inaha, e puahi'oli'i o te taeraa mai no te pae i apa-toerau ra, e te hoē ata rahi, e te auahi i te haafifi-atōa-raa i roto ra, e te anaana i te haati-atōa-raa; e i rotopu ra mai te hesemala te huru, i rotopu i taua auahi

ra. 5 E te vai atoa ra i ropu mai na mea ora e mulu ra te huru. Teie to ratou huru; mai to te taata nei ā to ratou huru. 6 Taimaha ana'e ā o ratou mata e ati noa 'e ratou, taimaha hoi o ratou pererau e ati noa 'e. 7 E te ratou avae, e avae titiaifaro noa ia; e to ratou maiuu avae ra, mai to te kafa ra ia, e mai te vec faanaanahia ra to ratou huru i te purapuraraa mai. 8 E rima taata hoi to ratou i raro a'e i na pererau, i na hiti atoa e maha ra; i na reira atoa ratou toomaha to ratou pue mata e to ratou pererau. 9 Taatihia to ratou pererau te tahi i te tahi; aore ratou i fariuriu ia haere; i haere noa ra ratou atoa ra na mua. 10 E te huru o to ratou mau mata, e mata taata to ratou, e te mata liona, i te pae atau: e o ratou atea toomaha ra, e mata puatoro ia i te pae aui; e e mata aeto to ratou

atoa toomaha ra. 11 O te huru ia o to ratou ra mau mata. I faaareahia hoi to ratou mau pererau i te pae i nia ra; e piti a'e pererau to te mea ora ho'e i taatihia, e e piti hoi ei tapo'i ia i to ratou tino. 12 E haere titaifaro noa ratou atoa ra na mua; tia te varua e haere ra ua haere atoa ratou; aore hoi i fariu ia haere ratou ra. 13 E te huru o taua mau mea ora ra, e au ratou i te arahu auahi e ura ra, mai te huru o te lamepa i te peeraa i nia e te ho'iraa i raro, na roto i taua mau mea ora ra; e te anaana maira taua auahi ra, e ua puroro maira te uira na roto i taua auahi ra. 14 Ua horo ihora taua mau mea ora ra, e ua ho'i maira mai te ana-paraa uira ra.

15 Te hi'o noa ra vau i taua mau mea ora ra, e inaha, e pereoo tei nia i te fenua nei i pihai iho i taua na mea ora e na aroa e maha ra. 16 E te huru o taua na pereoo ra e ta ratou ohipa, mai te tariisaa te huru: e ho'e o ratou hete e maha atoa ra: e to ratou huru e ta ratou ohipa, mai te mea e, e pereoo i ropu i te tahi pereoo. 17 E ia haere ratou ra, na nia i na hiti atoa e maha ra ia haere: e aore hoi ratou i fariu mai ia haere ra. 18 E to ratou haatiraa, e teitai rahi to te reira, o mea riarua hoi; e to ratou haatiraa, ua li ia i te mata e ati noa 'e ratou e maha atoa ra. 19 E ua haere ana'e taua na mea ora ra, na pereoo atoa i te haere-atoa-raa; e ua hopoi-ana'e-hia na mea ora i nia e i te fenua ra, ua hopoi-atoa-hia na pereoo. 20 E te mau vahii atoa i haerehia e te varua ra, ua haere atoa ratou, i reira hoi te varua i te haereraa: ua hopoi-atoa-hia na pereoo i pihai iho: te vai ra hoi te varua o taua mau mea ora ra i roto i te mau pereoo. 21 Ua haere ana'e te reira, ua haere atoa teie; e ua tia ana'e te reira, ua tia atoa teie; e ua hopoi-ana'e-hia te reira i nia e i te fenua ra, ua hopoi-atoa-hia na pereoo i pihai iho; tei roto hoi te varua o taua na mea ora ra i to mau pereoo ra.

22 E mai te reva nei te huru i te vai-raa mai i nia 'e i te upoo o taua mau mea ora ra, mai te kerehe riarahia ra te huru, i te hohoraraahia na nia 'e i to ratou mau upoo ra. 23 E o raro a'e i taua reva ra te tarava noa ra to ratou mau pererau, te tahi e te tahi: taipiti ana'o a to ratou ei tapo'i i to ratou tino i teie pae au, e taipiti hoi to ratou ei tapo'i i to ratou tino i tera pae au. 24 E ua haere ana'e ratou ra, te faaroo ra vau i te haruru o to ratou mau pererau, mai te haruru o te tai rahi ra, mai te re'o o te Puai-hope ra; te haruru o to ratou re'o mai te haruru o te nuu atoa ra: e ua tia noa ratou ra, ua tuu ia i to ratou mau pererau. 25 E te ho'e re'o

maira no roto i te reva i nia 'e i to ratou mau upoo ra, a tia noa 'i ratou ma te pererau i tauahia ra.

26 E o nia 'e i te reva i nia i to ratou mau upoo ra, mai te ho'e terono te huru, mai te ofai saphira ra; e i nia 'e i te huru o te terono ra, e hoho'a ia no te taata i te parahiraa i nia iho. 27 Ua hi'o ihora vau mai te hesemala te huru, mai te auahi ra e ati noa 'e i roto ra; mai to'na taha aoso ra e nia a'era, e mai to'na taha aoso e raro ihora, ite atura vau e mai te auahi te huru, e ua ati a'era oia i te anaana. 28 Mai te huru o te anuanua e vai i roto i te ata i te mahana ia nei, o te huru ia o te anaana e ati noa 'e. O te huru ra tele o te anaana o Iehova. E tei te iteraa 'tu vau ra, ua tipapa ihora vau i raro te mata, faaroo atura vau i te re'o o te ho'e i parau maira.

To Ezekielā tonorahia, e te parau i haapitihia 'tu.

2 E UA parau maira oia ia'u, E te tamaiti a te taata na, tia hua mai to avae, e parau atu vau ia oe. 2 E ua o maira te varua i roto ia'u, ia'na i parau mai ia'u ra, e ua faatia maira oia ia'u i tau avae, e ua faaroo atura vau ia'na i tei parau mai ia'u ra. 3 E ua na o maira oia ia'u, E te tamaiti a te taata na, te tono nei au ia oe i te tamarai a Iseraela i te fenua tãhito mai, tei tãhito mau ia'u ra: o ratou e to ratou mau metua tei faaroo taiata mai ia'u, e tae roa a'enei i teie nei mahana. 4 Tãhito noa ratou e te au faaetaeta, te tono nei au ia oe ia ratou; e na oe e parau atu ia ratou, Te na o maira te Fatu ra o Iehova. 5 E o ratou ia hinaaro i te faaroo mai, e ia ore hoi ia faaroo mai, (e utuafare tãhito mai a ratou,) e ite a ratou e peropheta tei tae atu ia ratou ra.

6 E o oe hoi, e te tamaiti a te taata na, eiaha oe e mātā'u atu ia ratou, eiaha hoi e mātā'u i ta ratou parau, eiaha hoi oe e vi i to ratou mata utuafare tãhito noa ratou. 7 O ta'u nei rā parau ta oe e parau atu ia ratou, to ratou faarooara e te oreraa: e utuafare tãhito mai a ratou. 8 E o oe hoi, e te tamaiti a te taata na, e faaroo mai to ta'u e parau atu ia oe nei; eiaha to oe ei faaroo ore, mai tera ra utuafare o ore e faaroo ra: e hamāmā mai i to valia, e amu i ta'u e tuu atu ia oe ra.

9 E tau hi'oraa ihora, e inaha, e rima tei tuuhia mai ia'u nei; e inaha, e otaro buka tei roto; 10 ua hohoro maira oia i mua ia'u nei: ua papaihia i roto e rapae: o te mihi, e te oto, e to auē, tei papaihia i roto ra.

*Tu'na parau ia tohu ra, e te otaro i amuhia!
e ana ra.*

3 UA parau mai ra hoi Iehova ia'u, E te tamaiti a te taata na, a amu i tei faaitelia 'tu; e amu i teie nei otaro, a haere ai, a parau ai i te utuafare o Iseraela. **2** Ua hamāmā 'tura vau i tau vaha, e ua faaamu maira oia i taua otaro ra. **3** Ua parau maira hoi oia ia'u, E te tamaiti a te taata na, ia farii mai to opu, e ia i hoi to opu i teie nei otaro ta'u e ho-atu ia oe ra. Ua amu ihora vau; e mai te meli te huru i to'u nei vaha i te momona.

4 Ua parau maira oia ia'u, E te tamaiti a te taata na, a haere i te utuafare o Iseraela, a parau atu ai i ta'u nei parau ia ratou. **5** Aore hoi oe i tonohia 'tu i te feia parau ēē, e te re'o itea-ore-hia, i te utuafare rā o Iseraela; **6** e ere hoi i te feia rahi e te parau ēē, e te re'o itea-ore-hia e oe, e te haapii taiata, ahiri au i tono atu ia oe ia ratou ra, ua faaroo mai na ia ia oe. **7** E ore rā te utuafare o Iseraela e faaroo mai ia oe; e ore hoi ratou e faaroo mai ia'u ra: ua ati hoi te utuafare atoa o Iseraela i te tãhito e te aaui etaeta. **8** Inaha, ua faaitoito vau i to oe na mata i to ratou mau mata; e to oe na rae i to ratou ra mau rae. **9** Mai te semira etaeta rahi to'na i to te ofai, to oe ia rae i te haapaariraahia e au ra: eiaha emāta'u, eiaha ia vi i to ratou mata, e utuafare tãhito hoi ratou.

10 E ua na ô maira oia ia'u, E te tamaiti a te taata na, o te mau parau atoa ta'u e parau atu ia oe ra, a farii mai i roto i to aau na e, faaroo mai hoi to tari'a. **11** A haere ai oe ia ratou i te feia i tifi ra, i te tamarii o to mau taata na, a parau atu ai ia ratou, a faaita atu ai ia ratou, Te na ô maira te Fatu ra o Iehova, to ratou faarooa e to ratou oreraa.

12 Ua rave maira te varua ia'u e ua hopoi i nia, e ua faaroo atura vau i te haruru i muri a'e ia'u, mai te mea rahi aueuehia ra, e te na ôraa mai, I haamaitahia te hanahana o Iehova mai ô nei atu. **13** Faaroo atoa 'tura vau i te haruru pererau o na mea ora tei tiaia te tahi i to tahi, e te haruru o na pereoi i pihai ihora, e te haruru o te mea aueue-hia-hia ra. **14** Ua hopoi a'era te varua ia'u i nia, e ua hopoi ô atura ia'u, haere atura vau ma te ino, e ma te horuhoru o tau aaui; te u'ana maira te rima o Iehova i nia ia'u nei.

15 Tae atura vau i taua feia tifi ra i Teli-abiba, o tei parahi i te pae o te pape ra o Kebara, parahi atura vau i ô ratou ra; parahi atura vau ia ratou ra ma te maere e rui hitu a'era. **16** E hope a'era taua na mahana e hitu ra, i

tae mai ai te parau a Iehova ia'u nei, na ô maira, **17** E te tamaiti a te taata na, ua faaruro vau ia oe ei tia i te utuafare o Iseraela nei: e teie nei, e faaroo mai oe i te parau i to'u nei vaha, e na ô nei atu oe i te a'o ia ratou. **18** Ia parau hoi au i te taata parau ino ra, E pohe mau oe, e aore oe i a'o atu ia'na, e aore i parau atu ei a'oraa 'tu i te taata hara i ta'na ra parau ino, e ia ora oia ra; e pohe atu taua taata parau ino ra i ta'na ra hara; e titau maira vau i te hoo i to'na toto ia oe ra. **19** Ia a'o rā oe i taua taata parau ino ra, e aore oia i fariu mai i taua parau ino na'na ra, e te haerea ino no'na ra, e pohe oia i ta'na ra hara; ua ora rā oe ia oe iho. **20** E te taata parau-tia ra ia fariu ô maira i ta'na parau-tia, e ua rave ihora i te parau ino, e ua tuu vau i te rururira i mua ia'na ra, e pohe ihora oia, no te mea aore oe i a'o atu ia'na; e pohe oia i ta'na ra hara, e ore e mana'ohia te parau-tia i ravehia e ana ra, e titau mai rā vau i te hoo i to'na toto ia oe ra. **21** Ia a'o rā oe i te taata parau-tia, ia ore ia rave i te ino ra, e aore a'era oia i rave i te ino ra, e ora ia oia, no te mea ua a'ohia oia; ua ora atoa hoi oe ia oe iho.

22 Tei nia maira te rima o Iehova ia'u i reira; e ua na ô maira oia ia'u, A tia, e haere i te vahi atea, ei reira vau e pararau atu ai ia oe. **23** Ua tia a'era vau, e ua haere i te vahi atea ra: e, inaha, te tia noa maira te hanahana o Iehova i reira, mai te hanahana i itea ia'u i te pape ra i Kebara: ua tipapa ihora vau i raro ra. **24** Ua faaô maira te varua i roto ia'u i reira, e ua faatia maira ia'u i tau avae; ua parau maira oia, na ô maira ia'u, A haere, a opani ia oe iho i roto i to fare na. **25** E oe hoi, e te tamaiti a te taata na, inaha, e tuuhia te ruuruu i nia ia oe, e ruuruuhia oe i te reira, e eiaha oe e tae i rapae i roto ia ratou ra: **26** e na'u e tapiri i te arero i roto i to vaha ra, e ia riro atu oe ei mamū, ia ore oe ia a'o atu ia ratou ra: e utuafare tãhito hoi ratou. **27** Ia parau atu rā vau ia oe ra, na'u e iriti i to vaha; e na oe e parau atu ia ratou, Te na ô maira te Fatu ra o Iehova; O te faaroo ra, atire ia ia faaroo noa mai: e o te ore ra, atire ia ia ore noa na: e utuafare tãhito hoi ratou nei.

Te faaite nei te peropheta i te hara a Ieroboama.

4 UA parau maira Iehova, O oe atoa, e te tamaiti a te taata na, e rave oe i te tahi iri araea, a tuu ai i mua ia oe ra, a otioi ai i te oire ra o Ierusalemia i nia iho: **2** a haati ai i taua oire nei, a patu ai i te tahi pare ei raveras 'tu, a ohu ai i te tahi vah! teitei ei tiaraa; a

patia 'tu ai hoi i te puhapa, a tuu ai i te otui e ati noa "e. 3 A rave ai oe i te tahi maa auri, a faatia 'i ei aua auri i ropu i taua oire ra e ia oe: a fariu atu ai i to mata i taua oire ra, e na oe e haasti i te reira. Teie te tapao na te utuafare o Iseraela. 4 A taoto oe ei raro to acao sui ra, a tuu ai i te utua o te hara o te utuafare o Iseraela i nia iho: e hope roa a'e te mau mahana ta oe e taoto i te reira pae au ra, o ta oe ia faaoromairaa i te utua o ta ratou hara. 5 Ua tuu atu hoi au i nia ia oe i te mau matahiti faautuaraa no ta ratou hara, e ia hope maite na mahana e toru hanere e iva ahuru ra: o ta oe ia faaoromairaa i te utua o te utuafare o Iseraela ra. 6 E hope a'era te reira, e taoto faahou oe ei raro to acao i te pae atau ra, e ia maha ahuru o oe mahana i te faaoromairaa i te utua o te hara o te utuafare o Iuda; hoé mahana hoé á ia matahiti i te haapaoraa hia e au ia oe ra. 7 E tena na, e fariu oe i to mata i te aroraa ia Ierusalem, heheu hoi oe i to rima, e na oe e tohu i te reira. 8 E, inaha, na'u e tuu i te tapea i nia ia oe, e ore hoi oe e taviri i te tahi pae e te tahi pae, e ia hope te mau mahana aroraa na oe ra.

9 E rave atoa hoi oe i te sitona e te kerite na oe, e te phuli, e te pipi, te deheni, e te olura, a como ai i roto i te farii hoé, a faariro ai oe i te reira ei maa na oe iho, e ia hope roa na mahana no oe i te taotora e raro i to acao ra; e toru hanere e iva ahuru o oe mahana i te amuraa. 10 E ta oe ra maa ia amu ra, hoé taau ia sekela i te mahana hoé ia faito ra: ei tera mahana, ei tera mahana, a amu ai oe. 11 E inu atoa hoi oe i ta oe pape ma te faito, e te ono o te tufaa i te hina ta oe ia e inu, i tera mahana, i tera mahana. 12 E amu hoi oe i te tahi pane iti kerite; ei tutae taata te vahie ia tunu oe i mua i to ratou aro. 13 Ua na ô maira Iehova, Mai te reira te tamarii a Iseraela i te amuraa i ta ratou maa viivii i te mau fenua ta'u e tiabi atu ia ratou ra. 14 Ua parau atura vau, E te Fatu, e Iehova! inaha, aita vau i viivii: o te mea pohe noa ra hoi, e tei habaehia ra, aita vau i amu mai tau apiraa mai á; aore hoi te maa faufau i tae mai i roto i to'u nei vaha. 15 Ua parau maira oia ia'u, Inaha, ua tuu atu vau i te tutae puatoro ia oe eiaha to te taata, o ta oe ia e rave ei tunu i ta oe ra maa. 16 E ua na ô maira hoi oia ia'u, E te tamaiti a te taata na, inaha, e ofati au i te tauturu ra i te maa i Ierusalem: e amu hoi ratou i te maa ma te faito, e te faaherehere; e inu hoi ratou i ta ratou pape ma te faito, e ma te maere: 17 ia ere atu á ratou i te maa e te pape, e ia

maere atu te tahi i te tahi, e ia mihi noa 'tu i ta ratou hara.

Te utua a Ierusalem na to ratou tauaaraa.

5 E O oe, e te tamaiti a te taata na, a rave oe i te tahi tipi ooi, i te tahi rāta na te hahu taa ra, a hahu ai i to upoo na, e te umiumi: a rave ai i te tahi faito ei faito e ei tuha i taua *rouuru* ra. 2 E te toru o te tufaa ra, na oe e tahu i te auahi i ropu i taua oire ra, ia hope na mahana aroraa ra: a rave ai hoi oe i te tahi i taua na tufaa e toru ra, a papai haere ai i te tipi: e te toru hoi o te tufaa ra, na oe e haapuehu i te mata'i: e na'u e unuhi i te 'o'e na muri ia ratou. 3 E rave hoi oe i te tahi pae o ratou eiaha te rahi rea ia taio ra, a taamu ai i roto i to hiti ahū. 4 A rave ai hoi oe i te tahi pae o ratou a titiri atu ai i roto i te auahi, ia ama 'tu i roto i te auahi; e riro hoi i te tae mai te auahi no roto ia ratou i te utuafare atoa o Iseraela.

5 Te na ô maira te Fatu ra o Iehova; O Ierusalem teie: ua tuu hoi au ia'na i ropu i te mau fenua atoa ra, e te haastihia nei oia e te mau fenua nei. 6 E ua faahuru á oia i te parau au na'u ma te faaino e iti to te mau etene ra, e ta'u nei haapaoraa e iti to te mau fenua e ati noa "e ra; ua faarue ratou i ta'u nei faaauraa, e ta'u nei mau haapaoraa, aita ratou i faaau i ta ratou haapaoraa i te reira. 7 E teie nei, te na ô maira te Fatu ra o Iehova, No te mea, ua faarahihia outou i to te mau fenua i haasti mai ia outou na, e aore i haapao i ta'u nei haapaoraa, e aore i mau i ta'u nei faaauraa parau, aore hoi outou i haapao i te mau parau a te mau fenua i haasti mai ia outou; 8 te na ô maira te Fatu ra o Iehova; Inaha, o vau, o vau nei á tei ore i faatia ia outou, e na'u e tahoo atu ia outou i rotupu ia outou iho, i te aro o te mau fenua nei. 9 E na'u e rave i roto ia outou i tei ore i ravehia e au ra, e e ore hoi au e na reira i te rave faahou, no ta outou mau parau faufau ra. 10 E teie nei, e amu te mau metua i te tamarii i roto ia outou na, e amu hoi te mau tamarii i te mau metua; e faatupu hoi au i te parau au na'u i nia ia outou, e te toe ia outou ra, na'u ia e haapurara i na mata'i atoa e *maha* ra. 11 E teie nei, te ora nei au, te na ô maira maira te Fatu ra o Iehova; no te mea, ua haaviivii mai outou i to'u nei vahie mo'a, i ta outou ra mau mea faufau ra, e ta outou mau mea iino ra, e rave au ia outou e faaiti, e ore tau mata e faaherehere, e ore roa hoi au e aroha 'tu.

12 E te toru o te tufaa ia outou ra, e pohe ia i te ma'i, e pau hoi i te pohe i te poia i roto ia outou na: e te toru hoi o te tufaa ra, e hi'a ia i te 'o'e e ati noa "e

outou ra; e te toru hoi o te tufua, na'u ia e haapurara i te mau mata'i atoa e maha ra, e unuhi hoi au i te tahi 'o'e ei tipapa ia ratou. 13 E na reira van i te faatupu i to'u nei riri, e faairi au i tau riri u'ana i nia ia ratou; e maururu e'era hoi au, e ite ia ratou e, na'u na Iehova i parau atu ia ratou ma tau riri tahoo atoa, ia hope tau riri i te iri i nia ia ratou. 14 E faairi atu hoi au ia outou ei fenua pau, e ei faainoraa i te mau fenua atoa e haati mai ia outou ra, e na te feia atoa e na reira i te haere. 15 E riro hoi outou ei ino, e ei faainoraa, e ei a'oraa, e ei maereraa, na te mau fenua atoa e haati mai ia outou, ia faatupu van i te parau faaau na'u i nia ia outou, ma te riri, ma te tahoo, e ma te a'o u'ana 'tu. O van teie o Iehova e parau nei. 16 Ia haponu atu van i te ohe ino ra i te o'e i nia ia ratou ra, e pohe ai ratou ra, e o ta'u ia e haponu atu ia pohe a outou; e faarahi hoi au i te o'e i nia ia outou, e ta outou tauturu ra o te maa e ofatihia e au: 17 e haponu atu van i te o'e i nia ia outou, e te manu taehae ana'e, e pau hoi outou i te reira; e te ma'i, e te toto, te na roto ia outou; e hopoi mai hoi au i te 'o'e i nia ia outou. O van teie o Iehova, e parau nei.

*Jerusalem e tahoohia i to ratou haamori
varua ino.*

6 UA tae maira hoi te paran a Iehova ia'u nei, na o maira, 2 E te tamaiti a te taata na, a fariu atu i to mata i te mau mou'a i Iseraela nei, a tohu atu ai ia ratou, 3 a na o atu ai, E te mau mou'a o Iseraela nei, e faaroo mai i te paran a te Fatu ra o Iehova; te na o maira te Fatu ra o Iehova, i te mau mou'a e te mau aivi, i te mau pape e tahe rii ra, e te mau peho ra; Inaha, o van, o van pei a, e hopoi mai au i te 'o'e i nia ia outou, e e haamou van i ta outou mau vahii teitei. 4 E ano ta outou mau fata, e ta outou mau hoho'a e parari ia: e faarue hoi au i to outou mau taata pohe i mua i te aro o to outou mau idolo. 5 E tuu hoi au i te mau tino o te tamaru o Iseraela i mua i to outou mau idolo; e faarue hoi au i to outou mau ivi e ati noa "e ta outou mau fata. 6 I to outou mau parahiraa atoa ra e pau te mau oiro, e ano hoi te vahii teitei; e faaruehia hoi ta outou mau fata e ia mou atu, e ia parari hoi to outou mau idolo e ia ore ra, e ia tapu-hia to outou mau hoho'a ra, e ia ore ra ta outou mau ohipa. 7 E hi'a hoi te taata pohe i rotapu ia outou, e ite hoi outou o, o van o Iehova.

8 E faatoro ra van i te tahi toea, ia toe a te tahi pae o outou i te 'o'e i te mau fenua, ia purara o outou i to mau fenua

ra. 9 E to outou e toea ra, e mana'o mai ia ia'u i te mau fenua e hopoi-titi-hia i ratou ra, no te mea, e ati to'u i to ratou aau tei faarue ia'u i to ratou taivaraa, e i to ratou mata tei taiva i te peeraa i to ratou mau idolo; e faaino hoi ratou ia ratou iho i te mau ino ta ratou i rave ra, i to ratou mau mea faufau i ravehia ra. 10 E ite hoi ratou e, e ere ta'u, ta Iehova, i te parau tumu ore e e na reira van i te faatupu i teie nei ino ia ratou.

11 Te na o maira te Fatu ra o Iehova; A-tairi i to rima, a taataahi i to avaa, a parau atu ai, Aué hoi te mau parau faufau e te ino a te utuafare ra a Iseraela i hi'a hoi ratou i te 'o'e, e te poia, e te ma'i. 12 To te atea a ra, e pohe ia i te ma'i; e o tei fatata ra, e pohe ia i te 'o'e; e o tei toe ra e ua vaihohia, e pohe ia i te poia; e na reira van i te faatupu i tau riri i nia ia ratou. 13 E reira outou e ite ai e, o Iehova van, ia anoi-atoa-hia to ratou mau taata pohe i roto i to ratou mau idolo, e ati noa "e ta ratou mau fata, i nia i te mau aivi teitei, e te upoo atoa o te mau mou'a ra, e i raro a'e i te mau raau ruperupe atoa ra, e i raro a'e hoi i te mau raau rarahi ra, i te vahii ta ratou i hopoi i te raau no'ano'a i to ratou mau idolo ra. 14 Ia faatoro atu van i tau rima i nia ia ratou, ia faairi i te fenua ei fenua pau, e ei maereraa, e iti to te medebara i Dibilata, i to ratou atoa ra mau parahiraa; e ite ia ratou o, o Iehova van.

*Te pau-roa-raa o Iseraela, e te ati rahi o te
feia i ora 'ia.*

7 E UA tae maira te paran a Iehova ia'u nei, na o maira, 2 Te na o atoa maira, e te tamaiti a te taata na, te Fatu ra o Iehova, i te fenua o Iseraela ra; E hopea teie e *fatata maira*, te fatata maira te hopea, i na hiti atoa e maha o te fenua nei. 3 Ua tae mai te hopea i nia ia oe ra; e e faatano atu van i tau riri i nia ia oe ra, e e haava van ia oe i ta oe ra parau, e tahoo atu van i ta oe ra mau parau faufau ia oe ra. 4 E ore tau mata e faaherehere ia oe, e ore hoi au e aroha; e taloo atu van i ta oe ra parau ia oe, e ta oe mau parau faufau i roto ia oe ra; e ite hoi outou e, o van o Iehova.

5 Te na o maira te Fatu ra o Iehova, Inaha, e ino i te tipaparaa i te ino; 6 e hopea teie o fatata maira, te fatata maira te hopea; te moemoo maira ia oe; inaha, teie. 7 Te fatata nei te poipoi ia oe; e to te fenua nei e, ua fatata te taime: te mahana ane toi fatata nei, eiaha te pinal o te mau mou'a ra. 8 Teie au a nini atu i tau riri i nia ia oe ra, e e haava van ia oe i ta oe ra mau parau, e taloo atu van i ta oe ra mau

paran faufau i nia ia oe. 9 E ore hoi tau mata e faaherehere, e ore hoi au e aroha, e tahoo atu vau ia oe i ta oe ra parau, e ta oe ra mau parau faufau i roto ia oe ra: e ite hoi outou e, o vau teie o Iehova e tairi atu ia *outou na*.

10 A hi'o na i taua mahana nei, a hi'o na, te haere maira: ua mahemo a'enei te poi-poi; ua pu'ahia te raau, ua ruperupe te teoteo; 11 ua riro te aroha ore ei raau parau ino: e ore hoi ratou, e ore hoi to ratou atoa ra, e te rahi atoa o ratou ra e *loc*, e ore hoi ratou e othohia.

12 Te fatata maira te taime, te fatata maira te mahana, eiaha tei hoo atu e oaoa; eiaha tei riro ta'na ra e mihi: te vai nei hoi te riri u'ana i nia i te taata atoa nei. 13 E ore hoi tei hoo ra e ho'i mai i ta'na i hoo ra, toe noa 'i ratou i roto i te feia e ora ra: no te taata atoa nei hoi teie nei parau: e ore ia e tupu, te parau maira Iehova; e ore hoi te ho'e o tia ia faaetaeta ia'na illo i ta'na ra parau ino i te oraraa nei.

14 Ua faaoto ratou i to pu, ia ineine te taata atoa; aita ra te ho'e i tae i te aroraa: te vai ra hoi te riri u'ana i nia i te taata atoa ra. 15 Tei rapae te 'o'e, e te ma'i ra e te poia tui roto: tei rapae au i te aua ra, e pohe ia i te 'o'e, e tei roto i te oire ra, e pau ia i te pohe i te poia e te ma'i.

16 O te feia ra e ora ra, o te ora ia, e riro ia i nia i te mou'a ra mai te uupa o te peho ra, i te autā-paatoa-raa i ta'na hara i ta'na hara. 17 E riro te mau rima atoa i te ore i te etaeta, e to mau turi atoa ra mai te pape ra te paruparu.

18 E tatua ratou ia ratou iho i te alu ote, e tapo'ihia ratou e te riarira; e te haama tei nia atoa i to ratou mau mata, e te rouru ore i nia i to ratou atoa ra mau upoo. 19 E faarue ratou i ta ratou ario i roto i te arcā, e riro hoi ta ratou auro mai ta mea vivivi ra: e ore hoi ratou e ora i te ario e te auro, i te mahana e riri ai Iehova ra: e ore hoi to ratou hiaai e māha i te reira, e ore hoi to ratou opu e paia i te reira: o te turo-riraa hoi te reira no ta ratou ra hara.

20 Te nehenehe o to'na ra umauna, tana ia i vaiho maite ei mea hanahana, ua hamani ra ratou i te hoho'a o ta ratou mau mea faufau ra, e o ta ratou mau mea riarira, i reira: i faariro ai au i te reira ei mea vivivi ia ratou. 21 E horca 'tu vau i te reira i te rima o te taata ēē ei tao'a, e te rima o te mau taata parau ino i te fenua nei ei tao'a pau, e na te reira ratou e haaviivii.

22 E fariu ē hoi au i tau mata ia ratou; e na te taata e haaviivii i tau vahi moe ra; na te haru e tomo i roto, a haaviivii ai.

23 E hamani oe i te tahi fifi na oe ra: ua i hoi te fenua i te hara toto, ua i hoi te oire i te rave u'ana. 24 E e hopoi mai au i te mau fenua aroha ore, e na

ratou e parahi i to ratou mau fare; e faaure hoi au i te teoteo o te feia etaeta ra, e haaviiviihia to ratou mau vahi mo'a ra. 25 Te iatata maira te pohe, e imi hoi ratou i te ora, e ore ra e noaa. 26 E tupu hoi te ati na nia iho i te ati, e te tuiaraa roo na nia iho i te tuiaraa roo; e imi hoi ratou i te orama i te peropheta, e moe ra te ture i te taata tahu'a, e te a'o i te feia paari ra. 27 E oto te arii ia'na iho, e vehihia hoi te tamaiti a te arii i te maere; e peapea hoi te rima o te mau taata o te fenua ra: e rave hoi au ia ratou i tei au i ta ratou iho parau, e mai ta ratou mau faaauraa ra, o ta'u ia e faaau atu ia ratou; e ite hoi ratou e, o vau o Iehova.

Te orama a te Atua i faaitohia 'tu ia Ezekielia ra.

8 E TAE a'ora i te ono o te matahiti e te ono hoi o te muramu, e te pae o te mahana i taua marama ra, ia'u ra i parahi noa i roto i tau fare, e te mau tanta paari o Iuda i te parahiraa i mua ia'u, tei nia maira te rima o Iehova ia'u i reira. 2 Ua hi'o ihora vau, e, inaha, e hoho'a mai te auahi ra te huru: mai te tauupu e o raro, mai te auahi ra ia, mai te tauupu hoi e o nia, mai te anaana te huru, mai te hesemala te huru. 3 Ua tuu maira hoi oia mai te rima te huru, e ua rave maira i te ho'e lo rouru no'u; ua hopoi a'era te varua ia'u i nia i ropu i te area nei, o te ra'i i nia, e te fonua nei i raro, e ua hopoi maira ia'u i te orama a te Atua i Ierusalemā, i te uputa i te opani o roto ra, tei fariu tia i te pae i apatoerau ra, i te parahiraa o te idolo faahae ra tei faatupu i te hae.

4 E, inaha, tei reira te hanahana o te Atua o Iseraela, mai te orama ta'u i ite i te vahi atea ra.

5 Ua parau maira oia ia'u nei, E te tamaiti a te taata na, a nānā na i to mata i te pae i apatoerau ra. Ua nānā a'era vau i tau mata i te pae i apatoerau, e, inaha, i te uputa o te iata ra, i te pae i apatoerau ra, teie nei idolo faahae ra i te tomoraa ra. 6 Ua na ō maira hoi oia ia'u, E te tamaiti a te taata na, te ite ra oe i ta ratou e rave nei? e te parau faufau rahi ta te utafare ra o Iseraela e rave i teie nei vahi, ia faarue roa vau i tau vahi mo'a nei? a fariu faahou ra e ite ia oe i te parau faufau rahi ra.

7 Ua aratai maira oia ia'u i te opani no te aumoa; e ua hi'o ihora vau, e inaha, e apoo tei roto i te patu. 8 Ua parau maira oia ia'u, E te tamaiti a te taata na, a ō na i roto i taua patu ra: e oti a'era i te ōhia e au ra, inaha, e uputa. 9 Ua na ō maira oia ia'u, A haere i roto, a hi'o i te mau parau ino faufau ta ratou e rave i ō nei. 10 Haere atura vau i roto, e ite atura vau; e, inaha, te mau-

mea rii faufau atoa e nee haere ra, e te mau manu faufau ra, e te mau idolo atoa o te utuafare o Iseraela, i te otitirahia i nia i te patu e ati noa 'e. 11 Ua tia noa maira na taata e hitu ahuru o te feia paari o te utuafare o Iseraela; e o Iaazania a Saphana i te tia-noa-raa i ropu i te feia i na mua ia ratou i te tlaraa; e vaira auahi ana'e tei te rima o taua mau taata atoa ra, pee atura te ata rahi mea no'ano'a meumeu ra i nia. 12 Ua parau maira oia ia'u, E te tamaiti a te taata na, ua ite oe i ta te feia paari o te utuafare o Iseraela e rave nei i te pouri, te mau taata atoa i roto i te mau piha vaira hoho'a no'na ra? ua na ô hoi ratou, E ore Iehova e hi'o mai, ua faaroo Iehova i te fenua nei.

13 E ua parau mai ra oia ia'u nei, E fariu faahou oe, e ite atu â oe i te rahi-raa 'tu o te parau faufau ta ratou e rave nei. 14 Ua aratai maira oia ia'u i te opani o te tomoraa o te fare o Iehova, i te pae i apatoerau ra; e, inaha, e vahine ana'e tei parahi i reira i te otoraa ia Tamuza. 15 Ua parau maira oia ia'u, Ua ite oe i te reira, e te tamaiti a te taata nei? fariu faahou oe e rahi atu â ta oe mau parau faufau e ite i teie. 16 Ua aratai maira oia ia'u i te aumoa i roto ra, i te fare o Iehova, e, inaha, tei te uputa o te hiero o Iehova, i roto i te area i te tomoraa e te fata ra, na taata hoê taau e ma pae, ma to ratou taa i te fariu-tia-raa i te hiero o Iehova, e to ratou mau mata i te fariuraa i te hitia o te râ ra; pi'o tia 'tura ratou i raro i te mahana i te pae i te hitia o te râ ra.

17 Ua parau maira oia ia'u, Ua ite atura oe i te reira, e te tamaiti a te taata na? e mea iti māmā anei i te utuafare o Iuda ia rave ratou i te mau parau faufau ta ratou i rave i ô nei? ua faai ratou i te fenua i ta'ratou ravea u'ana, e aita i tuutuu i te faacoo mai ia'u ia riri: e, inaha, te tuu ra ratou i te amaa rasu i to ratou apoo ihu. 18 E teie nei, e faatupu atu vau i tau riri: e ore tau mata o faaherehere, e ore hoi au e aroha 'tu: e tae noa mai to ratou oto rahi i roto i tau tari'a nei, e ore au e faaroo atu ia ratou.

Te ora o te tahi pae, e te pohe o te tahi pae, i faaitelia mai.

9 Ua pii atoa maira oia i te re'o puai i roto i tau tari'a, na ô maira, Haafatata maira i te feia i poroihia i teie nei oire, te taata ma te mauhaa taparahi taata ra i tana rima. 2 E, inaha, te haere maira na taata toono i na te e'a i te uputa i nia ra, e tiraha tia i te pae i apatoerau ra, te taata atoa ma te mauhaa taparahi taata ra i tana rima; e te hoê taata i taua na taata toono ra, e vavai te ahu, ma te farii inita a te

taata papai parau ra i te aoao ra: haere ana'e atura ratou i roto tia ihora i te hiti o te fata veo ra. 3 Reva 'tura te anaana o te Atua o Iseraela mai nia i te vaira ra i nia i te kerubi, e te tomoraa o te fare ra. Ua parau atura oia i te taata i ahu i te ahu vavai ra, tei ia'na te farii inita i te aoao ra; 4 ua na ô atura Iehova ia'na, E haere na rotopu i te oire, na rotopu i Ierusalem, a 'tuu ai i te tapao i nia i te rae o te mau taata i autâ nos e ua pii hua, i te mau parau faufau atoa i ravehia i roto ra. 5 Ua na ô atura oia i te tahi pae, o vau tei faaroo, E haere outou na muri ia'na i te pee na roto i te oire, a tairi ai: eiaha to outou mata e faaherehere, eiaha outou e aroha: 6 e taparahi hua i te taata paari, e te taata api, e te paretenia, e te tamarii rii, e te vahine: eiaha râ e haafatata noa 'tu i te taata tei nia ia'na te tapao ra; e mata na i ô nei na tau vahi mo'a nei i te rave. Ua tamata 'tura ratou i te rave i te feia paari i mua i taua fare ra. 7 Ua parau atura oia ia ratou, A haaviivii atu i te fare, e faaii i te mau aumos i te taata pohe: a haere outou. Haere atura ratou, e ua taparahi i roto i te oire.

8 E te taparahi noa ra ratou ia ratou, te toe ra vau, ua tipapa ihora vau i raro tau mata, e ua pii atura vau, na ô atura, Auê, e te 'fatu ra, e Iehova! e haapau roa oe i te toea o Iseraela, i te ninjiraa i to riri i nia ia Ierusalem? 9 Ua parau maira oia ia'u; Te hara a te utuafare o Iseraela e o Iuda, ua rahi roa ia, e ua ii hoi te fenua i te toto, ua ii hoi te oire i te mârô: te parau nei hoi ratou e, Ua faaroo Iehova i te fenua nei; e acre hoi Iehova e hi'o mai. 10 E teie nei, o vau nei, e ore tau mata e faaherehere, e ore hoi au e aroha, e tahoo râ vau i ta ratou parau i nia i to ratou iho upoo. 11 E, inaha, taua taata i ahu i te vavai ra, na'na te farii inita i te aoao ra, ua parau maira i ta'na parau, na ô maira, Ua na reira vau i ta oe i faaue mai ia'u ra.

Te orama o te arahu ama i te tiriaraa i roto i te oire.

10 Ua hi'o ihora vau, e, inaha, i roto i te reva i nia 'e i te upoo o na kerubi, te vai noa maira mai te ofai saphira i nia 'e, mai te terono te huru i te faitoraa. 2 Ua parau maira Iehova i taua taata i ahu i te vavai ra, na ô maira, A haere na roto i te area i na preoo i raro a'e i te kerubi, a faai ai i to rima i te arahu ama i ropu i na kerubi, a titiri haere ai na nia i te oire. Haere atura oia i roto i mua i tau mata nei. 3 Te tia noa ra na kerubi i te pae atau i taua fare ra, a haere ai taua taata ra i roto; e te i ra te hezere i roto i te ata

ra. 4 E ua reva tura te anaana o Iehova mai te kerubi atu, i nia "e i te uputa o te fare; ua i hoi te fare i te ata, ua i hoi te aumoa i te anaana o te mana o Iehova. 5 E te haruru o na pererau o te kerubi, te itea ra ia e tae roa tura i te aumoa i rapae au ra, mai te re'o o te Atua Pnai-hope ia parau ra. 6 Riro atura hoi, ia'na i faaue i te tagta i ahu i te vavai ra, a na ô ai ra e, A rave i te auahi i te tao'a pereoo ra, i ropu i na kerubi; ua haere atura oia i roto e ua tia noa ihora i te hiti o na pereoo ra. 7 Ua faatoro ihora te hoê kerubi i tana rima i ropu i na kerubi i te auahi i rotupu i na kerubi, e ua rave ihora, ua tuu a'era i te rima o tei ahu i te vavai ra; ua rave ihora i te reira, e haere atura i rapae.

8 E mai te rima taata ra te huru to na kerubi i raro a'e i na pererau ra. 9 E ia'u hoi i hi'o ra, inaha, e maha atoa pereoo tei te hiti o na kerubi, hoê pereoo i te hiti o te hoê kerubi, e te tahi pereoo i te hiti o te tahi kerubi: e te huru o taua na pereoo ra, mai te ofai tarisisa ra ia. 10 E to ratou ra mau huru, hoê â o ratou toomaha huru; mai te pereoo i roto i te hoê pereoo. 11 Ua haere ana'e ratou ra, ua na nia i na hiti atoa e maha i te haere; aore ratou i fariuriu ia haere; te vahî ra i hi'ohia e te upoo ra, ua haere ana'e ratou i reira; aore ratou i fariuriu ia haere. 12 E to ratou tino atoa, e to ratou tiaio, e to ratou rima, e to ratou mau pererau, e te mau pereoo, ua i ana'e i te mata e ati noa "e, e na pereoo na ratou e maha ra. 13 Area te mau pereoo ra, faaroo atura vau i te hoê i te piiraa, E te pereoo e. 14 Taimaha ana'e â mata to ratou atoa ra: tei mutaa ihora mata, e mata ia no te kerubi, e te piti o te mata, e mata taata ia, e te toru ra, e mata liona ia, e te maha ra, e mata aeto ra ia. 15 E hopoihia a'era taua na kerubi ra i nia. O te mea ora ia ta'u i ite i te pape ra i Kebara. 16 E ua haere ana'e te mau kerubi, ua haere atoa te mau pereoo na pihai iho: e ua hopoi ana'e te mau kerubi i to ratou mau pererau e mau e i nia i te fenua, sore te mau pereoo i taa i pihai ihora. 17 Ua faaea ana'e te reira, ua faaea atoa teie; e ua hopoi-ana'e-hia te reira, ua hopoi-atoa-hia teie: tei roto hoi ia ratou te varua o taua mea ora ra. 18 Haere e atura te anaana o Iehova, mai nia mai i te uputa fare, tia noa ihora i nia i te mau kerubi. 19 Ua hopoi a'era te mau kerubi i to ratou mau pererau, e ua pee atura i nia, i mua i tau mata nei; e ua haere ana'e ratou i rapae, o te mau pereoo atoa i pihai iho; e ua tia noa ihora i te uputa i te hitia o te râ i te fare o Iehova; e te anaana o te Atrâ o Iseraela tei

nia "e ia ratou. 20 O te mea ora teie ta'u i ite i raro a'e i te Atua o Iseraela i te pape pape ra o Kebara: e ua ite hoi au e kerubi ratou. 21 Taimaha ana'e â mata to ratou atoa ra, taimaha ana'e hoi pererau; e te huru o te rima o te taata nei tei raro a'e i to ratou mau pererau. 22 E te huru o to ratou mau mata, o na mata ia ta'u i ite i te pape ra i Kebara, o to ratou ia huru e o ratou iho hoi ia: e haere titiaifaro noa ratou atoa ra i mua.

Te mârd o te feta mana, ia ratou hara, e to ratou pohe,

11 UA faatia a'era te varua ia'u i nia, e ua aratai maira ia'u i te uputa i te pae i te hitia o te râ i te fare o Iehova, i tei tiraha tia i te pae i te hitia o te râ ra: e inaha, tei te opani i taua uputa ra na taata hoê tauu e ma pae; e ua ite atoa vau i rotupu ia ratou ia Iaa-zania a Azura, e ia Pelatia a Benaia, e hui ari'i ia i ô-te mau taata ra. 2 Ua parau maira oia ia'u, E te tamaiti a te taata na, o te mau taata teie i imi i te ino ra, e o tei a'o i teie nei oire i te parau ino: 3 o tei parau e, Aita i fatata: tatou e patu i te fare: o teie nei oire, o te pani ia, o tatou ra te maa. 4 E tena na, a tohu atu oe ia ratou, a tohu, e te tamaiti a te taata na. 5 Ua mairi maira te varua o Iehova i nia ia'u, e ua na ô maira, A parau, Te na ô maira Iehova: Ua na ô hoi outou, e te utuafare o Iseraela: ua ite hoi au i te parau i ô atu i roto i to outou au, e eiaha roa ia toe. 6 Ua faarahi outou i te taata pohe i teie nei oire, e ua faai outou i to'na mau aroâ i te taata pohe. 7 E teie nei, te na ô maira to Atua ra o Iehova, To outou mau taata pohe i vaihohia e outou i ropu, o ratou te maa, e teie nei oire te pani: e aratai râ vau ia outou i rapae au, mai ropu mai i taua oire ra. 8 I mâtâ'u na hoi outou i te 'o'e; e ei 'o'e ta'u e hopoi mai i nia ia outou, te na reira maira te Fatu ra o Iehova. 9 Na'u outou e aratai mai i rapae, mai ropu mai â i taua oire ra, a tuu atu ai au ia outou i te rima o te taata eê ra, e tahoo atu vau ia outou na. 10 E hi'a outou i te 'o'e; ei te hiti o Iseraela vau e faautua 'tu ai ia outou; e ite hoi outou e, o Iehova vau. 11 E ore teie nei oire e riro ei pani na outou, e ore hoi outou e riro ei maa i roto ra; ei te hiti o Iseraela vau e faautua 'tu ai ia outou; 12 e ite hoi outou e, o Iehova vau; no te mea aita outou i haapao i ta'u nei parau, e aita hoi i rave i ta'u i faanu atu, ua haapao râ i ta te mau etene e haati mai ia outou nei.

13 E ia tohu ihora vau ra, pohe ihora Pelatia a Benaia. Tipapa ihora vau i raro tau mata, e ua pii hua tura tau

re'o, na ô atura, E te Fatu e, e Iehova! e faahope hua anei oe i te toea o Iseraela nei? 14 O te taeraa mai ia o te parau a Iehova ia'u nei, na ô maira, 15 E te tamaiti a te taata na, to mau taese, to mau taese te mau taata i to oe fetii, e te utuafare atoa o Iseraela e ati noa "e, o tei parauhia mai ia e to Ierusalem, Ia atea ê atu outou ia Iehova nei: o matou tei horoahia mai tele nei fenua ei tao'a. 16 E tena na, a parau atu e, Te na ô maira te Fatu ra o Iehova; Faarue ê noa 'tu ê vau ia ratou i roto i te mau fenua ra, haapurara noa 'tu vau ia ratou i roto i te mau mataeinaa ra, ei haapuraa iti potu râ vau no ratou i taua mau mataeinaa ra ta ratou e haere ra.

17 E tena na, e na ô atu, Te na ô maira te Fatu ra o Iehova, Na'u outou e ope mai, mai roto i te mau taata ra, e haaputupu mai au ia outou mai roto i te mau fenua i purara ê ai outou ra, e na'u e horoa 'tu ia outou i te fenua o Iseraela. 18 E haere mai ratou i reira, e na ratou e hopoi ê atu i te mau mea ino i reira, e te mau mea faufau i reira. 19 E na'u e horoa 'tu i te sau hoê no ratou, e na'u e tuu i te varua api i roto ia ratou; e na'u e iriti i te sau ofai i roto ia ratou, e na'u e horoa 'tu i te sau mârû: 20 Ia haapao ratou i ta'u nei parau, e ia tapea i ta'u nei haaparaa, a rave ai; e ei taata ratou no'u, e ei Atua vau no ratou. 21 Aera o tei tipapa to ratou sau i te hinaaro i ta ratou mau mea ino ra, e ta ratou mau mea faufau, e tahoo atu vau i ta ratou parau i nia ia ratou iho, te parau maira te Fatu ra o Iehova.

22 Ua faateitei a'era na kerubi i to ratou mau pererau, e tei pihai iho te mau pereoa ia ratou; e tei nia "e te anaana o te Atua o Iseraela ia ratou ra. 23 Reva 'tura te anaana o Iehova mai ropu atu i taua oire ra, e tia noa ihora i nia i te mou'a i te pae i te hitia o te râ i taua oire ra. 24 Muri a'era ua rave maira te varua ia'u i nia, e ua hopoi ia'u i te fenua o te Kaladaio, i te feia titi ra, i roto i te orama o te varua o te Atua ra. Reva 'tura tsua orama i itea e au ra i nia. 25 Ua parau atura vau i to te feia titi ra i te mau parau atoa ta Iehova i faaita mai ia'u ra.

Te faaita nei te peropeta i to Zedekia paraua.

12 UA tae maira hoi te parau a Iehova ia'u nei, na ô maira, 2 E te tamaiti a te taata na, te parahi ra oo i rotopu i te utuafare tâhito ra; e mata to ratou ia hi'o, e aore i hi'o; e tari'a to ratou ia faaroo, e aore i faaroo: e utuafare tâhito hoi ratou. 3 E tena na, e te

tamaiti a te taata na, e faaineine oe i te tao'a na oe ia haere ra, a haere ai oe i te ao nei i mua i to ratou mata; a faarue ai oe i to oe ra vahi, a haere ai i te tahi vahi i mua i to ratou mata; peneia'o ratou o te haamana'o, tâhito noa mai ai taua utuafare no ratou ra. 4 E i reira hoi oe e hopoi ai i ta oe ra tao'a i te ao nei ei tao'a haere i mua i to ratou mata; ei te ahiahi oe e hopoi ai i mua i to ratou mata, mai te feia e hopoi tei riro ei titi ra. 5 E o oe i na roto i te auâ i mua i to ratou mata, a na reira 'i i to hopoi. 6 E i mua i to ratou mata oe e hopoi ai i ta oe ra tao'a i nia i to tapono; ei te arehurehura ra oe e hopoi ai; e vehi oe i to mata, e iaha oe ia ite i te repo: ua faariorhia hoi au ia oe ei tapao i te utuafare o Iseraela. 7 E ua na reira hoi au, tei faauehia mai au ra: ua hopoi au i tau tao'a i te ao, ei tao'a no te tere; e ahiahi a'era, ua ô ihora vau na roto i te auâ i tau rima; ua hopoi hoi au i te arehurehu ra, ua hopoi au na nia i tau tapono i mua i to ratou mata.

8 E ao a'era, o te parau maira na Iehova ia'u nei, na ô maira, 9 E te tamaiti'a te taata na, aita anei te utuafare o Iseraela, te utuafare tâhito ra, i parau mai ia oe e, Te aha noa na oe? 10 E parau atu oe ia ratou, Te na ô maira te Fatu ra o Iehova, Teie nei parau tei-aha, no te arii ia no Ierusalem, e te utuafare atoa o Iseraela i rotopu ia ratou ra. 11 E parau atu, O vau ta outou tapao; e mai ta'u i rave ra, e na reira hoi ratou; e haere ia ratou, e reva hoi ratou ei titi. 12 E na te arii i roto ia ratou e hopoi na nia i to'na tapono, ei te arehurehura fa oia e haere ai, e ô ratou na roto i te auâ ia hopoi e na reira i te hopoi i rapae; e vehi oia i tana mata ia ore ia ite to'na mata i te repo. 13 E tuu hoi au i tau upe'a i nia ia'na, e fili hoi oia i tau marei, e hopoi au ia'na i Babulonia, i te fenua o te Kaladaio; e ore râ oia e ite, e pohe noa 'tu ê oia i reira. 14 E te feia atoa e haati mai ia'na ei tauturu, e te mau pûpû atoa no'na ra, na'u e haapurara i te mau mata'î atoa ra; e na'u e unuhi i te 'o'e ei tipapa ia ratou ra. 15 E ite hoi ratou e, o vau o Iehova, ia haapurara vau ia ratou i roto i te mau fenua atoa, ia faatae atu vau ia ratou i roto i te mau mataeinaa atoa ra. 16 E faatoe râ vau i te tahi pae i te 'o'e]ra, e i te poia ra, e i te ma'i ra; ia faaita ratou i ta ratou mau parau ino i to mau fenua ta ratou e haere ra; e ite hoi ratou e, o vau o Iehova.

17 E ua tae maira hoi te parau a Iehova ia'u nei, na ô maira, 18 E te tamaiti a te taata na, e amu oe i ta oe maa ma te rurutaina, e inu oe i ta oe

pape ma te horuhoru, e ma te hauriria; 19 a parau atu ai i te mau taata o te fenua nei, Te na ô maira te Fatu ra o Iehova i to Ierusalem, i te fenua o Iseraela; E amu ratou i ta ratou maa ma te hauriria, e inu i ta ratou pape ma te maere, e ia ano to raton fenua e eiaha roa to roto ra, no te rave aroha ore o te feia i parahi i reira. 20 E te mau oire taata ra, e riro ia i te faaorehia, e riro hoi taua fenua ra i te ano; e ite hoi outou e, o Iehova vau ra.

21 Ua tae maira hoi te parau a Iehova ia'u nei, na ô maira, 22 E te tamaitai a te taata na, eaha taua maseli na outou na i te fenua o Iseraela nei, tei na ôhia ra e, Ua haamaorohia te tau ra, ua ore ana'e te mau orama? 23 E tena na, e parau atu oe ia ratou, Te na ô maira te Fatu ra o Iehova; e faaore au i taua maseli nei, e ore hoi ratou e parau faahou i te reira ei maseli i Iseraela nei; e parau atura ia ratou, Te fatata nei te tau, e hope ai te orama atoa i te tupu. 24 E ore roa hoi e tupu faahou te orama faufaa ore, e te tohu haavare, i roto i te utuafare o Iseraela. 25 O vau hoi o Iehova, na'u e parau, e te parau ta'u e parau ra, e tupu ia; e ore ia e faaroarohia: ei to outou nei anoutau, e tera ra utuafare tâhito e, e parau ai au i te parau, e na'u e faatupu, te na reira maira te Fatu ra o Iehova.

26 Ua tae maira te parau a Iehova ia'u nei, na ô maira, 27 E te tamaitai a te taata na, inaha, te parau nei te utuafare o Iseraela, Te orama ta'na i ite ra, no te mau mahana ia a muri atu, e tei te atea ô ra te tau ta'na e tohu ra. 28 E tena na, e parau atu ia ratou, Te na ô maira te Fatu ra o Iehova; E ore roa ta'u nei parau e faaroarohia-faahou-hia, e te parau ta'u e parau ra, e faatupuhia ia, te parau maira te Fatu ra o Iehova.

Te mau peropheta haavare i faahapahia ra.

13 UA tae maira hoi te parau a Iehova ia'u nei, na ô maira, 2 E te tamaitai a te taata na, e tohu oe i te mau peropheta i Iseraela nei tei tohu ra, e parau atu i te feia i tohu i to roto i to ratou iho au, E faaroo mai outou i te parau a Iehova; 3 te na ô maira te Fatu ra o Iehova, E pohe to te mau peropheta maamaa, o tei haapo i to ratou iho au, e aore a ratou parau i itea! 4 E Iseraela e, e au to mau peropheta i te mau alope i roto i te mau vahi pau ra. 5 Aita outou i haere i roto i te mau vahi parari, aore hoi i rave faahou i te patu, ia mau te utuafare o Iseraela i te aroraa ra, i te mahana o Iehova. 6 Te mea faufaa ore ta ratou i ite, e te tohu haavare, i te na

ôraa e, Te parau maira Iehova; e aore hoi Iehova i tono ia ratou; te tiaturi ra râ ratou e e tupu ta ratou parau.

7 E ere anei i te orama faufaa ore ta outou i ite ra, e ere anei i te tohu haavare ta outou i parau ra, ta outou e parau na e, Te parau maira Iehova, e aore â hoi au i parau? 8 E teie nei, te na ô maira te Fatu ra o Iehova; i te mea, e parau faufaa ore ta outou, e o te haavare ta outou i ite, e teie nei, inaha, aore au e faatia ia outou, te na reira maira te Fatu ra o Iehova. 9 E ore hoi tau maa e faatia i te mau peropheta, tei hi'o i te mea faufaa ore, e tei faatupu i te tohu haavare: e ore ratou e ô i roto i te amuiraa o to'u nei taata, e ore hoi ratou e papaihia i roto i te buka a te utuafare o Iseraela, e ore hoi ratou e ô i te fenua o Iseraela; e ite hoi outou e, o te Fatu ra vau o Iehova.

10 No te mea, oia ia, no te mea ua haavare ratou i to'u ra taata, i te na ôraa e, E hau ia, e aita hoi e hau; e na te hoê i patu i telaua, e na te tahi pae i parai i te pua aore i o'ihia ra: 11 e parau atu i te feia i parai i te pua o'i-ore-hia ra, E mairi ia; e riro i te ûa-rahi-hia; e e mairihia e te ûa-paari rarahi; e e parari i te mata'i rahi. 12 E inaha, ua parari ana'e taua au ra, e ore anei outou e na ôhia mai e, Tei hea ihora te pua ta outou i parai ra? 13 E teie nei, te na ô maira te Fatu ra o Iehova; E parari ia ia'u i te mata'i rahi i te riri no'u ra; e ûa-rahi-hia i te tairoro no'u ra, e te ûa-paari rarahi ei tahoo na'u ra, e ia hope roa i te pau. 14 E na'u e haaparari i te aua ta outou i parai i te pua o'i-ore-hia ra, e na'u e tuu roa i raro i te repo, e ia itea no'u te nîu ra; e mairi ia, e o outou te pau i rotou pa; e ite hoi outou e, o Iehova vau. 15 E na reira vau i te faatupu i tau riri i taua au ra, e te feia i parai i te pua o'i-ore-hia ra; a parau atu ai au i ratou. Ua ore taua au nei, e te feia atoa i parai ra; 16 oia te mau peropheta a Iseraela nei, o tei parau ia Ierusalem nei, e o tei hi'o i te orama hau no'na, e aita roa e hau, te parau maira te Fatu ra o Iehova.

17 E fariu atu hoi oe, e te tamaitai a te taata na, i te mau tamahine a to mau taata nei, o tei tohu i ta to ratou iho au; e tohu atu hoi oe ia ratou, 18 e na ô atu, Te na ô maira te Fatu ra o Iehova; E pohe to te mau vahine e pae i te tuaurua i raro a'e i te mau ee atoa ra, e o tei hamani i te vehi upoo no te mau taata atoa ia tia mai, ei imiras i te varua! E imi ô outou i te varua o to'u nei mau taata, e faaroo outou i te feia atoa e faaroo mai? 19 E haaviivi anei outou ia'u i roto i tau mau taata atoa nei i te rima kerite hoê o te maa pane

vahaa ra; e ia pohe atu te mau varua eita e au te pohe, e ia ora hoi te mau varua eita e au ia ratou te ora, e ta outou haavareas' i tau mau taata e faaroo i te haavare nei? 20 E teie nei, te na ô maira te Fatu ra o Iehova; Inaha, e ore au e faatia i ta outou mau tuaurua, ta outou e imi noa na i te mau varua e vare atura ratou; na'u e hahae i te reira i to outou mau ee, a tuu atu ai i taua mau varua ra, i te mau varua ta outou e imi na e vare atura. 21 E hahae atoa hoi au i to outou mau vehi, e ia ora mai tau mau taata i to outou rima, e ore hoi ratou e vaihohia i roto i to outou rima ia imihia e outou na; e ite hoi outou e, o Iehova vau. 22 No te mea, ua taiâ te aau o te feia parautia ia outou i te haavare, o tei ore i faatafâhia e au ra; e ua faaetaeta outou i te rima o te feia parau ino, ia ore oia ia fariu mai i ta'na parau ino ra, e ia faora rau ia'na ra: 23 e teie nei, atire outou i te hi'o i te mea faufaa ore, e te faatupu i te tohu: e faora hoi au i tau mau taata i to outou na rima: e ite hoi outou e, o Iehova vau.

Te haavare o te tahi pae i faatehina, e to ratou pohe.

14 UA haere maira te tahi pae i te feia paari o Iseraela, e ua parahi maira i mua ia'u. 2 E ua tae maira te parau a Iehova ia'u nei, na ô maira, 3 E te tamaiti a te taata na, ua faatia ana'e teie nei mau taata i te mau idolo i roto i to ratou aau, e ua tuu i te turoriraa ra o ta ratou hara i mua i to ratou mata: e tia anei au ia uihia mai e ratou? 4 E teie nei, e parau atu oe ia ratou, e na ô atu ia ratou, Te na ô maira te Fatu ra o Iehova; Te mau taata atoa no te utuafare o Iseraela nei o tei faatia i to na mau idolo i roto i to'na aau, e ua tuu hoi i te turoriraa ra o ta'na hara i mua i to'na mata, e ua haere mai i te peropheta ra, o vau o Iehova te parau atu ia'na i tei haere maira i te rahiraa o to'na ra mau idolo; 5 ia fifi te utuafare o Iseraela i to ratou iho aau, no te mea ua taa e ana'e ratou ia'u i to ratou mau idolo.

6 E teie nei, e parau atu i te utuafare o Iseraela, Te na ô maira te Fatu ra o Iehova; A tatarahapa, a fariu e mai i to outou mau idolo; fariu e mai i to outou mata i to outou atoa ra mau mea faufau ra. 7 Te mau taata atoa hoi no te utuafare o Iseraela, e to te taata e atoa i parahi nos i Iseraela nei, o tei faataa e ia'u ra, e ua faatia i to'na mau idolo i roto i to'na ra aau, e ua tuu i te turoriraa ra o ta'na ra hara i mua i tana mata, e ua haere maira i te peropheta e ui ia'na ia'u nei, na'u iho, na Iehova, e parau atu ia'na: 8 e fariu hoi au i tau

mata i te reira taata, e faairi vau ia'na ei tapao, e ei tauarua parau; e faataa e atu hoi au ia'na i to'u nei mau taata; e ite hoi outou e, o Iehova vau. 9 E ia vare te peropheta i taua parau ta'na i parau ra, na'u ia na Iehova e tuu noa 'tu i taua peropheta ra ia vare noa na; e faatoro atu hoi au i tau rima ia'na e rave ia'na, e haamou atu vau ia'na i roto i to'u nei mau taata ia Iseraela. 10 Na ratou e farii i te utua o ta ratou hara; te utua o te hara a te peropheta ra, hoê â ia e te utua o te hara a te taata i imi i te parau ia'na ra; 11 ia ore te utuafare o Iseraela ia taiva faahou ia'u nei, e ia ore hoi ratou ia viivii faahou i ta ratou ra mau hara; ia riro râ ratou ei taata no'u, e ia riro vau ei Atua no ratou, te parau maira te Fatu ra o Iehova.

12 Ua tae maira te parau a Iehova ia'u nei, na ô maira, 13 E te tamaiti a te taata na, ia rave te fenua i te hara ia'u nei e ua rahi roa te hara, e ua faatoro ihora vau i tau rima i nia iho i taua fenua ra, e ua ofati ihora vau i te tauturu ra i te mea i taua fenua ra, e ua hopoi atu vau i te o'e i nia iho, e faorehina a'era e au te taata e te puua atoa: 14 e te parahi ra eie nei tau taata tootoru i reira, O Noa, o Daniela, e o Ioba, o to ratou ihora varua te ora i ta ratou ra parautia, te na reira maira te Fatu ra o Iehova.

15 Ia tuu atu vau i te mau taehae no roto i te reira fenua, e pau ihora ratou, e ano atura taua fenua ra, e aita 'tura e taata e ta'e na roto i te haere no taua mau taehae ra: 16 e tei reira taua na taata tootoru ra, te na ô maira te Fatu ra o Iehova, te ora nei au ra, e ore te mau tamarii tamaroa, e te mau tamarii tamahine, e ora ia ratou; o ratou iho â te ora, e ano râ taua fenua ra.

17 E ia hopoi mai au i te 'o'e i te reira fenua, a parau ai e, E te 'o'e, a haere na roto i teie nei fenua; e pau roa a'era te taata e te puua atoa ia'u: 18 e tei reira taua na taata tootoru nei, te na ô maira te Fatu ra o Iehova; te ora nei au ra, e ore te mau tamarii tamaroa, e te mau tamahine, e ora ia ratou, o ratou iho â te ora.

19 E ia hopoi atu vau i te ma'i i nia i taua fenua ra, e ia ninii toto noa 'tu vau i tau riri i nia iho, i pau roa 'tu te taata e te puua atoa ra: 20 e te parahi ra Noa, e o Daniela, e o Ioba, i reira, te na ô maira te Fatu ra o Iehova, te ora nei au ra, e ore te tamaroa, e te tamahine, e ora; o to ratou iho varua te ora i ta ratou ra parautia. 21 E teie nei, te na ô maira te Fatu ra o Iehova: A tae atu ai i na pohe atoa na'u e maha atoa ra ia hopoi atu i nia ia Ieruselema, i te 'o'e, e te poia, e te

mau taehae, e te ma'i, e ia pau roa te taata e te puua atoa hoi? 22 E, inaha, e toea te toe i reira, o te arataihia mai ia, te mau tamaroa e te mau tamahine atoa ra: e inaha, e haere mai ratou ia outou na, e ite hoi outou i ta ratou parau e ta ratou e rave ra: e riro hoi outou i te haamahanahanahia i te mau ino ta'u i hopoi i nia ia Ierusalem, e te mau mea atoa ta'u i hopoi i nia ia'na ra. 23 E na ratou e haamahanahana mai ia outou, ia hi'o outou i ta ratou haapaoraa e ta ratou e rave ra: e ite hoi outou, e ere ta'u i te mea rave noa ta'u i rave ia'na ra, te parau maira te Fatu ra o Iehova.

To Ierusalem faaruaahia i itea i te au ore o te amaa vine i te ohipa.

15 UA tae maira hoi te parau a Iehova ia'u nei, na ô maira, 2 E te tamaiti a te taata na, Eaha te maitai o te raau nei o te vine i te mau raau atoa nei, i te mau amaa te raau i te ururaau ra? 3 E roaa anei te raau i te reira ei raau e oti ai te ohipa? e rave anei te taata i te reira ei titi ei faautaraa tao'a rii? 4 Inaha, e titirihia hoi i nia i te auahi ei vahie; e pau a'era te tahi hiti e te tahi hiti i te auahi, e ama tura hoi te maa ropu. Eaha te ohipa e oti ai i te reira? 5 Inaha hoi i te vai-taatoa-raa ra, aita e ohipa e oti i te reira: a tae atu ai hoi ia pau i te auahi ra, e ama 'tura, e riro anei i te ravehia ei ohipa?

6 E teie nei, te na ô maira te Fatu ra o Iehova; Mai te raau ra e vine i roto i te mau raau atoa i te vahi ururaau ra, i horoahia e au no te auahi ei vahie ra, na reira atoa vau i te horoa i to Ierusalem. 7 E fariu hoi au i tau mata i nia ia ratou; e faarue ratou i te tahi auahi, e pau ihora ratou i te tahi auahi; e ite hoi outou e, o Iehova vau, ia fariu vau i tau mata i nia ia ratou e rave. 8 E faaanu vau i teie nei fenua, no te mea ua rahi roa ta ratou hara, te parau maira te Fatu ra o Iehova.

To Ierusalem huru i itea, i te aruaru iti, e to te Atua aroha ia'na.

16 E UA tae atoa maira te parau a Iehova ia'u nei, na ô maira, 2 E te tamaiti a te taata na, e faaite atu oe ia Ierusalem i ta'na ra mau parau faufau ra, 3 e na ô atu, Te na ô maira te Fatu ra o Iehova ia Ierusalem; To oe ra tumu e no oe ra fanauraa, no te fenua ra ia no Kanaana; e ati Amori to metua tane, e ati Heta to metua vahine. 4 Area to oe ra fanauraa, i te mahana i fanau mai ai oe ra, aore i ootihia to oe pito e aore hoi oe i horohia i te pape ia mā oe; aore hoi i haamitihia, aore hoi i tuuhia i nia i te pahii. 5 Aore roa e mata i aroha mai ia oe, a na reira mai

ai ia oe ra, e te hamani-maitai-raa mai ia oe ra; i faarue-noa-hia ra oe i rapae i te vahi atea ra, ia vahavahia oe, i te mahana i fanau mai ai oe ra. 6 E ia'u hoi i haere na pihai iho ia oe ra, e ite atura ia oe i te viivira i roto i to oe iho toto, ua parau atura vau ia oe i roto i to oe iho toto ra, Ia ora; oia â ia, o vau tei parau atu ia oe i roto i to oe iho toto, Ia ora. 7 E ua tupu oe ia'u mai to nia i te fenua e tupu nei, e ua tupu ihora oe, e ua rahi, e riro atura oe i te maitai rahi; ua huru ū hoi te ū, e ua tupu to rouru, e ahu ore hoi to oe e te vaiiho tahaa noa. 8 O vau ra tei haere na pihai iho ia oe, e ua ite au ia oe, e inaha, to oe na anouta te anouta o te hinaaro; e ua hohora hoi au i taiti hiti ahu i nia ia oe, e ua tapo'i atura ia oe: e ua tūpū atura vau ia oe ra, e ua faaau ihora vau i te tahi faufau ia oe ra, te parau maira te Fatu ra o Iehova, riro maira hoi oe no'u. 9 Ua horoi ihora vau ia oe i te pape; e mā roa a'eru to toto ra ia'u, e ua faatavai atura ia oe i te mono'i; 10 e ua faaahu ia oe i te ahu nehenehe, e ua faatamaa ia oe i te iri tekesa, e ua vehi hoi ia oe i te vavai hua, e ua tapo'i ia oe i te tiritā, 11 e ua faanehenehe ia oe i te tao'a unauna, e ua tuu i te tapea i nia i to rima, e te fifi i nia i to a'i. 12 E ua oomo a'era i te poe i roto i to ihu, e na tapea i roto i to tari'a, e te tahi korona nehenehe i nia i to upoo. 13 Unauna a'era oe i te auro e te ario; e ahu hua hoi to ahu, e te tiritā, e te ahu nehenehe; e te faraoa hua, e te meli, e te hinu olive, o ta oe ia maa; e nehenehe rahi hoi to oe, e riro atura oe ei arii. 14 Reva 'tura to oe roo i te mau fenua i te nehenehe: e nehenehe faahope hoi no te maitai ta'u i tuu i nia ia oe ra, te parau maira te Fatu ra o Iehova.

15 Ua tiaturi rā oe i to oe nehenehe, e ua taiata oe no to oe roo, e ua horoa noa 'tu oe ia oe iho i te taiata i te feia atoa i haere na reira, no ratou atura ia. 16 Ua rave hoi oe i to oe ahu e ua faaahu i te mau vahi teitei i te ahu e rave rahi te huru, e ua taiata oe i nia iho, e ore hoi e na reirahia, e ore hoi ia e tupu. 17 Ua rave hoi oe i ta oe ra tao'a maitai, i tau auro e tau ario, ta'u i horoa 'tu no oe, e ua hamani oe i te hoho'a taata no oe iho, e ua haapeu taiata ia ratou. 18 e ua rave oe i to oe ahu faanehenehehia, e ua tapo'i ia ratou; e ua tuu atu oe i tau mono'i e tau mea no'ano'a i mua ia ratou. 19 E tau maa hoi ta'u i hō-atu ia oe ra, i te faraoa, e te hinu olive, e te meli, ta'u i faaamu atu ia oe ra, ua tuu atoa oe i te reira i mua ia ratou ei faano'ano'a, e ua tupu hoi te reira, te parau maira te Fatu ra o Iehova. 20 E ua rave oe i to mau tamaroa e to mau

tamahine, i ta oe i fanau ia'u nei, e ua faatusia oe ia ratou ia pau roa. E iti anei taua mau taiata na oe nei, 21 i taparahi ai oe i tau mau tamarii ra; e ua tuu oe ia ratou ia haere na roto i te auahi ia ratou ra? 22 Aita hoi oe i mana'o i te raveraa i ta oe mau peu faufau ra, e to mau taiataraa ra, i te anoutai i to apiraa ra, ia oe i vai tahaa noa ra e aore e ahu, e te vai viivii noa ra i roto i to oe iho toto. 23 E i muri a'e i ta oe ra mau parau ino, (e pohe, e pohe to oe!) te na reira maira te Fatu ra o Iehova;) 24 ua patu iho nei hoi oe i te ho'e vahi teitei, e ua rave oe i te vahi teitei i roto i te mau aro'a atoa ra. 25 Ua patu oe i ta oe ra vahi teitei i te hopea o te mau e'a ra, e na oe i haatupu i te faafaufau i taua nehenehe no oe ra, e ua tuu noa mai oe i te mau taata haere atoa ra ia rave noa mai ia oe ra, e ua faarahi oe i to taiata. 26 Ua taiata hoi oe i to Aiphiti, i to mau taata-tupu taata rahi ra; e ua faarahi i to taiata ra, ei faaroo mai ia'u ra. 27 E teie nei, inaha, ua faatoro atu vau i tau rima i nia ia oe na, e ua faaiti i ta oe ra tufaa i haapaohia ra, e ua tuu atu vau ia oe i te hinaaro o te feia aore i au mai ia oe ra, i te mau tamahine a te Philiseti, o tei haama i ta oe ra parau ino. 28 Ua taiata atoa hoi oe i to Asura ra, e aore oe i fiu: oia a ia, na taiata oe ia ratou, e aita oe i fiu. 29 Ua faarahi hoi oe i to taiataraa i te fenua ra i Kanaana, e ua tao roa i to te Kaladaia; e aore a hoi oe i fiu. 30 Te itoitoe ore o to auu e, te parau maira te Fatu ra o Iehova, oe i rave i taua mau mea nei, i te ohipa a te vahine taiata, e te faahepo: 31 o oe hoi i patu i to vahi teitei i te hopea mai o te mau e'a atoa ra, e ua rave i to vahi teitei i roto i te mau aro'a atoa ra; e ere hoi oe mai te vahine faaturi ra, oe i vahavaha i te tarahu; 32 mai te vahine mau e faaturi noa ra, o tei rave i te taata e'e ra, aore te tane mau ra! 33 E tarahu ta te taata nei e hopoi na te faaturi; o oe ra tei horoa i ta oe tao'a i te feia i hinaaro mai ia oe, ei tarahuraa 'tu ia ratou, ia haere mai ratou ia oe e ati noa 'e i ta oe taiataraa. 34 Aore hoi oe i au i ta oe taiataraa i te mau vahine atoa, aore roa hoi te ho'e i au ia oe i te taiataraa; o oe i horoa i te tarahu, e aore hoi oe i tarahuhia mai; i ore ai oe i au ai.

35 E teie nei, e tera ra faaturi, e faaroo mai i te parau a Iehova: 36 Te na o maira te Fatu ra o Iehova; No te mea ua horoa oe ia oe iho no te parau faufau, e ua itea to oe vai-tahaa-noa-raa i ta oe ra taiataraa i te feia hinaaro mai ia oe ra, e i te mau idolo faufau atoa no oe ra, e i te toto o to mau tamarii ta oe i horoa no ratou: 37 e teie nei,

inaha, e haaputupu vau i te feia atoa i hinaaro ia oe ra, tei mauuruu ia oe ra, e te feia atoa ta oe i hinaaro ra, e te feia atoa aore i auhia e oe ra; e haaputupu mai au ia ratou ia oe ra e ati noa 'e, e hehehu vau ia oe ia ratou, e ia ite ratou ia oe i te vai-tahaa-noa-raa. 38 E faautua 'tu vau ia oe i te utua a te vahine faaturi, e tei haamanii i te toto ra; e horoa 'tu vau ia oe i te toto tahoo e te hae. 39 E tuu atu hoi au ia oe i to ratou rima, e na ratou e haaparari i to oe ra vahi teitei, e huri hoi i to mau vahi teitei i raro ra: e na ratou e taratara i to mau ahu ra, a rave ai i to mau tao'a maitatai ra, a faarue noa 'tu ai ia oe ma te vai tahaa noa aore e tapo'i. 40 E na ratou e aratai mai i te tahi pupu taata ei rave ia oe, e na ratou e pehi ia oe i te ofai, e vahi noa hoi ia oe na ropu i to ratou mau 'o'e. 41 E na ratou e tutui i to mau fare i te auahi, a tahoo atu ai ia oe i mua atoa i te aro o te mau vahine atoa e rave rahi; e na'u e faaore i ta oe taiataraa, e ore hoi oe e hopoi faahou i te tarahu. 42 A faaiti ai au i te tahoo na'u ia oe ra, a faarue atu ai i te hae no'u ia oe ra, a parahi noa 'i au, e ore au e riri faahou. 43 No te mea aore oe i haamana'o i to apiraa ra, ua faariri maira oe ia'u i taua mau mea atoa nei: inaha, i teie nei, e tahoo atu vau i ta oe parau i nia i to upoo na, te parau maira te Fatu ra o Iehova, ia ore oe ia rave faahou i teie nei mau parau ino i ta oe ra mau parau faufau atoa ra.

44 Inaha, te feia atoa e parau i te parabole, e parau atoa ratou i teie nei parabole ia oe, i te na o'raa e, Mai te metua vahine ra, oia atoa te tamahine. 45 O oe te tamahine a to metua vahine o tei taiva te au i tana tane e ta'na mau tamarii; e o te teina hoi oe o to mau tuana, tei taiva te au i ta ratou mau tane e te mau tamarii: e ati Heta to outou metua vahine, e ati Amori to outou metua tane. 46 E o to tuana ra, o Samaria ia, oia e ta'na mau tamahine i parahi i to rima au ra: e to teina ra, o tei parahi i to rima atou ra, o Sodoma ia e ta'na mau tamahine. 47 Aita ra oe i haapao i to ratou mau haerea, e aore i rave i ta ratou mau parau faufau ra: i mana'ohia te reira e mea iti haihai, ua rahi roa ra to oe ino i to ratou i to mau haerea atoa ra.

48 Te parau maira te Fatu ra o Iehova, Te ora nei au, aore to teina ra o Sodoma i rave, oia e ta'na mau tamahine, mai ta oe i rave ra, e ta oe ra mau tamahine. 49 Inaha, teie te ino o to teina ra o Sodoma, o te teoteo, o te maa rahi, e te parahi maitai noa ma te hau, to'na, e to'na ra mau tamahine; aita ra oia i tauturu mai i te taata haehaa e te

veva. 50 Teoteo a'era ratou e ua rave i te mea faufau i mua ia'u nei; no reira vau i hopoi ô atu ai ia ratou mai ta oe hoi i ite ra.

51 Aore hoi ta Samaria mau hara i rave, e faito i te afa o ta oe ra: ua faarahi râ oe i ta oe ra mau parau faufau, e iti ta ratou, e ua faatia oe i ta to pue, taeeae ra i te mau mea faufau atoa ta oe i rave ra. 52 Ei nia hoi ia oe iho to oe haama, o tei faatia i to pue taeeae i ta'oe ra mau hara i rave ma te faufau rahi e iti to ratou ra: huru tiahia a'e ratou ia oe ra: e teie nei, ia haama 'tu oe e ia vai â to oe haama i nia ia oe ra, oe i faatia i ta oe ra pue tuuana.

53 E faaho'i maira vau i to ratou titiraa, i te titiraa o Sodoma e ta'na mau tamahine, e te titiraa o Samaria e ta'na rau mau tamahine, e faaho'i mai hoi au i to oe ra titiraa i rotopu ia ratou ra: 54 ia vai â to oe haama i nia ia oe, e ia mahealea i te mau mea atoa ta oe i rave ra, oe i haamahanahana ia' ratou. 55 E to mau taeeae, o Sodoma e ta'na mau tamahine, e ho'i mai ia i to ratou ra huru mau, e o Samaria atoa e ta'na rau mau tamahine, ô ho'i ia i to ratou ra huru mau; e o oe hoi e to mau tamahine, e ho'i ia i to outou ra huru mau.

56 Aore hoi to teina o Sodoma i faahitihia e to vaha i te mahana i teoteo ai oe ra; 57 aità i itea to oe ra ino, i te tau i faainohia 'i oe e te mau tamahine o Arama ra, e te feia atoa i haati mai ia'na ra, te mau tamahine a te Philiseti, o tei vahavaha mai ia oe e ati noa 'e.

58 Aea ta oe ra mau parau ino e to oe ra mau mea faufau, ua faacromai oe i te reira, te parau maira Iehova. 59 To na ô maira hoi te Fatu ra o Iehova; E na reira atoa vau ia oe mai ta oe i rave ra, o tei vahavaha i te tãpũ i te faaruera i te faufaa. 60 E haamana'o râ vau i tau faufaa ia oe i to oe ra apiraa, e na'u e haamau i te tahi faufaa mure ore ia oe ra. 61 E i reira oe e mana'o ai i ta oe ra mau parau, e mahealea oe, ia farii atu oe i to pue taeeae, to tuuana e to teina; e na'u e horoa 'tu ia rava ei tamahine na oe, eiaha râ i te faufaa i fafauhia 'tu ia oe na i tena na. 62 E haamau hoi au i ta'u nei faufaa ia oe na; e ite hoi oe e, o Iehova vau: 63 ia mana'o hoi oe ia mahealea, e eiaha to vaha ia parau faahou i te haama no oe ra, ia ore tau riri ia oe i te mau mea atoa ta oe i rave ra, te parau maira te Fatu ra o Iehova.

Te parabole o na aeto e pili e te vine i faatehia nei.

17 TAE maira hoi te parau a Iehova ia'u nei, na ô maira, 2 E to tamaiti a te taata na, a tuu na i to tahi piri, a parau na i te hoê parabole i te

utuafare ra ia Iseraela; 3 a na ô atu ai, Te na ô maira te Fatu ra o Iehova; Te hoê aeto rahi e te pererau rahi, e te maoro, e te huruhuru i te roroa, e rave rahi hoi te huru, tei haere mai i Lebanaona, e ua rave hoi i te amaa teitei o te arezi: 4 ua tope hoi oia i te auru o te papua rii api ra, e ua hopoi atura i te fenua hoo ra; tuu ihora i roto i te oire o te feia hoo ra. 5 Ua rave ihora hoi i te tahi ohi no taua fenua ra, e ua tanu ihora i roto i te aua tutupu ra; ua tuu i pihai iho i te pape rahi ra, e ua tanu ihora i pihai iho i te arobe. 6 Tupu atura, riro a'era ei vine pahaehaa toro noa i te atea ô ra, o tei toro mai te amaa i te reira, e te aa tei raro a'e: riro atura ia ei vine, e ua tupu te amaa, e tupu a'era te ohi rii. 7 E te vai atura te hoê aeto rahi, ma te pererau rahite te huruhuru rahi: e, inaha, ua farii atura te aa o taua vine ra i te reira, e toro atura to'na amaa i te reira, ia faararirari ia i te reira i te mau vahi poopoo o te tanu-uraa ra. 8 I tanuhia i te vahi repo maitai ra i te pae o te pape rahi ra, ia toro hoi te amaa, e ia hotu hoi te maa ra, ia riro hoi ei vine maitai ra.

9 E parau atu oe Te na ô maira te Fatu ra o Iehova; E tupu anei? e ore anei e taihitumuhia e te hoê, a coti ô atu ai i te maa e oriorio atura? o te mau rau rii tupu api ra te oriorio, e ore râ e ravehia e te rima puai, e ore hoi e faarahihia te taata ia taihitumu ra. 10 E, inaha, tanu noâ, e tupu anei? e ore anei e oriorio roa, ia faatuia-noa-hia 'e e to mata'i i te pae i te hitia o te râ ra? i te mau vahi poopoo i reira te tupuraa e oriorio ai.

11 Ua tae maira hoi te parau a Iehova ia'u nei, na ô maira, 12 A parau atu i tona na utuafare tãhito ra, Aità outou i ite i teie nei mau parau? e parau atu ia ratou, Inaha, i ô nei te arii o Babulonia i Ierusalem ne'e e ua riro to'na arii, o te pũpũ arii atoa, e ua aratai atoa oia ia ratou i Babulonia: 13 e ua rave a'era i te huai o te arii ra, e ua faaau i te faufaa ia'na ra, e ua farii atatu i te tãpũ na'na ra: ua rave atoa hoi oia i te feia mana o te fenua nei: 14 ia auraro haehaa taua basileia nei, ia ore ia faateitei, ia mau maitai râ i te haapora i te faufaa na'na ra. 15 Ua orure râ oia i te hau ia'na, i te tonona i ana vea i Aiphiti, ia horoa mai ratou i te puaahorofenua e te taata atoa e rave rahi no'na. E tupu anei ta'na? e ora anei oia o tei na reira ra? o faarue anei hoi oia i taua faufaa ra, o ia ora 'tu? 16 To na ô maira te Fatu ra o Iehova. Te ora nei au ra, ei te vahi mau i puaahihia e te arii o tei faariro ia'na ei arii ra, na'na te tãpũ i vahavahahia e ana ra, e na'na te faufaa i faaruchia e ana ra, ei

ropu ia Babulonia oia e pohe ai. 17 E ore hoi oia e manuia i te tama'i ia Pharaa e tana nuu puai e te taata rahi, ia ohuhia te ohu, e ia patuhia te pare, ia pau te taata e rave rahi ra: 18 no te mea ua vahavaha oia i te tãpũ i te faaruaa i te faufaa, e, inaha, ua hofoa oia i tana rima, e ua rave hoi oia i taua mau mea nei, e ore hoi oia e ora. 19 E teie nei, te na ô maira te Fatu ra o Iehova; Te ora nei au, taua tãpũ na'u ta'na i vahavaha ra, e tau faufaa ta'na i faarua ra, e tahoo atu ia vau i nia i to'na ihora upoo. 20 E titiri au i tau upe'a i nia ia'na, e fifi oia i roto i tau marei, e na'u oia e aratai i Babulonia, e ei reira vau e parau atu ai ia'na i ta'na hara i rave ia'u nei. 21 E te feia amaha atoa no'na ra, e te mau pũpũ atoa no'na ra, e hi'a ana'e ia i te 'o'e; e te feia i toe ra, e haapurarahia ia i na mata'i atoa e maha ra: e ite hoi outou e, o vau teie o Iehova e parau nei.

22 Te na ô maira te Fatu ra o Iehova; E rave atoa vau i tei nia i te amaa teitei i te arezi teitei ra, a tanu ai; e tope hoi au i te auru o te raau rii api i te hoê mea iti api ra, e na'u e tanu i nia i te mou'a teitei e te teniteni ra: 23 i nia i te hoê mou'a teitei i Iseraela nei au e tanu ai: e tupu te amaa, e hotu hoi te maa i nia iho, e riro hoi ei arezi maitai: e parahi hoi te mau manu pererau te mau huru atoa i raro a'e; ei roto i te mārũ o te mau amaa parahi ai. 24 E ite atoa te mau raau atoa o te aru ra, e na'u, na Iehova, i tuu haehaa i te raau teitei, e ua faatia i te raau haehaa, e ua haamārõ i te raau ota, e ua faaruperupe i te raau mārõ. O vau teie o Iehova e parau nei, e na'u e rave.

Te faahapa nei te Atua i te parabole o te vine avaava ra.

18 E UA tae faahou maira te parau a Iehova ia'u nei, na ô maira, 2 Eaha te mea i parau ai outou i teie nei parabole i te fenua o Iseraela nei, i na ô ai e, Ua amu te mau metua i te vine avaava, e ua mania te niho o te tamarii? 3 Te parau maira te Fatu ra o Iehova, To ora nei au, e ore outou e au ia parau faahou i taua parabole i Iseraela nei. 4 Inaha, no'u ana'e te taata atoa nei; mai te taata rã o te metua oia atoa, te taata ra o te tamaiti, no'u atoa ia: o tei rave i te hara ra, o te pohe ia.

5 E i parau-tia rã ta te taata nei, e ua rave i te mea au ra e te mea tia, 6 aore oia i amu i nia i te mou'a, e aore i nãnã i tana mata i te mau idolo o te utuafare o Iseraela nei, e aore hoi i rave i ta vetahi ê ra vahine; e aore i haafatata mai i te vahine i faataahia ra, 7 e aore hoi i hamani ino i te hoê; e ia faaho'i mai i te mauhaa i te amu-tarahu ra, e

aore i hamani ino i te hoê i te aroha ore, ia horoa rã oia i ta'na maa na tei poia ra, e ua tapo'i i te veve i te ahu ra; 8 aore i horoa i ta'na tao'a ei tarahu, e aore i rave i tei tarahuhia ra, e ua unuhi mai i tana rima i te ino; e ua rave i te mea mau a te taata nei i te tahi taata 'tu, 9 e ua haapao i ta'u ra haapaoraa, e ta'u nei faaauraa, ia tia ta'na i rave; e parau-tia ta'na, e ora mau ia oia, te parau maira te Fatu ra o Iehova.

10 Ia fanau rã ta'na tamaiti e haru tao'a, e taparahi taata, e o tei rave mai teie atoa nei mau mea ra te huru, 11 e aore roa hoi i rave i te hoê i taua mau parau maitatai ra; ua amu rã i nia i te mou'a, e ua rave hoi i ta vetahi ê ra vahine, 12 ua hamani ino i te taata haehaa e te veve, e ua pau hoi ta vetahi ê ra i te ravea aroha ore, e aore hoi i faaho'i mai i te tarahu, e ua nãnã i to'na mata i te mau idolo, e ua rave i te mea faufau ra, 13 ua horoa i ta'na tao'a ei tarahu, e ua rave hoi i tei tarahuhia ra, e ora anei oia? e ore oia e ora: ua rave oia i taua mau mea faufau atoa ra; e pohe mau ia oia; tei nia ia'na iho to'na toto.

14 Ia fanau maira ta'na tamaiti, e ua ite oia i te mau hara atoa ta tana metua i rave ra, e ua mana'o oia, e aore oia i na reira i te rave; 15 aore i amu i nia i te mou'a, e aore i nãnã i tana mata i te mau idolo o te utuafare o Iseraela, aore hoi i rave i ta vetahi ê ra vahine. 16 aore i hamani ino i te tahi, aore i rave i te tarahu, aore hoi i hamani ino i te rave aroha ore, ua horoa rã i ta'na maa i tei poia ra, e ua tapo'i i te pohe veve i te ahu, 17 e aore to'na rima i rave ino i te taata rii, aore hoi i rave i te tarahu, e te mea tarahuhia ra, ua haapao ra i ta'u ra faaauraa, e ua rave i ta'u ra haapaoraa; e ore oia e pohe i te hara a tana metua ra, e ora mau ia oia. 18 Area o tana metua, no te mea e hamani ino aroha ore to'na, e ua hamani ino i to'na ra taeae i te faaherehere ore, e aore oia i rave i te mea maitai i roto i to'na ra mau taata, inaha, e pohe oia i ta'na ra hara.

19 Te na ô nei rã outou e, Eaha nei hoi? e ere anei ta te metua nei hara tei nia tei te tamaiti? Ua rave te tamaiti i te parau au e te mea tia, e ua haapao i te mau haapaoraa atoa na'u ra, e ua rave ra, e ora ia oia. 20 O tei rave i te hara ra, o tei pohe ia. E ore e tuuhia te hara a te metua i nia i te tamaiti: e ore atoa hoi e tuuhia te hara a te tamaiti i nia i te metua: te parau-tia a te taata parau-tia ra, ei nia ia ia'na, e te parau ino a te taata parau ino ra, ei nia ia ia'na. 21 Ia fariu maira te taata parau ino i te mau parau ino atoa na'na

ra, e ua haapao i ta'u ra mau haapa'ora, e ua rave i te parau au e te mea tia, e ora ia oia, e ore ia e pohe. 22 Te mau hara atoa ta'na i rave ra, e ore ia e mana'o-faahou-hia 'tu ei hara na'na; i te parau-tia ta'na i rave ra, e ora ia oia i te reira. 23 Huru maururu iti a'e anei to'u i te pohe o te taata ino, te na reira maira te Fatu ra o Iehova? e eiaha oia ia fariu mai i tana e'a ia ora? 24 La fariu e ra te taata parau-tia e ua faarue i te parau-tia na'na, e ua rave ihora i te parau ino, e ua rave i te mau parau faufau atoa i ravehia e te taata ino ra, e ora anei oia? te mau parau-tia atoa i ravehia e ana ra, e ore ia e mana'ohia: o ta'na ra hapa i hapa 'i oia ra, e ta'na hoi parau ino ta'na i rave ra, e pohe ia oia i te reira.

25 E te parau na hoi outou e, Aore te parau a te Fatu nei i au. E faaroo mai na, e te utuafare o Iseraela nei, O ta'u anei te parau aore i au? e ere anei o ta outou te parau aore i au? 26 La faarue te taata parau-tia i te parau-tia na'na ra, e ua rave i te parau ino ra, e pohe hoi oia i te reira; i te parau ino i ravehia e ana ra e pohe ai oia. 27 E ia fariu mai hoi te taata parau ino i ta'na ra parau ino, i ravehia e ana ra, e ua rave i te mea au, e te parau-tia, e ora ia oia. 28 No te mea, ua mana'o oia, e ua fariu e mai i te mau hapa ta'na i rave ra, e ora ia oia, e ore oia e pohe. 29 E te parau maira te utuafare o Iseraela, Aore te parau a te Fatu ra i au. E te utuafare o Iseraela e, o ta'u anei te parau aore i au? e ere anei ta outou te parau aore i au? 30 E teie nei, e haava 'tu vau ia outou, e te utuafare o Iseraela, i te taata atoa ra i ta outou mau parau, te na reira maira te Fatu ra o Iehova. A tatarahapa, e fariu mai i ta outou atoa ra mau hara: e eiaha outou ia hi'a i ta outou mau parau ino ra. 31 E faarue e atu outou i to outou mau ino atoa ra, i hara 'i outou na: e faasaau api e te varua api: eaha hoi outou i hinaaro ai i te pohe, e te utuafare o Iseraela? 32 Aore roa hoi o'u e maurururana i te pohe o te taata e pohe ra, te parau maira te Fatu ra o Iehova: e tena na, e fariu mai ia ora.

E otora e i te feia mana, i te parable o te liona fanau'a i te apoo ra.

19 E RAVE hoi oe i te tahi parau ei otora i te mau arii o Iseraela, e na o atu,

2 Eaha te metua vahine? E liona maha; ua taoto oia i raro i roto i te mau liona ra; i ropu i te mau liona api, na'na iho i faaamu'i tana mau fanau'a. 3 Hoé hoi a'na fanau'a i paari ia'na; e riro atura oia ei liona puai api; e ua haapii oia i te haru mas, e ua pau te

taata ia'na. 4 Ite atoa a'era te mau fanua ia'na: e nosa ihora oia i roto i ta ratou apoo, ua aratai ratou ia'na ma te fifi i te fenua ra o Aiphiti. 5 E ite a'era oia i to'na tiarara, e aita 'tura o'na e mana'ora; ua rave a'era oia i te hoé fanau'a no'na, e ua haapao atura ia'na ei liona itoito api. 6 Ua haere noa ihora oia i nia e i raro na roto i te mau liona; riro atura ei liona itoito e te api; e ua haapii oia i te haru i te maa, e ia pau te taata ia'na. 7 E ua hopoi maira oia i te ino i nia i to ratou mau fare arii, e ua pau te ratou mau oire ia'na; ano atura te fenua ia'na, e te mau mea atoa ra i te pau, i te re'o uuru no'na ra. 8 Ua fariu maira te mau fenua e rave ia'na, te mau fenua atoa e ati noa 'e; ua titiri ratou i ta ratou upe'a i nia ia'na; e noaa ihora oia i roto i te apoo i ohia e ratou ra. 9 Ua tuu ihora ratou ia'na i roto i te vahi tiarara ma te fifi, e ua aratai mai ia'na i te arii o Babulonia, e ua aratai atura oia ia'na i roto i te mau vahi itoito; ia ore to'na re'o ia itea faahou i nia i te mau mou'a o Iseraela.

10 E au to metua vahine i te vine, i to oe vai-hauti-ore-raa, i tanuhia i pihai iho i te pape; e hotu rahi to'na, e te ruperupe i te amaa, no taua pape ra e rave rahi. 11 E raau etaeta hoi ta'na, ei sepeta no te feia e mana ra; e ua teitei oia i nia e i roto i te mau amaa rahi ra, e te teitei maira oia ia hi'ohia ma te amaa atoa e rave rahi ra. 12 I taihitumuhia ra oia ma te riri, e ua hurihia i raro i te repo ra, e ua mārō te ra māi; ua fati hoi te mau raau etaeta na'na e ua mārō; ua pau ia i te auahi. 13 E teie nei, ua tanua oia i roto i te medehara, i te fenua mārō e te hiaai pape. 14 E ua reva 'tu na te auahi no roto i te hoé raau i te mau amaa no'na ra, e ua pau hoi te mau nia ia'na ra; e aore hoi e raau etaeta o roto ia'na ei sepeta e mana 'i ra. Teie taua parau ra ei otora ra, e vaiho noa 'tu hoi ei otora.

Te patoi nei te Atua i te ui'a te feia paari, i Iseraela ra.

20 E TAE a'era i te hitu o te matahiti, e te pae o te marama, e te ahuru o te mahana i taua marama ra, ua haere maira te tahi pae i te feia paari i Iseraela nei e ui ia Iehova, e ua parahi maira i mua ia'u. 2 Ua tae maira te parau a Iehova ia'u nei, na o maira, 3 E te tanaiti a te taata na, e parau atu i te feia paari i Iseraela nei, e na o atu ia ratou, Te na o maira te Fatu ra o Iehova, I haere mai anei outou e ui ia'u nei? Te parau maira te Fatu ra o Iehova, Te ora nei au ra, e ore au e uihia mai e outou.

4 Eia oe e paraparau atu ia ratou, eia oe e haava 'tu ia ratou, e te tamaiti a te taata na? e faaite atu ia ratou i te mau parau faufau a to ratou mau metua: 5 a parau atu ai ia ratou, Te na ô maira te Fatu ra o Iehova; I te mahana i maiti ai au ia Iseraela, a tãpũ ai au i te huai i te utuafare o Iakoba, a faaite atu ai au ia' u iho ia ratou i te fenua ra i Aiphiti, ia' u hoi i tãpũ atu ia ratou ra, a na ô ai ra e, O vau o Iehova, to outou Atua ra: 6 i te reira mahana a tãpũ atu ai au ia ratou, e e aratai mai au ia ratou mai Aiphiti mai i te fenua i imihia e au no ratou ra, o tei tahe pape noa te ũ e te meli, o te maitai ia o te mau fenua atoa ra: 7 i reira vau i te parauraa 'tu ia ratou e, E faarua outou, o te taata atoa ra i te mau mea faufau o to'na ihora mata, eiaha e haaviivii ia outou i te mau idolo no Aiphiti ra: o vau o Iehova, to outou Atua ra. 8 Tãhito maira rã outou ia' u, e aore i faaroo mai ia' u: aore hoi ratou i faarua i te mau mea faufau o to ratou mata, e aore i faarua i te mau idolo i Aiphiti ra. Ua na ô a'era vau, E tahoo atu vau i nia ia ratou, e faatupu vau i tau riri ia ratou i ropu i te fenua ra i Aiphiti. 9 I haapao ra vau i ta' u i rave i to' u ihora i'oa, ia ore ia viivii i mua i te aro o te mau fenua i parahihia e ratou ra, i ta' u i faaite atu ia ratou ia' u iho i mua i to ratou mata, i te aratairaa mai ia ratou mai te fenua maira mai Aiphiti.

10 Ua aratai mai au ia ratou mai te fenua ra mai Aiphiti, o ua aratai ia ratou i te medebara ra. 11 E ua horoa 'tu vau ia ratou i ta' u nei mau haapao-raa, e ta' u nei faauraa ta' u i faaite atu ia ratou, o tei haapao-ana'e-hia e te taata ra, e ora ia oia i te reira. 12 E ua horoa atoa hoi au i tau mau sabati, ei tapao no ratou e ia' u hoi; ia ite ratou e, na' u na Iehova i faataa ia ratou. 13 Ua tãhito mai rã te utuafare o Iseraela ia' u i te medebara: aore raton i faaau i to ratou hoera i ta' u nei haapao-raa, e ua vahavaha ratou i ta' u ra mau faauraa, o tei haapao-ana'e-hia e te taata ra, e ora ia oia i te reira: e tau mau sabati ra, na haaviivii-roa-hia ia e ratou. Ua na ô ihora vau, E nini hua 'tu vau i tau riri i nia ia ratou i roto i te medebara, e ia pau atu ratou ia' u. 14 No to' u ihora i'oa ta' u i rave, ia ore ia viivii i te aro o te mau fenua o tei arataihia mai ratou e au i rapae au ra, i mua mau i to ratou mata. 15 Ua tãpũ atura vau ia ratou i roto i te medebara, e e ore au e aratai mai ia ratou i te fenua ta' u i horoa 'tu no ratou, o tei tahe pape noa te ũ e te meli, o te maitai ia o te mau fenua atoa nei: 16 no te mea, ua vahavaha ratou i ta' u ra mau faauraa, e aore i haapao i ta' u nei haapao-raa; e ua

haaviivii roa ratou i tau mau sabati: o to ratou aau i tipapa i to ratou mau idolo. 17 Ua faaherehere rã tau mata ia ratou, e aore a'era ratou i pohe ia' u, aore i faahope ia ratou i te rave i te medebara. 18 Ua parau rã vau i ta ratou mau tamarii i roto i te medebara. Eiaha outou e pee i te mau haapao-raa a to outou mau metua, e eiaha e haapao i ta ratou faauraa, e eiaha e haaviivii ia outou i to ratou mau idolo: 19 o vau o Iehova, o to outou Atua, o ta' u ra haapao-raa ta outou e haapao, e ta' u ra faauraa ta outou e haapao, e a rave ai; 20 e haamo'a i tau mau sabati; e riro ratou ei tapao no outou e ia' u, ia ite hoi outou e, o vau o Iehova, o to outou Atua ra. 21 Ua tãhito mai rã te mau tamarii ra ia' u; aore ratou i haapao i ta' u ra mau haapao-raa, aore hoi i mau i ta' u ra faauraa, a haapao ai, i tei haapao-ana'e-hia e te taata nei, e ora ia oia i te reira; e ua viivii tau mau sabati ia ratou. Ua parau ihora vau, E nini atu vau i tau riri i nia ia ratou, e faatupu atu vau i tau tairoiro i nia ia ratou i te medebara ra. 22 Ua tapea rã vau i tau rima, e ua haapao vau i ta' u i rave i to' u iho i'oa, ia ore ia viivii i te aro o te mau fenua, i ta' u i aratai ia ratou i rapae au i mua mau i to ratou mata ra. 23 Ua tãpũ atu hoi au ia ratou i te medebara, e haapurara vau ia ratou i te mau fenua ra, o ia puehu ratou i te mau matacinara ra; 24 no te mea, aita ratou i faatupu i ta' u ra faauraa, ua vahavaha rã raton i ta' u ra mau haapao-raa, e ua haaviivii i ta' u ra mau sabati, e ua hi'o to ratou mata i te mau idolo o to ratou mau metua ra. 25 No reira vau i tuu noa 'tu ai ia ratou ia haapao-raa na i te haapao-raa faufaa ore, e te mau faauraa oia e ora ia haapao ra; 26 e ia haaviivii ia ratou iho i ta ratou mau tusia, ratou i tuu i to ratou tamarii matahiapo i na roto noa i te auahi, ia ano ratou ia' u, e ia ite ratou e, o vau o Iehova.

27 E teie nei, e parau atu i te utuafare o Iseraela, e te tamaiti a te taata na, e na ô utu ia ratou, Te na ô maira te Fatu ra o Iehova; Tei ô hoi te hoê mea ta to outou mau metua i faaiuo ia' u ra, ratou i rave i te hara ino ia' u nei: 28 ia tae mai hoi ratou i te fenua ta' u i tãpũ atu ia ratou e hopoi no ratou ra, ia hi'o ra ratou i te mau aivi teitei, e te mau raau meumeu ra, ua hopoi ratou i ta ratou mau tusia i reira, e i reira ta ratou ô faaroo i te hopoiraahia; e i reira ta ratou mau faano'ano'a i te tuurahia, e i reira ta ratou tusia inu i te niniirahia. 29 Ua parau atura vau ia ratou, Eaha tena na vahî teitei ta outou e haere na? e te faaitahia nei to'na i'oa, o Bama, o tae roa a'enei i teie nei mahana.

30 E tena na, e parau atu i te utuafare o Iseraela, Te na ô maira te Fatu ra o Iehova; Ua viivii outou mai to outou mau (metua atoa ra?) e te taiaata ra outou i te peeraa i ta ratou ra mau parau faufau? 31 O outou ra i hopoi i ta outou i hopoi ra, outou hoi i tau i ta outou mau tamarã ia na roto i te auahi ra, ua haaviivii outou ia outou iho i to outou mau idolo, e tae noa a'enei i teie nei mahana: e uihia mai anei au e outou, e te utuafare o Iseraela? Te na ô maira te Fatu ra o Iehova, Te ora nei au ra, e ore au e uihia e outou. 32 E tei tupu i roto i to outou sau na, e ore ia e riro i reira, ta outou e parau na e, E riro matou mai te mau fenua, mai te mau fetii o te mau matacinas ra, i te haamoriraa i te raau e te ofai.

33 Te parau maira te Fatu ra o Iehova, Te ora nei au ra, ei arii au i nia ia outou ma te rima puai, e ma te rima faatorohia, e ma te riri i te niniiraa 'tu. 34 E aratai mai au ia outou mai roto mai i te mau taata ra, e haaputu mai au ia outou mai te mau fenua i purara 'i outou ra, ma te rima puai, e ma te rima faatorohia, e ma te riri i te niniiraa 'tu. 35 E aratai au ia outou i roto i te medebara o te mau taata ra, e ei reira vau e mârô atu ai ia outou, to outou mata e to'u. 36 Mai ia'u i mârô atu i to outou mau metua i te medebara, ia'u i aratai mai ia ratou mai te fenua maira mai Aiphiti, e na reira vau i te mârô ia outou, te parau maira te Fatu ra o Iehova. 37 E tuu au ia outou na raro i te papai ra, e aratai mai ia outou na roto i te tæpa a te faufaa ra: 38 e e faataa vau i te feia haanti i roto ia outou na, i tei rave i te bara ia'u nei; e aratai mai au ia ratou mai te fenua mai ta ratou i parahi ra; e ore râ ratou e tae i te fenua o Iseraela: e ite hoi outou e, o Iehova vau nei.

39 Area outou, e te utuafare o Iseraela, te na ô maira te Fatu ra o Iehova; A haere outou, e haamori te taata atoa i to'na idolo; e ore outou e faaroo mai ia'u a muri a'e, eiaha râ outou e haaviivii faahou i to'u nei i'oa mo'a i ta outou i hopoi, e to outou mau idolo. 40 Ei roto hoi i tau mon'a mo'a, i te hoô mou'a teitei i Iseraela ra, te parau maira te Fatu ra o Iehova, ei reira te utuafare atoa o Iseraela e haamori ai ia'u, ratou atoa i nia i te fenua nei: ei reira vau e ite atu ai ia ratou, e ei reira vau e rave ai i ta outou mau ô, e te oho matamua ia outou e hopoi, i te mau mea mo'a na outou ra. 41 Ortu e to outou inano'ano'a ra tei itebia 'tu e au, ia aratai mai au ia outou mai roto mai i te mau taata ra, e ia pntuputu outou ia'u mai te mau fenua i purara 'i outou ra; e hoamo'ahia vau ia outou i te aro

o te mau fenua ra. 42 E ite hoi outou e, o Iehova vau, ia aratai mai au ia outou i te fenua o Iseraela, i te fenua ta'u i tãpü atu e, e horoa vau no to outou mau metua. 43 Ei reira outou e mana'o ai i ta outou parau, e ta outou mau mea i rave i viivii ai outou; e faafauvau hoi outou ia outou iho i te mau ino ta outou i rave ra. 44 E ite hoi outou e, o Iehova vau, ia rave atu vau ia outou i to'u nei i'oa, eiaha ia au i ta outou haapaoraa ino, e to outou mau ino i rave ra, e te utuafare o Iseraela, te na reira maira te Fatu ra o Iehova.

45 E ua tae maira te parau a Iehova ia'u nei, na ô maira, 46 E te tamaiti a te taata na, a fariu na i to mata i te pae i apatoa, a tuu atu ai i ta oe parau i te pae i apatoa, a tohu tia 'tu ai i te ururau i te pae i apatoa ra; 47 a parau atu ai i te ururau i te pae i apatoa ra, E faaroo mai i te parau a Iehova; te na ô maira te Fatu ra o Iehova; inaha, e tutui au i te auahi i roto ia oe ra, e pau hoi te raau ota atoa i roto ia oe ra, e te mau raau mârô atoa ra: te pura auahi e ura ra e ore e tinaihia, e hope hoi te mau mata atoa i to ama i reira, mai apatoa e tae noa 'tu i apatoerau. 48 E ite hoi te taata atoa e, na'u na Iehova i tutui: e ore hoi e tinaihia. 49 Ua na ô atura vau, E te Fatu, e Iehova! te na ô nei ratou ia'u, E ere anei i te parabole ta'na e parau nei?

Te tohu nei Ezekielia ta Iuda e Ierusalem a toa.

21 E UA tae maira te parau a Iehova ia'u nei, na ô maira, 2 E te tamaiti a te taata na, e fariu i to mata i te pae i Ierusalem, a tuu atu ai i ta oe parau i te pae i to mau vahii mo'a ra, a tohu atu ai i te fenua o Iseraela nei, 3 A parau atu ai i te fenua o Iseraela, Te na ô maira Iehova, Inaha, o ore au e faatia 'tu ia oe, e unuhi au i tau 'o'e i to'na vehi, e tairi atu vau i te feia parau-tia e te feia parau ino i roto ia oe na. 4 E tena na, e tairihia e au te feia parau-tia e te feia parau ino i roto ia oe na, e reva tau 'o'e i teie nei, i unuhihia i to'na ra vehi e rave i te taata atoa, mai te pae i apatoa e tae noa 'tu i to pae i apatoerau: 5 e ite hoi te taata atoa e, ua unuhihia e au, e Iehova! au 'o'e i roto i te vehi ra: e ore roa e h'i faahou i reira. 6 O oe ra, e te tamaiti a te taata na, a antã ma te horuhoru to opu; e ma te oto rahi, e antã i mua i te ratou mata. 7 E ia parau mai ratou ia oe ra, Eaha oe i antã mua 'i? e parau atu oe, I tera ra roo i otuitui noa maira: e tarapape te mau anu atoa ra, e paruparu te mau rima atoa ra, e tãii hoi te varua atoa ra, e paruparu hoi te mau

turi atoa ra mai te pape ra : te haere maira, e riro hoi i te tupu, te parau maira te Fatu ra o Iehova.

8 Ua tae maira hoi te parau a Iehova ia'u nei, na ô maira, 9 E te tamaiti a te taata na, e tohu atu, e na ô atu, Te parau maira Iehova; A parau na, E 'o'e, e 'o'e, ua faainahia, e ua faaananahia: 10 ua faainahia ia rahi to'na pau: ua faaananahia ia anaana mai: e tia anei hoi ia faarearea tatou? ua vahavahahia te sepeta a ta'u tamaiti mai te mau raau atoa ra. 11 Ua hopoihia hoi ia faaananahia, e ia ravehia e te rima, ua faainahia te 'o'e, e ua faaananahia, ia hopoihia 'tu i te rima o te taparahi. 12 A pii, a auê atu, e te tamaiti a te taata na, e riro hoi i nia i to'u ra mau taata, e i nia atoa i te mau arii o Iseraela ra; te horuhoru i te 'o'e e riro i nia i to'u ra mau taata: e teie nei, a papai na i to humaha. 13 Ua tamatahia hoi teie; o te vahavaha hoi i te raau? e ore hoi te reira e vaiihoa, te parau maira te Fatu ra o Iehova. 14 E tena na, e te tamaiti a te taata, e tohu oe e a papai ai i to rima, e hopoi mai i te 'o'e e ia piti ia i te hopoiara mai, e ia toru hoi; e 'o'e ia no te feia i pau; e 'o'e ia no te pau rahi, o tei tae roa i roto i to ratou mau piha. 15 I tarapape to ratou au, e ia rahi to ratou pau, i tuu ai au i te 'o'e taparahi ra i to ratou atoa ra mau uputa. Auê! ua faaananahia, e ua faainahia ei taparahi. 16 Haere oe na te mau e'a ra; ei te pae atu, e na te pae au, ei te vahi i fariuhia 'tu ai to mata na. 17 E papai atoa vau i to'u rima, e faairi au i tau riri i nia ia oe ra: o vau, o Iehova, tei parau nei.

18 E ua tae maira te parau a Iehova ia'u nei, na ô maira, 19 E faaite atoa oe, e te tamaiti a te taata, i e piti e'a, ia hopoihia mai te 'o'e o te arii o Babulonia: no te fenua hoê raua ia haere: e faataa na hoi oe i te hoê vahi, ei te maaran o te e'a e tae ai i te oire. 20 E haapao i te e'a e tae mai ai te 'o'e i Raba i ô te ati Amona, e tae ai hoi i Iuda, ia rave ia Ierusalem, te oire auahia ra. 21 Ua tia noa te arii o Babulonia i te maara o te e'a ra, a maa mai ai na e'a e piti ra; i te raveraa i te mau peu tahutahu, ua amui oia i te mau ohe no'na ra, e ua ui i te teraphima, ua hi'o hoi i te paraia. 22 Tei tana rima atou te mau peu tahutahu ia Ierusalem, ia haapao hoi i te mau otui, ia parau hoi te vaha i te taparahira, ia faateitei te re'o ma te umere, ia tuu hoi i te mau otui i te mau uputa, ia ohu i te ohu, ia patu i te pare. 23 E riro râ ratou i te mana'o, e peu haavare, i te feia i tãpũ i te tãpũra: e riro râ oia i te mana'o i te hara, ia noaa ratou. 24 E teie nei,

te na ô maira te Fatu ra o Iehova; No te mea ua mana'ohia ta outou hara, i ta outou mau hapa i itea ra, e te itea ra to outou ino i ta outou mau haerea atoa; no te mea ua mana'ohia outou, e riro noa outou i te rima.

25 E o oe hoi, e tena na taiata e te arii parau ino i Iseraela nei, ua tae i to'na mahana, i te taime e hope ai te parau ino ra, 26 te na ô maira te Fatu ra o Iehova; Iritia te taupoo nehenehe, rave ê atu i te korona: o teie, e ere hoi teie atu: a faahaehaa i tei teitei, e a faateitei i tei haehaa. 27 Na'u e ruri ê, e ua ruri hoi, e ua ruri i te reira, e ore roa a'era, e ia tae mai oia ra te Fatu mau ra; e na'u e horoa 'tu no'na.

28 E o oe hoi, e te tamaiti a te taata na, e tohu oe, e na ô atu, Te na ô maira te Fatu ra o Iehova, i te ati Amona e ta ratou faaino; ei reira oe e parau atu ai, Te 'o'e, te 'o'e, ua unuhihia; ua faaananahia ei taparahi, e haapao no te anaana: 29 te hi'o ra ratou i te mea faufaa ore ia oe ra, e te faatupu ra ratou i te haavare ia oe, ia hopoi atu vau ia oe i nia i te a'i o te feia i pohe, i te taata parau ino ra, tei tae to ratou mahana, te mahana e faaoti ai i ta ratou parau ino. 30 A faaho'i anei au i te reira i roto i te vahi? ei te vahi i hamanihia i oe ra, i te fenua no reira mai oe ra, e haava ai au ia oe ra. 31 E niniu atu vau i tau riri tahoo i nia ia oe ra, e puhipuhi atu vau i te auahi ra i tau riri i nia ia oe, a tuu atu ai ia oe i te rima o te feia aroha ore, e te ite i te taparahi. 32 E riro oe ei vahie no te auahi ra; e vaiiho noa i to toto i roto i te fenua ra; e ore oe e mana'o-faahouhia: o vau hoi teie, o Iehova, e parau nei.

Te mau hara a Ierusalem, e te ino atoa o te mau peropheta.

22 E UA tae maira te parau a Iehova ia'u nei, na ô maira, 2 E tena na, o oe, e te tamaiti a te taata, e ore anei oe e haava 'tu, eita oe e haava 'tu i te oire i viivii i te toto nei, a faaite atu ai ia'na i ta'na ra mau parau faufau ra? 3 A parau na oe, Te na ô maira te Fatu ra o Iehova; Te haamanii nei te oire i te toto i ropu ra; ia tae to'na tau e pohe ai ra; e te tarai nei i te mau idolo ei haaviiu ia'na iho i te reira. 4 Ua hara oe i te toto i manii ia oe ra, e ua viivii oe i te mau idolo ta oe i hamani; e na oe i haafatata mai i to oe ra mau mahana, e na oe i faatae mai i te taime o to oe ra matahiti. I faairi ai au ia oe ei faainoraa na te mau etene, ei tâhitoraa na te mau fenua. 5 Te feia i fatata e to te atea ê atoa, te tâhito mai ia oe, o tei viivii to i'oa na, e tei rahi to oe ihirea. 6 Inaha, te mau arii o Ise-

raela, te taata atoa ma to'na ra puai i roto ana'e ia oe ra, i te haamaniiraa i te toto ra. 7 I roto à ia oe ra ta ratou tãhitoraa i te metua tane e te metua vahine; i roto à ia oe ra ta ratou rave-ino-raa i te taata ê; i roto à ia oe ra ta ratou hamani-ino-raa i te otare e te vahine ivi. 8 Ua vahavaha oe i tau mau mea mo'a ra, e ua viivii tau mau sabati ia oe. 9 Tei roto ia oe te mau taata i faaino noa ia manii te toto ia ratou; i roto ia oe à ta ratou amuraa i nia i te mou'a: i roto ia oe à ta ratou raveras i te mea haama ra. 10 I roto ia oe à ta ratou heheuraa i te vahine haama a te metua tane: i roto ia oe à ta ratou tuu-haahas-raa i te vahine faataa-ê-hia ra. 11 E ua rave te tahi i te mea faufau i te vetahi ê ra vahine: e ua rave ino hoi te tahi ua haaviivii i te tamahine a tana vahine iho; e i roto ia oe te hoê i te tuu-haahas-raa i te tuahine iho, i te tamahine a tana metua tane ra. 12 I roto ia oe ra ta ratou raveras i te tarahu ia haamanii i te toto ra; ua rave oe i te amu-tarahu, e te faarahi, e ua noa ata oe i te taata-tupu ra i te haru, e ua haamoe oe ia'u, te na reira maira te Fatu ra o Iehova.

13 E inaha, tena na, ua papai au i tau rima, i ta oe ra tao'a noarara ino e te haavare, e te toto i manii i roto ia oe ra. 14 E tia anei to sau ia haamahu, e etaeta anei to rima, ia tae i te mahana e rave atu ai au ia oe ra? o vau teie e parau nei, o Iehova, e na'u ia e rave. 15 E haapurara vau ia oe i roto i te mau etene, e haapuehu vau ia oe i roto i te mau fenua ra, e ia pau te ino i roto ia oe ra. 16 E rave hoi au ia oe ei tufaa, i te aro o te mau fenua ra, e ite hoi oe e, o Iehova vau.

17 Ua tae maira hoi te parau a Iehova ia'u nei, na ô maira, 18 E te tamaiti a te taata na, ua riro te utafare o Ieraela mai te ota ra ia'u: maf te veo ana'e ratou, maf te bidila, e te auri, e te tapau, i roto i te umu; e mai te ota ario ratou ra. 19 E teie nei, te na ô maira te Fatu ra o Iehova; No te mea ua riro atoa outou ei ota, e haaputuhia outou e au i rotou ia Ierusalem. 20 Mai te taata e haaputu i te ario, e te veo, e te auri, e te tapau, e te bidila, i rotou i te umu, a puhipuhi ai i te suahi i nia iho, ia tarapape ra; e na reira vau i te haaputu ia outou i tau riri nei, e ta'u nei tahuoraa, e vaiiho vau ia outou ia tarapape outou. 21 Oia ia, e haaputu vau ia outou, puhipuhi au i nia ia outou i te suahi ra i tau riri nei, e tarapape hoi outou i ropu. 22 Mai te ario e tarapape i ropu i te umu ra, e tarapape atoa outou i ropu; e ite hoi outou e, na'u, na Iehova, i ninii atu i tau riri i nia ia outou na.

23 Ua tae maira hoi te parau a Iehova ia'u nei, na ô maira, 24 E te tamaiti a te taata na, e parau atu oe ia'na, O oe taua fenua aore i tamãhia ra, e aore i ùahia i te mahana tahuoraa ra. 25 Te vai ra te amuraa to te mau peropheta i roto ia'na ra; mai te liona uuru ra ratou ia hahae i te maa ra; ua pau ia ratou te varua taata; ua riro ia ratou te tao'a e te tao'a maitatai ra ia ratou; ua faarahi ratou i te vahine ivi i roto ia'na ra. 26 Ua ore tana mau tahu'a ua haapao i tau ture, e ua haaviivii i tau vahine mo'a: faore ratou i faataa ê i te mea mo'a e te mea noa; aita hoi ratou i faate i te huru, o te mea mã e te mea viivii; e ua vaiiho noa ratou i tau mau sabati ia haapao-ino-hia ra, e ua haaviiviihia vau i roto ia ratou. 27 To'na ra hui arii i roto ia'na ra, e au ia i te luko ia hahae i te maa ra, te titau ra ratou ia manii te toto, e ia pohe te mau varua, ia noaa ta ratou tao'a i te haavare. 28 E ua parai tana mau peropheta i te pua o'i-ore-hia no ratou, e te hi'o hoi i te mea faufaa ore, e te faaile ia ratou i te tohu haavare, i te na ôraa e, Te na ô maira te Fatu ra o Iehova, e aore hoi Iehova i parau noa "e. 29 Ua rave u'ana te mau taata o te fenua na, e ua rave hoi i te parau haru ra, e ua hamani ino i te feia haahas, e te feia veve; e hamani ino rahi to ratou i te taata ê, aore e faito. 30 Ua imi hoi au i te hoê taata e tifai i te vahine parari ra, e ia tia mai oia i roto i te vahine parari ra i mua ia'u ia ora taua fenua ra, e eiaha vau ia rave e taparahi; aore roa rã te hoê i itea ia'u. 31 I ninii atu ai au i tau riri tahuo ra i nia ia ratou; e ua pau ratou ia'u i te suahi ra i tau riri; o ta ratou iho haerea ta'u i tahuo atu i nia i to ratou iho upoo, te parau maira te Fatu ra o Iehova.

Te haamori idolo a to Samaria, e to Iuda atoa ra.

23 Ua tae maira hoi te parau a Iehova ia'u nei, na ô maira, 2 E te tamaiti a te taata na, toopiti pue vahine, e tamahine na te metua vahine hoê ra: 3 ua taiata ihora raua i Aiphiti; i to raua apraa ra te taiataraa: i reira to raua horoaraahia no te peu taiata ra. 4 E to raua ra pue i'oa, o Ahola, o mua ia, e o Aholiba, te teina no'na; na'u hoi raua, e ua fanautama raus i te mau tamaroa e te mau tamahine. E to raua ra i'oa, o Ahola ra, o Samaria ia, e o Aholiba ra, o Ierusalem ia. 5: Ua taiata ihora Ahola i te vairaa ia'u ra; e ua riro to'na au i te feia i hinaaro maira, i to Asura i te taata-tupu no'na ra. 6 o tei au i te ahu ereere, o te mau raatira, e te mau tavana, e taata api ana'e, e te hinaaro-

hia, e feia puahorofenua e tia i nia i te puahorofenua ra. 7 Ua taiata ihora oia ia ratou, i te mau taata api e te hinaarohia i to Asura ra, e tei riro to'na aaui ia ratou ra: e ua viivii oia i to ratou ra mau idolo. 8 Aore hoi oia i faarue i ta'na peu taiata mai Aiphiti mai: ua taotohia hoi oia mai te apiraa mai â, e o ratou tei tauahihia e ana, e ua manii maira ta ratou taiata i nia ia'na. 9 I tuu atu ai au ia'na i te rima o te feia hinaaro mai ia'na, i te rima o to Asura ra tei horoahia to'na aaui ia ratou ra. 10 Na ratou oia i heheu e vaiiho noa ihora: e ua rave ratou i ta'na mau tamaroa e ta'na mau tamahine, e ua tairi ihora ia'na i te 'o'e, riro atura oia ei mea faufau i te mau vahine nei, e ua tuu atura ratou i te utua i nia ia'na.

11 Ite atura tana teina o Aholiba i te reira, rahi atura to'na hinaaroraa e te ino hoi i to'na, e tana hoi taiataraa i te mau taiataraa a te tuuana ra. 12 Riro atura tana aaui i to Asura, i to'na ra mau taata-tupu, i te mau raatira, e te mau tavana, ma te ahu faashaaha, e feia puahorofenua ana'e e tia i nia i te puahorofenua, e mau taata hinaaroraa-e-hia e te taata api. 13 Ite atura vau e, ua viivii oia, e hoâ hoi o raua haerea. 14 Ua faarahi maira hoi i ta'na peu taiata: ua hi'o hoi oia i te taata i te papairahia te hoho'a i nia i te patu, e hoho'a no te Kaladaio i te papairahia i te uraura. 15 ma te tautahia te tauupu i te tatura, e ma te taupoo e rave rahi te huru i nia i te upoo, e feia raatira ana'e te huru, mai to Babulonia o te Kaladaio ra, to ratou fenua i fanauhia 'i ra: 16 e tei te faaruraa i tana mata i nia ia ratou ra, riro atura tana aaui, e ua tono atura i te vea ia ratou i te fenua o te Kaladaio. 17 E ua haere maira to Babulonia ia'na ra, i roto i te roi hinaaro ra, e ua haaviivii ratou ia'na i te taiata; e viivii atura oia ia ratou, e taa e roa 'tura tana aaui ia ratou. 18 Ua faaite hoi oia i to'na taiata e ua faaite i to'na vaiiho-noa-raa; e ua taa e atura hoi tau aaui ia'na, mai tau aaui hoi i taa e i tana tuuana ra. 19 Ua faarahi hoi oia i tana taiataraa i te faatupu-faahou-raa i te mau mahana i te apiraa no'na ra, ia'na hoi i taiata i to tenna ra i Aiphiti. 20 Ua riro hoi tana aaui tei te rave i ia ratou, tei au to ratou pupa i to te asini, e to te puahorofenua ra. 21 E teie nei, o oe i papiti i te rave i te ino o to apiraa ra, e tauahi mai ai to Aiphiti ia oe ra, e ua rave ia oe i to apiraa ra.

22 E teie nei, e Aholiba, te na ô maira te Fatu ra o Iehova; Inaha, e faatupu faahou vau i te feia hinaaro ia oe ra ei rave ia oe, i tei taa e to aaui ia ratou ra,

e aratai mai au ia ratou ei rave ia oe e ati noa "e; 23 to Babulonia, e to te Kaladaio, o Pekoda, e o Soa, e o Koa, e to Asura atoa ra; e taata hinaaroraa-e-hia e te api, e feia raatira, e te mau tavana, e feia na mua ia e te tuiroo, e tei nia ana'e i te puahorofenua i te parahira. 24 E haere mai ratou e rave ia oe na te mauhaa, ma te pereoo, e ma te mau mea faahorohia te tao'a ra, e ma te taata rahi atoa ra; e haapao hoi ratou i te raveraa ia oe, i te megena, e te paruru, e te taupoo e ati noa "e; e tuu hoi au i te faaauraa i mua ia ratou, e na ratou e haava ia oe i ta ratou ra haavaraa. 25 E fariu vau i taua hae no'u ra ia oe, e rave u'ana mai hoi ratou ia oe; e rave e atu ratou i to ihu e to pue tari'a ra; e hi'a hoi to huaai i te 'o'e; e rave ratou i to mau tamaroa ra e to mau tamahine; e pau hoi to huaai i te auhi. 26 E rave hoi ratou e taratara i to ahu, e rave hoi i to mau tao'a maitatai ra. 27 E na reira vau i te faaore i to oe ra ma ino rahi ia oe ra, e ta oe taiata i *hooihia mai* e oe mai Aiphiti mai: e ore hoi oe e nânâ i to mata ia ratou, e ore e mana'o faahou atu ia Aiphiti. 28 Te na ô maira hoi te Fatu ra o Iehova; Inaha, e tuu atu vau ia oe i te rima o te feia i ririhia e oe ra, i roto i te rima o te feia i taa e ai to aaui ia ratou ra: 29 e rave ratou ia oe ma te riri, e rave hoi ratou i ta oe i ohipa ra, a vaiiho tahaa noa 'tu ai ia oe ma te ahu ore: e itea to taiata huama ore ra, e to oe ra ino rahi e te faaturi. 30 I na reira 'tu ai au ia oe no te mea ua pee taiata oe i te mau etene, e no te mea ua viivii oe i to ratou mau idolo. 31 Ua haere oe na te e'a o to tuuana; e tuu atu ai au i tana a'ua i to rima. 32 Te na ô maira te Fatu ra o Iehova; Na oe e inu i te a'ua a to tuuana, e a'ua poopoo e te rahi: e riro hoi oe ei ataraa, ei tãhitohitoraa; e a'ua nanea rahi. 33 E i oe i te mea ta'e, e te oto, i te a'ua maere e te pau, i te a'ua a to tuuana a Samaria. 34 E inu hua oe e ua otote; e na oe e ofatitafi i te hua'ua rii ra, e ua faarue i to oe iho u: o vau teie e parau nei, te na reira maira te Fatu ra o Iehova. 35 E teie nei, te na ô maira te Fatu ra o Iehova; No te mea ua haamoe oe ia'u, e ua faarue ia'u i muri i to tua, e tena na, e rohi oe i te faaromai atoa i ta oe ra hara rahi e ta oe ra taiata.

36 Ua parau maira hoi Iehova ia'u, E te tamaiti a te taata na, eita oe e haava ia Aholi raa o Aholiba! E faaite hua 'tu oe ia raa i ta raa mau parau faufau; 37 no te mea ua faaturi raa, e toto hoi tei to raa rima: ua faaturi raa i to raa mau idolo; e ta raa mau tamarii ta raa i fanau ia'u nei, ta

raua ia i tuu na roto i te auahi ia ratou ra ia pau roa. 38 E ua na ô mai hoi raua ia'u; ua haaviivii raua i tau vahi mo'a i te mahana hoê, e ua faaino raua i tau mau sobati: 39 ia oti hoi ta raua mau tamarii i te taparahihia no to raua mau idolo, ua haere maira raua i roto i tau vahi mo'a i taua mahana ra, ia viivii atoa te reira: e, inaha, ua na reira ratou i roto i tau fare. 40 E mai reira hoi, ua tono orua i te vea e tii i te taata ia haere mai mai te fenua roa mai; ua tonohia 'tu te vea ia ratou, e, inaha, ua haere mai ratou: e no ratou oe i horoi ai ia oe ra, e ua parahi i to mata i te peni, e ua faaunauna hoi oe ia oe i te mea unauna, 41 e ua parahi i nia i te roi turatura, ma te pûpû i te faanahonahora i mua, i te vahihohia e oe i nia iho tau mea no'ano'a e tau mono'i. 42 E tei ia'na hoi te muhu o te feia rahahi parahi hau noa ra i te *itearaa*; e ua aratai-atoa-hia mai te mau taata maohi e to Seba atoa no te medehara; o tei tuu i te tapea i nia i te rima, e te korona nebenehe i nia iho i to ratou mau upoo. 43 Ua na ô ihora vau ia'na, i tei paari i te taiata atoa, E rave anei ratou i teie nei i te peu taiata ia'na nei, ia'na nei â? 44 Ua haere atura râ ratou i roto ia'na ra, mai te feia ia haere i roto i te vahine taiata; ua na reira ratou i te haere i roto ia Ahola raua o Aholiba, i na vahine taiata ra.

45 E teie nei, na te feia parau-tia e haava ia raua, e pue vahine faaturi ia, e e vahine haamanii toto ra; e faaturi mau hoi raua, e e toto ana'e hoi tei to raua rima. 46 Ua parau mai na te Fatu ra o Iehova; E aratai mai au i te tahi pûpû i nia ia raua, e na'u e horoa ia raua ia hopoi-ê-hia e ia rave-ino-hia. 47 E na te taata e tui ia raua i te ofai, e e tairi pohe roa ia raua i te 'o'e; e taparahi hoi ratou i ta raua mau tamaroa e ta raua mau tamahine, e tutui hoi i to raua mau fare i te auahi. 48 E na reira vau i te faacereraa i te parau ino i te fenua nei, ia ite te mau vahine atoa e eiaha e rave, mai ta orua i rave ra. 49 E tahoo mai ratou i ta orua porau ino i nia ia orua ra, e ei nia ia orua ta orua hara i te mau idolo ra; e ite hoi outou e o te Fatu ra vau o Iehova.

To faaitiehia nei te pau o Ierusalem, i te parabole i te pani pihaa ra.

24 E TAE a'era i te iva o te matahiti, e te ahuru o te marama, e te ahuru hoi o te mahana i taua marama ra, i tae mai ai te parau a Iehova ia'u nei, na ô maira, 2 E te tamaiti a te taata na, o papai na oe i te i'oa o te mahana, no teie nei mahana: parahi ihora te arii o Babulonia e aro ia Ierusalem i teie

nei mahana. 3 A parau atu i te tahi parabole i te utunafare tâhito nei, e parau atu ia ratou, Te na ô maira te Fatu ra o Iehova; A faauta na i te hoê pani, a faauta na, a ninii i te pape i roto ra: 4 e haaputu i te vahi i-roto ra; i roto, i te mau vahi maitatai ra; e faai atu ai i te avae i muri, e te humaha i mua, e te mau ivi maitatai ra. 5 A rave i te mau puas maitatai o te nânâ ra, a fata 'i e a tahu i te mau ivi i raro a'e, ia veavea roa e ia ama maitai te mau ivi i roto ra.

6 I teie nei parau, te na ô maira te Fatu ra o Iehova, E pohe to te oire i viivii i te toto ra, e te pani ma te repo i te vai-atos-raa i roto ra, e aore ta repo i reva i rapae au ra! e iriti tataitahi maira; eiaha ia mairihia i te kelero. 7 Te vai noa ra to'na toto i roto ia'na; ua tuu ihora oia i nia roa i te mato ra; aore a'era oia i ninii i raro i te repo, ia tapo'ihia i te repo ra: 8 ia tupu mai te riri, ia tahoo atu *cau*, ua tuu vau i to'na toto i nia roa i te mato ra, ia ore ia tapo'ihia. 9 E teie nei, te na ô maira te Fatu ra o Iehova; E pohe to te oire i viivii i te toto ra! e haaputu van i te vahie e ia rahi. 10 E huri â i te vahie i nia iho, e tutui i te auahi, ia pau te i'o, e anoi i te raau, e ia ama hoi te mau ivi i te auahi; 11 a tuu noa 'tu ai ma te faufaa ore to roto ra i nia i te arahu, e ia veavea te veo, e ia aina, e ia tarapape to'na ino i roto ra, e ia pau roa te repo ra. 12 Ua paupau roa to'na aho i te haavare, aita râ i reva to'na repo rahi i rapae; aita to'na repo i *huru pau* i te auahi. 13 E ino rahi tei taua viivii no oe ra. No te mea na tia ia'u i te tamâ ia oe ra, e aore i tia ia oe ia tamâhia, e tena na, e ore oe e mâ i to viivii na e ia faairihia mai e au tau riri i nia ia oe ra. 14 Na'u mau hoi i parau na Iehova, e tupu ia e na'u e rave; e ore e ho'i i muri, e ore hoi au e faaheruhere, e ore au e tatara-hapa; e haava ratou ia oe i te oe ra mau haerea, e ta oe mau mea i rave, te parau maira te Fatu ra o Iehova.

15 E ua tae maira hoi te parau a Iehova ia'u nei, na ô maira, 16 E te tamaiti a te taata na, inaha, teie au a rave â i te hinsaro o to mata i te tairi pohe roa ra; eiaha râ oe e auê, eiaha e oto, eiaha ia manii to roimata. 17 Oto mamû noa oe; eiaha e oto i te feia i pohe, a taamu i to taupoo i nia ia oe, a oomo i to avae i te tamaa, eiaha e tapo'i i to pue utu, e eiaha e amu i te maa a te feia oto ra. 18 Ua parau atu vau i te mau taata i te poi-poi, e ahiahi ihora, pohe atura tau vahine; e ao a'era, ua na reira vau i tei paravahia mai au ra.

19 Ua parau maira te mau taata ia'u ra, Eita oe e faaitie mai ia matou i te auna o teie nei mau parau ia matou nei, i na reira 'i oe na? 20 Ua parau

atura vau ia ratou, Ua tae mai te parau a Iehova ia'u nei, na ô maira, 21 A parau na i te utuafare o Iseraela, Te na ô maira te Fatu ra o Iehova; Inaha, e haaviivii au i tau vahi mo'a, i te maitai o to outou puai, e te hinaaro o to outou mata, e tei hinaarohia e outou e vaiiho; e ta outou mau tamaroa e ta outou mau tamahine i vaiihohia e outou, e mairi ia i te 'o'e. 22 E na reira hoi outou mai ta'u ra: eiaha outou e tapo'i i to outou utu, e eiaha e amu i te maa a te feia oto ra. 23 E tuu hoi i to outou taipoo i nia i te upoo, e to outou tamaa i nia i to outou avae: eiaha outou e mihi, eiaha e oto; e oto mamû noa râ i ta outou hara, a mihi noa 'i te tahi i te tahi. 24 Ua na reira hoi Ezekielâ ia riro ei tapao na outou: e mai ta'na i rave ra e na reira atoa outou ia tupu teie nei parau; e ite hoi outou e, o te Fatu ra vau o Iehova.

25 O oe atoa hoi, e te tamaiti a te taata na, e ore anei e riro, i te mahana a rave atu ai au i to ratou puai, te caoa o to ratou unauna, te hinaaro o to ratou mata, e tei hinaarohia e to ratou aau, e ta ratou mau tamaroa e ta ratou mau tamahine, 26 na te hoê o tei ora mai i taua mahana ra e haerema i ia oe ra, a faaite hua 'i i to tari'a? 27 Ei taua mahana ra, e parau ai to vaha i tei ora maira, e na oe e parau, e ore e vava faahou; e riro oe ei tapao na ratou; e ite ratou e, o vau o Iehova.

Te riri o te Atona i te ati Amona, i te hamani mo i te ati Iuda.

25 UA tae faahou maira te parau a Iehova ia'u nei, na ô maira, 2 E te tamaiti a te taata na; a fariu na i to mata i te ati Amona, e tohu atu ia ratou; 3 e na ô atu i te ati Amona, E faaroo mai i te parau a te Fatu ra o Iehova: Te na ô maira te Fatu ra o Iehova; No te mea ua parau oe, Aitoa, i tau vahi mo'a nei, a haaviivihia 'i ra; e te fenua atoa o Iseraela, a ano ai ra; e te utuafare atoa o Iuda, a riro ai ratou ei tifi ra; 4 e tena na, inaha, e tuu atu vau ia oe i to te pae i te hitia o te râ ra ei tao'a, e na ratou e faatia i to ratou mau fare arii ra i roto ia oe, e patu hoi i to ratou parahiraa mau i roto ia oe: na ratou e amu i ta oe maa, e na ratou e inu i ta oe ū. 5 E faariro vau ia Raba ei fare vairaa kamela, e te ati Amona ei taotoraa no te mau nânâ mamoe: e ite hoi outou e, o Iehova vau. 6 Te na ô maira hoi te Fatu ra o Iehova; No te mea ua papai oe i to rima, e ua taataahi i to avae, e ua oaco to aau na to riri atoa i te fenua nei ia Iseraela; 7 e tena na, inaha, e faatoro atu vau i tau rima ia oe ra; e tuu vau ia oe ei tao'a no te mau fenua; e tâpû ê atu vau

ia oe i ô te mau taata nei, e haamou atu vau ia oe i roto i te mau fenua nei: e faaore atu vau ia oe, e ite hoi oe e, o vau o Iehova.

8 Te na ô maira te Fatu ra o Iehova; No te mea te na ô maira Moabi e o Seira, inaha, te faito atoa nei te utuafare nei o Iuda i te mau fenua atoa nei; 9 e teie nei, inaha, e iritia e au te aoao o Moabi na to'na ra mau oire, na te mau oire i to'na ra hiti, e iritia e au te unauna o te fenua ra, ia Bete-iesimota, ia Baala-meona, e ia Kiriataima, 10 o ta'u ia e horoa 'tu na te mau taata o te pae i te hitia o te râ e te ati Amona atoa ra, ei tao'a, ia ore Raba o te ati Amona ia mana'ohia i roto i te mau fenua ra. 11 E na'u e tuu atu i ta'u ra mau utua i nia ia Moabi; e ite hoi ratou e, o Iehova vau.

12 Te na ô maira te Fatu ra o Iehova; No te mea ua tahoo aroha ore noa Edoma i te utuafare o Iuda, e ua rahi te hara, e te tahooraa 'tu ia ratou; 13 e teie nei, te na ô maira te Fatu ra o Iehova; E faatoro atu vau i tau rima i nia ia Edoma, e faaore atu vau i te taata e te puua atoa i reira; e faaano atu vau mai Temani mai, e hi'a hoi ratou i te 'o'e e tae noa 'tu i Dedana. 14 E tuu vau i te riri no'u i nia ia Edoma i te rima o tau mau taata nei ia Iseraela; e haapao ratou i to'u nei riri e ta'u nei tahoo ia rave ia Edoma; e ite hoi ratou i te tahoo na'u ra, te parau maira te Fatu ra o Iehova.

15 Te na ô maira te Fatu ra o Iehova; No te mea, e tahoo ta te Philiseti, e ua rave ta ratou tahooraa ma te au riri, ia pau roa ma te riri tahito ra; 16 e teie nei, te na ô maira te Fatu ra o Iehova; Inaha, e faatoro atu vau i tau rima i nia i te Philiseti, e tâpû ê atu vau i te Kereti, e haamou atu hoi i te toea i te tipaeraa i tahatai ra. 17 E tahoo rahi roa vau ia ratou, ma te rave u'ana rahi; e ite hoi ratou e, o Iehova vau, ia tuu atu vau i tau riri i nia ia ratou ra.

Te haamâta'uhia nei Turia i te teoteo ia Ierusalemâ.

26 E TAE a'era i te ahuru ma hoê o te matahiti i te mahana matamua o te marama ra, i tae mai ai te parau a Iehova ia'u nei, na ô maira, 2 E te tamaiti a te taata na, No te mea ua parau Turia ia Ierusalemâ e, Aitoa, ua parari ia oia; o te oire e taata rahi tei ia'na uputa, ua fariu mai ia ia'u; ua i atura vau, o oia i ano; 3 e teie nei, te na ô maira te Fatu ra o Iehova; Inaha, e ore au e faatia ia oe, e Turia, e na'u e tuu mai i te mau fenua ei rave ia oe, mai te miti e huri noa mai i to'na are. 4 E parari te mau patu i Turia ia rator.

e haaparari hoi i to'na ra mau pare; e na'u e pae i te repo i nia ia'na, e ia riro mai te papa i nia ihora. 5 E riro oia ei hohoraraa upe'a i ropu i te moana ra: o vau hoi tei parau, te na reira maira te Fatu ra o Iehova. E riro hoi oia ei tao'a no te mau fenua; 6 e ta'na ra mau tamahine i roto i te aua ra, e tairihia ia i te 'o'e, e ite hoi ratou e, o Iehova vau.

7 Te na ô maira hoi te Fatu ra o Iehova, Inaha, e aratai mai au i te arii o Babulonia ra ia Nebukanesa i nia ia Turia ra, e arii no te mau arii ra, mai te pae i apatoerau ra, ma te puahorofenua ana'e e te mau pereoo, e te feia e parahi i nia iho, e te mau pūpū, e te taata atoa e rave rahi ra. 8 E taparahi oia i to mau tamahine i roto i te aua ra i te 'o'e, e rave hoi oia i te tahi pare ia oe ra, e ohu hoi oia i te ohu ia oe, e hopoi hoi oia i te paruru ia oe. 9 E tuu hoi oia i te otui i to mau patu ra, e vavahi hoi oia i to mau pare i te auri. 10 E moe oe i te repo i te rahi o tana ra mau puahorofenua; e auene atoa to mau patu i te haruru o tana mau puahorofenua, e te mau faahoro tao'a, e te mau pereoo na'na ra, ia faaô oia i roto i to mau uputa ra, mai te taata e tomo i roto i te oire ia haapararihia ra. 11 E taatahahia to mau aroa e te maiuu o tana ra mau puahorofenua; e pau to mau taata i te taparahihia e ana i te 'o'e, e to mau pare etaeta ra, e tuuhia ia i raro i te repo ra. 12 E rave ino hoi ratou i to mau tao'a ra, e riro hoi to mau tao'a hoo ra ei tao'a pau na ratou; e vavahi ratou i to mau patu, a haaparari ai i to mau fare nehenehe ra; e to mau ofai, e te raau, e te repo, e tuu ia ratou i raro i te moana. 13 E te re'o pehe noa a'era e faaorehia e au; e ore hoi te oto kinura e itea faahou. 14 E faariro hoi au ia oe ra mai to nia iho i te pape ra; e riro hoi oe ei hohoraraa upe'a, e ore oe e patu-faahou-hia: o vau hoi o Iehova tei parau, te na reira maira te Fatu ra o Iehova.

15 Te na ô nei te Fatu ra o Iehova ia Turia, E ore anei te mau fenua nei e auene i te haruru o to oe ra hi'araa, ia oto hua te feia puta, e ia rahi te pau i roto ia oe ra? 16 Ei reira te mau arii atoa o te moana e haere ai i raro mai nia mai i to ratou mau terono, a haapae ai i to ratou ahu, a tuu ê atu ai i to ratou ahu faanehenehehia, e e vehi ia ratou i te rurutaina, a parahi ai i raro i te repo, a rurutaina 'i eiaha e faaea, e te maere hoi ia oe. 17 E e parau ratou i te parau oto ia oe, a parau ai ia oe e, Auê to oe pehe e, tei parahihia e te feia e haere i te moana, e te oire tuiroo e, e tei puai i te moana, oia e to'na atoa ra mau taata, tei mātā'uhia e te taata atoa

i haere mai i reira ra! 18 Ei teie nei e rurutaina 'i te mau fenua ia tae i te mahana e hi'a 'i oe ra; e ahoaho atoa te mau fenua o te moana ia ore oe ra. 19 Te na ô maira te Fatu ra o Iehova; Ia faarirohia oe e au ei oire ano fa, mai te mau oire taata ore ra; ia hopoi mai au i te moana i nia ia oe ra, e moe atura oe i te moana rahi ra: 20 ia tuu vau ia oe i raro i te feia atoa i reva i te apoo ra, i te mau taata tahito ra; ia tuu hoi ia oe i te vahi haehaa i te fenua nei, i te vahi ano i tahito ra, o oe e te feia atoa i reva i te apoo ra, e eiaha oe ia taatahia; e ia haapao vau i te unauna i te fenua o te feia e ora nei; 21 e faariro vau ia oe ei mea mātā'uhia, e ore a'era hoi oe: e imi-noa-hia oe, e ore rā e itea faahou e a muri noa 'tu, te na reira maira te Fatu ra o Iehova.

Te hoo rahi a Turia ra, e to'na pau rahi huritumu ra.

27 UA tae maira hoi te parau a Iehova ia'u nei, na ô maira, 2 E tena na, e te tamaiti a te taata na, a rave oe i te parau oto ia Turia, 3 a parau atu ai ia Turia, E tei parahi i te tuuraa na tai ra, o te taata hoo na te taata atoa i te mau fenua e rave rahi ra, Te na ô maira te Fatu ra o Iehova; E Turia e, ua parau hoi oe e, Ua nehenehe roa vau i te purotu. 4 Tei ropu i te moana to oe ra hiti, ua faanehenehe-roa-hia oe e tei patu ia oe ra. 5 E berusi ana'e to oe mau raau pahi no Senira: ua rave ratou i te arezi no Lebanona ei tira na oe. 6 E aluna no Basana ta oe mau hōe i te tarairahia e ratou; to oe mau iri e sena ia, i tarotolia i te tasura no te mau fenua o te Kitima ra. 7 Te vavai maitai ma te faaunauna no Aiphiti mai tei hohorahia ei reva na oe; te ahu ereere-tape-moana e te uraura no te mau fenua o Elisa, o to oe ia tapo'i. 8 Te mau taata no Sidona e no Aravada, o te hoê ia ia oe: te mau taata paari i roto ia oe, e Turia, o to oe ia mau pailoti: 9 te mau taata tahito no Gebala e te feia ite no reira ra, o to oe ia mau totamu. Te mau pahi atoa o te moana e te mau taata no tai atoa ra i roto ana'e ia oe ra, e hoo i to oe ra hoora. 10 To Peresia, e to Luda, e to Phuta, o to oe ia mau taata tama'i, no to oe ra nuu: ua faauta ratou i te paruru e te taupoo i roto ia oe; na ratou i imi i to oe ra hanahana. 11 Te mau taata no Aravada e to oe atoa ra nuu, tei nia ia i to oe ra patu e ati noa "e, e tei roto te mau Gamadi i to oe ra mau pare: ua faauta ratou i to ratou mau paruru i nia i to mau patu e ati noa "e; ua nehenehe roa oe ia ratou. 12 O Taresisa ta oe taata hoo, no te rahi o to oe ra mau tao'a; i te

ario, e te auri, e te bidila, e te tapau, ua hoo ratou i ta oe mau hooraa. 13 O Iavana, e o Tubala, e o Meseka, o ta oe ia hoo i te taata nei; e ua hopoi ratou i te farii vec i ta oe hooraa. 14 To te utuafare o Togarama tei hopoi i te puahorofenua e te taata e faahoro ra, e te pheradi, i to oe hooraa. 15 Te mau taata no Dedana ta oe mau taata hoo; e rave rahi te fenua e hooraa ana'e ia i ta oe ra mau mea i hamanihia ra; e ua faaho'i mai ratou i te hoo ia oe, i te tara puua, e te sena, e te ebeni. 16 O Arama ta oe taata hoo i te mau ohipa rahi na oe ra; i te nepheka, e te ahu uraura, e te tao'a faanehenehe, e te vavai maitai, e te ramuta, e te kadakada, i te hōpoi-ran mai i ta oe ra hooraa. 17 O Iuda e te fenua o Iseraela atoa, o ta oe ia feia hoo: i te sitona no Menita, e te panaga, e te meli, e te hinu *olive*, e te tapau no'ano'a, o ta ratou ia i hopoi mai i ta oe hooraa. 18 O Damaseko ta oe ra taata hoo, i ta oe ra mau ohipa atoa, e te rahi o ta oe ra tao'a; i te uaina Helibona, e te huruhuru mamoe teatea ra. 19 Tei ta oe atoa ra hooraa o Dana, e o Iavana mai U'ala mai: o te auri tia-paihia, e te kade, e te kane, tei ta oe ra hooraa. 20 O Dedana ta oe taata hoo i te ahu faahaaha no te feia faahoro puahorofenua ra. 21 O Arabia, e te mau arii atoa o Kedara, e feia hoo ana'e i ta oe ra mau tao'a; i te pinia mamoe, e te mamoe oni, e te puaniho, o ta oe ia feia hoo i te reira. 22 Te mau taata hoo no Seba e no Rama, o ta oe atoa ra ia feia hoo: i te mau raau i hau i te no'ano'a ra, e te mau ofai maitatai roa ra, e te auro, e na ratou i ai ta oe ra mau hoo ra. 23 O Harana, e o Kane, e o Edene, te feia hoo no Seba, Asura, Kilimada, o ta oe ia feia hoo. 24 Ta oe ia feia hoo tao'a maitatai ra; o te ahu ereere-tape-moana ia, e te ohipa faa-unaunahi, te hiti ra, e te pihia ahu maitatai auhia ra, i ruuruuhia i te taura, e e arezi te raau, i roto i ta oe ra mau tao'a hoo. 25 Te mau pahii no Taresisa, o te feia hoo rahi ia i ta oe ra hooraa: maitai roa a'era oe, e te faa-unauna-rahi-hia i ropu i te moana ra. 26 Ua hōe-roa-hia oe e to feia hōe ra i raro i te moana rahi ra: ua parari oe i te mata'i no te hitia o te rā ra i ropu i te moana ra. 27 Ta oe ra tao'a, e ta oe; mau hooraa haapaohia, e te hooraa rii ra, to oe ra mau ihitai, e ta oe ra mau pailoti, to oe ra mau totamu, e te feia i hoo i ta oe ra hooraa, e ta oe atoa ra mau taata tama'i, i roto ia oe ra, e te taata atoa i roto ia oe ra, e mairi atoa i ropu i te moana i te mahana e hi'a 'i oe ra. 28 I te haruru o te re'o o to mau pailoti, e aucue atoa te mau 'hiti ra. 29 E te feia atoa e rave i te hōe ra, te

mau ihitai, e te mau pailoti atoa o te miti ra, e pou ana'e mai ia i raro mai nia mai i to ratou mau pahii; e ua tia ana'e mai i tahatai; 30 e faaite hua ratou i to ratou re'o ia oe, ma te oto rahi, ma te taora i te repo i nia i to ratou mau upoo; e te hurihuri noa hoi ia ratou i roto i te rehu auahi: 31 e paoti haapau roa hoi i to ratou upoo ia oe, e tatua hoi i te ahu oto i nia ia ratou, e oto rahi roa hoi ratou ia oe ma te inoio te auu, e ma te mihi rahi. 32 E rave hoi ratou i te parau otō i to ratou otora ia oe, o mihi hoi ia oe ma te na *de*, O vai ia *oire* e au ia Turia i tei haamou-hua-hia i ropu i te moana? 33 A utahia 'i ta oe ra mau tao'a mai te mau vahii tipaeraa ra, e rave rahi tei maururu ia oe; no te rahi o ta oe ra tao'a, e te tao'a hoo na oe ra, i tao'ahia 'i te mau arii atoa o te fenua nei. 34 Ua parari ra oe i tena na i tai na, e ta oe ra mau tao'a hoo i ropu i te moana: e to oe atoa ra mau taata i roto ia oe ra ua hi'a ana'e. 35 Ua maere te mau taata atoa o te mau fenua na ia oe, e ua mātā'u rahi roa to ratou mau arii, ua ahoaho roa ratou ua *itea* i te mata. 36 Ua tāhito hito te mau taata hoo i roto i te mau taata ra ia oe; ua riro oe ei riararara, e ore roa hoi oe e rave-faahou-hia e a muri noa 'tu.

Te Atua i te tahooraa 'tu i te arii o Turia i te teoteo ra.

28 TAE faahou maira hoi te parau a Iehova ia'u nei, na ô maira, 2 E te tamaiti a te taata na, e parau atu oe i te arii o Turia ra, Te na ô maira te Fatu ra o Iehova; No te mea ua hopohia to oe ra aau i nia, e ua parau oe e, E atua vau, te parahi nei'au i te parahira o te Atua, i ropu i te moana ra; e taata rā oe, e ere i te Atua, haamau noa 'i oe i to oe aau mai te auu o te Atua ra: 3 inaha, e paari rahi to oe i to Daniela: aita roa e mea e moe ia oe ra: 4 no to oe ra paari e to oe ra ite i noaa 'i ta oe ra tao'a, i noaa 'i te auro, e te ario, i roto i ta oe ra puera: 5 no te rahi o to oe paari e ta oe hooraa i rahi ai ta oe tao'a: e no to tao'a rahi ra i teitei ai to oe aau: 6 e teie nei, te na ô maira te Fatu ra o Iehova; No te mea ua haamau oe i to oe aau mai te auu o te Atua; 7 inaha, no reira vau e aratai mai ai i te taata *éé*, tei riarahia e te mau fenua nei, e rave ia oe: e na ratou e unuhi i ta ratou mau 'o'e i te nehenehe o taua paari no oe ra, e na ratou e haaviivii i to oe anaana. 8 E aratai mai ratou ia oe i raro i te apoo ra, e pohe hoi oe i te pohe o te feia taparahihia i ropu i te moana ra. 9 E parau mai ā oe, E atua vau, i te aro o te feia e taparahi mai ia oe ra? e

taata hoi oe, e ere i te Atua, i te rima o te feia e taparahi mai ia oe ra. 10 E pohe oe i te poheraa o te feia peritome ore i te rima taata eē ra: o vau hoi tei parau, te na reira maira te Fatu ra o Iehova.

11 Tae faahou maira te parau a Iehova ia'u nei, na ô maira, 12 E te tamaiti a te taata na, a rave na oe i te tahi parau oto i te arii o Turia ra, e na ô atu ia'na, Te na ô maira te Fatu ra o Iehova; E au oe i te tapao coti-huru-ê-hia ra; ua i oe i te paari, e te purotu nehenehe roa ra. 13 I Edene oe i te ô a te Atua ra. Te mau ofai maitatai atoa ra tei nia "e ia oe, te adama, e te phetade, e te aheleme, te tarisisa, e te sema, e te isephe, te saphira, e te nephaka, e te bereketa, e auro hoi ta oe mau tophe, e te mau nekaba, i te ohiparahia i roto ia oe; tei to oe fanau-raa te hamaniraahia. 14 I faairi hoi au ia oe mai te kerubi tamârû i faatavaihia ra; i nia oe i te mou'a mo'a o te Atua ra; e ua hahaere noa ihora na roto i te mau ofai auahi ra. 15 I nehenehe to oe na mau haerea mai to mahana i fanau mai ai ra, e ia itea-noa-hia 'tu te ino i roto ia oe ra. 16 No te rahi o ta oe ra tao'a i i ai oe i te rave ino; i hara 'i hoi oe na; e faarue ai au ia oe mai nia i te mou'a o te Atua ei mea viivii: e haamou atu vau ia oe, e ta kerubi tamârû ra mai roto â i te mau ofai auahi ra. 17 To nehenehe ra i teitei ai to aau ra; to anaana i ino ai to oe ra paari: e huri-roa-hia oe e au i raro i te repo; e tuu vau ia oe i mua i te aro o te hui arii, ia hi'o ratou ia oe. 18 No te rahi o ta oe ra parau iino ra, e no te tia ore o ta oe ra hooraa, i viivii ai to oe ra vahi mo'a: e hopoi mai ai au i te auahi no roto ia oe ra ia pau oe, e faairi vau ia oe ei rehu auahi i nia i te fenua nei, i mua i te sro o te feia atoa e hi'o mai ia oe ra. 19 To te mau taata atoa nei i ite ia oe ra, e maere ana'e ia ia oe; e riro hoi oe ei mea riarahia, e ore roa hoi oe e maitai faahou e a muri noa 'tu.

20 Ua tae faahou maira te parau a Iehova ia'u nei, na ô maira, 21 E te tamaiti a te taata na, e fariu oe i to mata ia Sidona, e tohu atu oe ia'na, 22 e na ô atu, Te na ô maira te Fatu ra o Iehova; Inaha, e ore au e faatia ia oe, e Sidona; e hanahana vau i roto ia oe ra; e ite hoi ratou e, o Iehova vau, ia faautua 'tu vau ia'na, e ia haamaitahia vau i roto ia'na ra. 23 E hopoi atu hoi au i te ma'i, e te toto i roto i to'na ra aroâ; e hi'a hoi te feia puta i roto ia'na i te 'o'e, ia tae mai i nia ia'na e ati noa "e; e ite hoi ratou e, o Iehova vau.

24 E eita 'tura te utuafare o Iseraela

e ati i te raau putaputa, e te mea taratara e oto ai ra e ati noa "e ratou ra, i tei vahavaha mai ia ratou ra; e ite hoi ratou e, o te Fatu ra vau o Iehova. 25 Te na ô maira te Fatu ra o Iehova; Ia hauputu mai au i te utuafare o Iseraela mai roto mai i te mau taata i purara e ai ratou ra, ei reira vau e haamaitahia 'i ia ratou i te aro o te mau fenua, e parahi hoi ratou i to ratou iho fenua, ta'u i horoa no tau tavini no lakoba. 26 E parahi noa hoi ratou i reira ma te mâtâ'u ore, e patu hoi ratou i te fare, e tanu hoi i te ô vine; e parahi hoi ratou ma te pannonoo ore, ia faautuahia 'tu e au te feia i vahavaha mai ia ratou e ati noa "e; e ite hoi ratou e, o vau to ratou Atua o Iehova.

Te tahooraa 'tu ia Pharao i to'na haavare ia Iseraela.

29 E TAE a'era i te matahiti hoê ahuru ra, e te ahuru hoi o te marama, e te ahuru ma piti o te mahana o taua marama ra, i tae mai ai te parau a Iehova ia'u nei, na ô maira, 2 E te tamaiti a te taata na, e fariu oe i to mata i te arii o Aiphiti ra ia Pharao, o tohu atu oe ia'na, e to Aiphiti atoa ra: 3 a parau atu, e na ô atu, Te na ô maira te Fatu ra o Iehova; Inaha, e ore au e faatia ia oe, e te arii o Aiphiti, e Pharao, i te teni rahi i raro i ta'na ra mau pape, i tei parau ra e, Na'u iho ta'u pape, na'u i rave na'u iho. 4 E oomo râ vau i te mâtâ'u i roto i to pue taa ra, e na'u e tapiri mai i te mau i'a atoa o te pape i nia i to poa ra, e huri mai hoi au ia oe i nia i te pae, mai raro mai i to mau pape ra, e piri hoi te mau i'a atoa o ta oe ra mau pape i nia i to mau poa ra. 5 E na'u oe e vaiiho i roto i te medebara, o oe e to mau i'a atoa no to mau pape ra: e hi'a oe i te mau vahii atea ra, e ore hoi oe e haaputuhia, e e amuilhia: ua horoa vau ia oe ei maa na te mau tachae o te fenua nei, e na te mau manu o te reva ra. 6 E ite hoi to Aiphiti atoa ra e, o Iehova vau, no te mea ua riro ratou ei tauturu aeho i te utuafare o Iseraela. 7 A rave mai ai ratou i to rima ra, paruparu ihora oe, e motu atoa 'tura to ratou taponu; e ia ratou i tiaturi mai i nia ia oe ra, fati ihora oe, e paruparu atura to ratou mau tauupu.

8 E teie nei, te na ô maira te Fatu ra o Iehova; Inaha, e hopoi mai au i te 'o'e i nia ia oe ra, e taa e atu ia'u te taata, e te mau puua atoa ia oe ra. 9 E ano hoi te fenua ra o Aiphiti e pau; e ite hoi ratou e, o Iehova vau. No te mea ua parau oe e, Na'u te pape na'u i hamani. 10 E teie nei, inaha, e ore au e faatia ia oe, e ta oe ra mau pape, e faano vau i te fenua ra i Ai-

phiti e eiaha ei taata, mai Migadola e Siene e tae noa 'tu i te hiti i Kusa ra. 11 Aore roa e avae taata e tae na roto ra, e ore atoa hoi te avae puua e na roto; e ore hoi e taatahia e ia maha ahuru noa 'tu i te matahiti. 12 E faaano vau i te fenua ra ia Aiphiti, i roto atoa i te mau fenua e ano atoa ra, e to'na mau oire i roto i te mau oire e ano atoa ra, e ia maha noa 'tu te ahuru i te matahiti i te anoraa: e haapurara vau i to Aiphiti i te mau fenua, e haapuehu vau ia ratou i roto i te mau fenua ra.

13 Te na ô maira râ te Fatu ra o Iehova; Ia hope taua na matahiti e maha ahuru ra, e haaputupu mai ai au i to Aiphiti mai roto mai i te mau taata i purara 'i ratou ra: 14 e na'u e ruri ê i te titiraa o Aiphiti, e faaho'i mai au ia ratou i te fenua o Patarota, i te fenua no reira ratou ra; e ei basileia haehaa hoi ratou i reira. 15 E riro te reira ei basileia haehaa roa; e ore hoi te reira e faateitei faahou i nia i te mau fenua ra; na'u hoi ratou e faaiti, ia ore ratou ia faahopo faahou i nia i te mau fenua. 16 E ore hoi ratou e riro faahou ei tiaturiraa no te utuafare ra no Ise-raela, i te faatupu-faahou-raa i te mana'o i ta ratou hara, ia pee mai ratou ia ratou ra: e ite râ ratou e, o vau te Fatu ra o Iehova.

17 E tae a'era i te taau ma hitu o te matahiti, i te marama matamua ra, e te mahana hoê hoi o taua marama ra, i tae mai ai te parau a Iehova ia'u nei, na ô maira, 18 E te tamaiti a te taata na, E ohipa rahi ta te nuu a te arii o Babulonia ta Nebukanesa i faaue i te raveraa i Turia ra: aore e rouru i toe i te mau upoo, aore hoi e tapono toe i te pahure: aita râ a'na, e ta'na nuu atoa, e utua i noa i Turia ra i te ohipa ta'na i rave i reira: 19 e teie nei, te na ô maira te Fatu ra o Iehova; Inaha, te horoa nei au i te fenua ra ia Aiphiti no te arii o Babulonia no Nebukanesa; e na'na e rave i to'na taata, na'na e tufa i ta'na tao'a, na'na e rave i te tao'a haru; ei utua oia no ta'na ra nuu. 20 Ua horoa vau i te fenua ra o Aiphiti na'na, ei utua na'na i te raveraa 'tu i te reira; na'u hoi te ohipa ta ratou i rave, te na reira maira te Fatu ra o Iehova.

21 Ia tae i taua mahana ra e faatupu ai au i te tara o te utuafare o Ise-raela, e ho-atu vau i te parauraa na oe i roto ia ratou ra; e ite hoi ratou e, o Iehova vau.

To Aiphiti i te pau-roa-raa, e to lei turu mai ia'na ra.

30 TAE maira hoi te parau a Iehova ia'u nei, na ô maira, 2 E te ta-

maiti a te taata na, a tohu, a na ô atu ai, Te na ô maira te Fatu ra o Iehova; A auê outou, auê i teie nei mahana e! 3 No te mea ua fatata taua mahana nei, ua fatata: te mahana o Iehova ra, e mahana ata ia, e anotau ia no te mau fenua. 4 E tae mai te 'o'e i nia ia Aiphiti, e mauui rahi tei Kusa, ia hi'a tei pohe i Aiphiti, e rave-ê-hia e ratou to'na taata ma te rahi atoa, e taihitumuhia hoi oia. 5 O Kusa, e o Phuta, e o Luda, e o te mau taata anoihia ra, e o Kuba, e te taata atoa no te mau fenua atoa i faaau maira, e hi'a ia e ratou atoa ra i te 'o'e.

6 Te na ô maira Iehova; Te feia e tauturu ia Aiphiti ra, e hi'a ia; e te puai teoteo no'na ra, e tuuhia ia i raro: mai Migadola e Siene ratou i te hi'araa i te 'o'e i roto ia'na ra, te na reira maira te Fatu ra o Iehova. 7 E pau hoi ratou i roto i taua mau fenua i pau ra, e to'na mau oire, ei roto atoa i te mau oire i faaano ra. 8 E ite hoi ratou e, o Iehova vau, ia tuu vau i te auahi i roto ia Aiphiti, e ia pau to'na mau tauturu i te pohe. 9 Ia tae i te reira mahana e reva 'i te mau vea na nia i te mau pahi, ia haamäta'uhia Kusa mäta'u ore ra, e roohia mai ratou e te mauui rahi i to Aiphiti ra mahana; inaha hoi, te fatata maira.

10 Te na ô maira te Fatu ra o Iehova; E faaore au i te rahi o te taata i Aiphiti i te rima o te arii o Babulonia, o Nebukanesa. 11 O oia e to'na atoa ra mau taata, o tei riarahia e te mau fenua ra, o te arataihia mai ia ei faaano i taua fenua ra; e unuhi ratou i to ratou 'o'e ia Aiphiti, e faai hoi i te fenua i te taata pohe. 12 E tamârô hoi au i te mau pape, a hoo atu ai i te fenua i te rima o te rave ino ra; e faaano vau i taua fenua ra, e to roto atoa ra, i te rima o te feia êê ra: o vau teie o Iehova e parau nei.

13 Te na ô maira te Fatu ra o Iehova; E haamou vau i te mau idolo, e faaore au i te mau tii i Nopha ra; e aita 'tura e ariihia to Aiphiti; e faatupu vau i te mäta'u i te fenua ra i Aiphiti. 14 E haapau vau ia Patarota, e tuu vau i te auahi i Zoana, e faautua 'tu vau ia No. 15 E ninii atu vau i tau riri i nia ia Sini, te puai o Aiphiti ra; e tâpü ê atu vau i te rahi atoa i No ra. 16 E tuu vau i te auahi i roto ia Aiphiti: e mauui rahi hoi to Sini, e parari hoi No, e apiapi hoi Nopha i te ao. 17 Te mau taata api i Auna, e to Pi-beseta, o te hi'a ia i te 'o'e: e te mau oire, e hopoihia ia ei titi. 18 E haapourihia hoi te ao i Taphanesa i ofati au i te zugo o Aiphiti i reira: e to'na ra puai teoteo ra, e faaorehia ia ia'na ra: arca oia, e tapo'ihia ia e te ata,

e reva ta'na mau tamahine e'i titi. 19 E na reira vau i te tuuraa i te utua i nia ia Aiphiti: e ite hoi ratou e, o Iehova vau.

20 E tae a'era i te matahiti ho'e ahuru ma ho'e ra, e te marama matamua ra, e te mahana hitu i taua marama ra, i tae mai ai te parau a Iehova ia'u nei, na o maira. 21 E te tamaiti a te taata na, ua ofati au i te rima o te arii o Aiphiti ra o Pharao; e, inaha, e ore ia e vehi-hia, e ia taatihia te raau ra; e ore hoi e taai-noa-hia e te ho'e taai ra, ei faa-etaeta e mau ai te 'o'e ra. 22 E teie nei, te na o maira te Fatu ra o Iehova; Inaha, e ore au e faatia i te arii o Aiphiti ra o Pharao, e ofati au i o'na pue rima, i tei etaeta e tei haapuraru-atoa-hia ra; e mairi hoi ia'u te 'o'e i tana rima. 23 E haapurara vau i to Aiphiti i te mau fenua, e haapuehu vau ia ratou i te mau matacinaa ra. 24 E faaetaeta vau i te rima o te arii o Babulonia, e tuu vau i tau 'o'e i roto i tana rima: e ofati ra vau i te rima o Pharao, e autā noa oia i mua ia'na i te autā o te taata puta pohe ra. 25 E faa-etaeta vau i te rima o te arii o Babulonia, e topa ra te rima o Pharao i raro; e ite ratou ia'u e, o Iehova vau, ia tuu vau i tau 'o'e i te rima o te arii o Babulonia, e ia faatorohia i nia i te fenua ra ia Aiphiti. 26 E haapurara vau i to Aiphiti i roto i te mau fenua ra, e haapuehu vau ia ratou i te mau matacinaa ra; e ite hoi ratou e, o Iehova vau.

*Pharao i faitohia i te ho'e arezi maoro i
Lebanona ra.*

31 E TAE a'era i te matahiti ho'e ahuru ma ho'e, e te toru o te marama, e te mahana matamua o taua marama ra, i tae mai ai te parau a Iehova ia'u nei, na o maira. 2 E te tamaiti a te taata na, e parau atu i te arii o Aiphiti ra ia Pharao, e te taata rahi atoa no'na ra; E au oe ia vai i te rahi? 3 Inaha, mai te arezi i Lebanona te ati Asura, ma te amaa nehenehe, e te mārū-mārū, e te teitei i te tiaraa, e ua tae roa to'na auru i roto i te mau amaa meumeu ra. 4 Na te pape oia i faarahi, na te pape hohonu oia i hopoi i nia e teitei noa "e; ua hopoi mai i to'na taherna rii i to'na tanuraa e ati noa "e, ua tuu maira i to'na pape rii matatia e tae noa 'tura i te mau raau atoa o te o'ra. 5 I hopoi-teitei-hia 'i oia i nia e ua hau e i te mau raau atoa o te au ra; e ua rahi to'na mau amaa, e ua tupu hoi te mau amaa i te maoro, i te rahi o te pape i to'na torora'a 'tu. 6 I roto i to'na mau amaa te mau manu o te reva atoa nei i te ofaaraa, e i raro a'e i te mau amaa no'na te puua o te aru nei i te fanauraa; e i raro a'e i to'na

mārū te mau nunaa rarahi atoa i te parahiraa. 7 Nehenehe a'era oia i to'na rahiraa, e te maoro hoi o tana amaa; e rave rahi hoi te pape i pihai iho i to'na aa. 8 Te mau arezi i te o'a te Atua aore oia i moe ia ratou: e ore te mau berusi e au i te mau amaa no'na, e ore atoa e faitohia te mau oramuna i te mau amaa no'na; e aore roa e raau i roto i te o'a te Atua e au ia'na i te nehenehe. 9 Ua faanehenehe au ia'na i te mau amaa no'na i te rahi fa tajo ra, e te mau raau atoa i Edene, i roto i te o'a te Atua tei feii ia'na.

10 E teie nei, te na o maira te Fatu ra o Iehova; No te mea te teitei ra oe i te tiaraa, e ua tae to'na auru i roto i te mau amaa rarahi, e ua tae tana aa i to'na teiteiraa; 11 i tuu atu ai au ia'na, i te rima o te taata puai o te mau fenua nei; o tei faahepo mai ia'na ra: ua tiahi au ia'na i rapae i ta'na ra hara. 12 E na te mau taata e'e, o tei riariahia e te mau fenua nei, i tãpū ia'na i raro, e ua faarue atu ia'na; i nia i te mau mou'a, e i raro atoa i te mau peho i te mairiraa to'na mau amaa, e na te mau pape tahe o te fenua i ofatitai i te mau amaa no'na; e reva ana'e atura te mau taata atoa o te fenua nei i raro mai raro a'e i to'na mārū, e ua vaiiho-noa-hia oia. 13 Ei nia i taua ino no'na ra parahi ai te mau manu atoa o te reva nei, e riro hoi te mau puua atoa o te aru ra i nia i to'na mau amaa: 14 ia ore ia faateitei te mau raau atoa i te hiti pape, i to ratou ra tiaraa teitei, e eiaha atoa e faataehia to ratou auru i roto i te amaa meumeu ra, eiaha atoa te mau raau ia tia i nia i to ratou teitei, e te mau raau atoa e inu i te pape ra: ua tuu-atoa-hia hoi te reira no te pohe, i te mau vahī haehaa i te fenua nei, i ropu atoa i te mau tamarii a te taata pohe noa nei, i te feia e reva i raro i te apoo ra.

15 Te na o maira te Fatu ra o Iehova; I te mahana i reva 'i oia i raro i hade ra, ua faaue au i te oto, ua tapo'i au i te moana ia'na, e ua tapea vau i te pape pue, e mau ihora te moana atoa ra: ua faaahu vau ia Lebanona i te ahū ereere ia'na, e ua oto atoa te mau raau atoa o te fenua nei ia'na. 16 Ua aueue te mau fenua ia'u i te haruru o to'na hi'araa, ia'u i tuu ia'na i raro i hade ra, e te feia atoa e pou i raro i te apoo: e te mau raau atoa i Edene, o tei haamaitahia e tei maitai i Lebanona, tei inu atoa i te pape ra, maitai a'era i te vahi haehaa i te fenua nei. 17 O ratou e oia atoa i te taeraa 'tu i raro i hade ra, i te feia i pohe i te 'o'e ra; e te feia tauturu ia'na i parahi i raro a'e i to'na mārū, o tei pohe atoa ia i roto i te mau fenua atoa ra. 18 E au oe ia vai i te nehenehe o te rahi i roto i te mau raau

atoa i Edene? e tuuhia maira oe i raro e te mau raau atoa i Edene, i te vahi haehaa i te fenua nei: ei roto i te feia peritome-ore-hia ra oe vai noa 'i, i te feia i pohe i te 'o'e ra. O to Pharao teie hopea, o te taata rahi atoa no'na ra, te na reira maira Iehova.

E otora ia Aiphiti i te pauraa i te 'o'e o Babulonia.

32 E TAE a'era hoi i te matahiti hoê ahuru e ma piti, i te ahuru ma piti hoi o te marama, e te mahana hoê i taua marama ra, i tae mai ai te parau a Iehova ia'u nei, na ô maira. 2 E te tamaiti a te taata na, a rave oe i te parau oto i te arii o Aiphiti ra ia Pharao, e na ô atu ia'na, E au oe i te liona i roto i te mau fenua nei, e mai te teni oe i raro i te tai ra: ua haapuahea oe i raro i to mau pape, e ua faatiarepu oe i te pape i to avae, e ua reru to ratou pape tahe ra. 3 Te na ô maira te Fatu ra o Iehova; E hohora vau i tau upe'a i nia ia ôe ra, i ropu i te amuiraa o te taata atoa e rave rahi; e na ratou oe e ume mai i nia i roto i tau upe'a ra. 4 E vaihiho vau ia oe i nia i te fenua; e huri au ia oe i nia i te vahi atea ra, e na'u e faatau i te mau manu atoa o te reva i nia ia oe, e faai i te mau puua o te fenua atoa nei ia oe. 5 E tun vau i to pera i nia i te mau mou'a, e faai hoi i te mau peho i to oe ra teitei. 6 E faarari au i te fenua pape haono no oe i to oe ra toto, e tae noa 'tu ia i nia i te mou'a, e i hoi te mau pape tahe ra ia oe. 7 E vehi au i te ra'i, ia tinai au ia oe ra, e te mau fetia ra e faaahuhia e au i te ahu ereere; e tapo'i atoa vau i te mahana i te ata, e ore hoi te marama e anaana mai. 8 E te mau mea anaana maramarama o te ra'i ra, e faaahu vau i te ahu ereere ia oe; e tuu hoi au i te pouri i nia i to fenua, te na reira maira te Fatu ra o Iehova. 9 E faato atu vau i te aau o te taata e rave rahi, ia aratai au i to mau titi i te mau fenua ra, i roto i te mau fenua aore i itea e oe ra. 10 E rave rahi te maere ia'u ia oe ra, e mātā'u riaria to ratou mau arii ia oe ra, ia faaitete au i tau 'o'e i mua ia ratou: e rurutaina hoi ratou e ore e faaca, te taata atoa hoi i te ora no'na iho, i te mahana e hi'a 'i oe ra.

11 Te na ô maira hoi te Fatu ra o Iehova, E tae mai te 'o'e a te arii o Babulonia i nia ia oe. 12 I te 'o'e a te feia puai e hi'a 'i to feia rahi ra ia'u, te feia riariahia e te mau fenua nei, ratou atoa ra: e rave ino hoi ratou i te teoteo o Aiphiti, e to'na atoa ra e rave rahi, e hope ia i te pohe. 13 E hope roa hoi ta'na mau puai i te pohe ia'u, i pihai iho i te pape rarahi ra; e ore ia e faareru-faahou-hia e te avae taata, e ore

hoi e faareru-faahou-hia e te avae puua. 14 E atea te ratou pape ia'u i reira, e mai te mono'i ra ta ratou pape ia faatahe au ra i reira, te na reira maira te Fatu ra o Iehova; 15 Ia faano atu vau i te fenua ra ia Aiphiti, e aore roa a'era te mau mea atoa i roto ra; ia hope roa tei parahi i reira i te tairihia e au; e ite hoi ratou e, o Iehova vau. 16 Teie to ratou otora ia oto ratou, na te mau tamahine o te mau fenua e parau ia Aiphiti, e to'na atoa ra mau taata e rave rahi, ia mihi ratou, te na reira maira te Fatu ra o Iehova.

17 E tae a'era i te matahiti hoê ahuru e ma piti, e te mahana hoê ahuru e ma pae i taua marama ra, i tae mai ai te parau a Iehova ia'u nei, na ô maira. 18 E te tamaiti a te taata na, a oto i te taata atoa o Aiphiti e rave rahi, a huri atu ai ia ratou i raro, e ia'na atoa ra, e te mau tamahine o te mau fenua tuiroo ra, i te vahi haehaa i te fenua nei, e te feia atoa e reva i raro i te apoo ra, ma te na ô e.

19 Ua huru é roa 'tu ia vai i te nehehehe? a pou mai na i raro e ia faatihaha-atoa-hia oe e te feia peritome-ore-hia. 20 E hi'a atoa ratou i roto i te feia i pohe i te tairi i te 'o'e ra: ua tuuhia 'tu oia no te 'o'e: a arato é atu ia'na e to'na feia rahi atoa ra. 21 O tei itoitoi i taua feia puai ra te parau atu ia'na, e to'na mau tauturu atoa i rotopy i hade ra; te feia i reva i raro ra, e te vai peritome-ore-hia ra, i roto i te feia atoa i pohe i te 'o'e ra.

22 Tei-reira Asura e to'na atoa ra pupū: te haati ra to ratou mau tanuraa ia'na: e feia taparahihia, i hi'a i te 'o'e ra: 23 o tei tuuhia to ratou tanuraa i te hiti o te apoo ra, e to'na atoa ra tei te hiti o tana tanuraa e ati noa 'e: e feia taparahi-ana'e-hia, i hi'a i te 'o'e ra, o tei faatupu i te mātā'u ia ratou i roto i te feia e ora nei.

24 Tei reira Elama e te feia rarahi atoa no'na ra; i te haaatiraa i to'na ra tanuraa; e feia taparahi-ana'e-hia, i hi'a i te 'o'e ra, o tei reva i raro mai te peritome-ore-hia i te vahi haehaa i te fenua nei, o tei faatupu i te mātā'u ia ratou i ô te feia e ora nei; ua hopoi rā ratou i to ratou haama, e te feia atoa e reva i raro i te apoo ra; 25 ua tuuhia ratou i roto i te feia taparahihia ra, tei roto i to ratou atoa ra, to'na roi; e ua haati to ratou mau tanuraa ia'na: e feia peritome-ore-ana'e-hia, i pohe i te 'o'e: faatupu nō ratou i te mātā'u ia ratou i roto i te feia ora nei, ua hopoi rā ratou i to ratou haama e te feia atoa i reva i raro i te apoo ra: ua tuuhia ratou i roto i te feia pohe atoa ra.

26 Tei reira Meseka, Tubala, e to'na atoa ra e rave rahi: ua haati to ratou

tanraa ia'na: e feia peritome-ore-ana'e-hia, i tairihia e te 'o'e, faatupu noa i ratou i te mātā'u ia ratou i roto i te feia e ora nei. 27 Ua taoto ana'e ratou i raro e te feia mana atoa ra, to te peritome ore i hi'a ra, o tei reva i raro i te apoo ma ta ratou mauhaa tama'i atoa ra, e ua pae i to ratou mau upou i ta ratou mau 'o'e: e te vai ra te utua o ta ratou hara i nia ia ratou, mātā'u-noa-hia 'i ratou e te feia mana i te oraraa nei. 28 E e ofati-atoa-hia oe i roto i te feia peritome-ore-hia, e hoē ā taoto-atoca-ras e te feia i pohe i te 'o'e ra.

29 Tera hoi Edoma, to'na mau arii, e te pūpū arii atoa no'na, o tei tuu-atoca-hia ma to ratou puai, e te feia i pohe i te 'o'e ra: te taoto ana'e ra i raro ma te feia peritome ore ra, te feia i reva i raro i te apoo ra.

30 Tei reira te mau arii no te pae i apatoeraa ra, ratou atoa, e to Sidona atoa ra o tei reva i raro ma te feia i taparahihia ra, ma to ratou mātā'ursahia e ma te haama i to ratou puai; e te vai peritome-ore-hia ra, e te feia atoa i pohe i te 'o'e ra, e ua hopoi i to ratou haama mai te feia atoa i reva i raro i te apoo ra.

31 E ite atoa Pharao ia ratou, e maitai a'era, i te feia rahi no'na i pohe i te 'o'e ra; o Pharao e te nuu atoa no'na ra, te parau maira te Fatu ra o Iehova. 32 I faatupu noa vau i te mātā'u ia'na i te feia e ora nei, e tuuhia rā oia i roto atoa i te feia peritome-ore-hia, i te feia i pohe i te 'o'e ra, oia Pharao e te taata atoa no'na ra, te parau maira te Fatu ra o Iehova.

Te a'ohia nei te tiai ra o Ezekielā ia haapao māiū ra.

33 TAE fashou maira te parau a Iehova ia'u nei, na ō maira, 2 E te tamaiti a te taata na, e parau atu i te mau tamarii a to mau taata na, e na ō atu ia ratou, Ia hopoi mai au i te 'o'e i nia: i te fenua ra, e ua rave a'era to te fenua i te tahi taata no roto i to ratou ra otia, e ua faatua ihora ia'na ei tiai ia ratou; 3 e te ite ra oia i te 'o'e i te haarea mai i nia i taua fenua ra, e ua faato ihora i te pu, ei a'o i taua mau taata ra, 4 o tei ite i te otoraā i taua pu ra e aore i ara; e ua tae maira to 'o'e e riro atura oia, ei nia to'na toto i to'na iho upoo: 5 ua ite oia i te otoraā o te pu ra, e aore a'era oia i ara; ei nia ia'na iho to'na toto: o tei ara rā, e ora ia oia iho. 6 Ia hi'o rā te tiai i te 'o'e i te haarea mai, e aore i faato i te pu ra, e aore i faarahia taua mau taata ra; e ua tae maira hoi taua 'o'e ra e riro atura te hoē taata no roto ia ratou; no ta'na iho hara oia i riro ai; e titau

rā vau i te hoo i to'na toto i te rima o te tiai ra.

7 O oe hoi, e te tamaiti a te taata na, o oe tei haapachia e au ei tiai i te utua-fare o Iseraēla; e tena na, e faaroo mai oe i te parau i to'u nei vaha, a na ō nei atu ai i te a'o ia ratou. 8 Ua parau ana'e au i te taata parau ino e, E tera ra taata parau ino ra, e pohe mau ā oe; e aore a'era oe i parau atu ei a'o ia'na i ta'na ra parau ino; e pohe ā taua taata parau ino ra i ta'na ihora parau ino; e titau mairā vau i te hoo i to'na toto i to oe ra rima. 9 Ia a'o rā oe i taua taata parau ino ra, ia faarue oia i taua ino ra, e aore oia i fariu mai i taua parau na'na ra, e pohe oia i ta'na iho hara; ua ora rā oe ia oe iho.

10 E o oe atoa, e te tamaiti a te taata na, e parau atu i te utua-fare o Iseraēla; Te parau na outou, te na ō nei, Te vai nei ta matou mau hara, e ta matou nei mau parau ino i nia ia matou nei, e ua roohia matou i te ino i te reira, eaha ihora hoi matou e ora 'i? 11 E parau atu ia ratou, Te na ō maira te Fatu ra o Iehova, Te ora nei au ra, aore roa o'u e mauruuruā i te pohe o te taata ino ra; ia fariu mairā te taata i ta'na parau ino ia ora: e fariu mai outou, e fariu mai outou, i ta outou mau parau ino ra; eaha hoi outou i hinaaro ai i te pohe, e te utua-fare o Iseraēla e?

12 E parau atoa 'tu oc, e te tamaiti a te taata na, i te mau tamarii a to mau taata na, E ore te taata parau-tia e ora i ta'na ra parau-tia i te mahana e hara 'i oia ra: e te parau ino hoi a te taata parau ino ra, e ore oia e hi'a i te reira i te mahana e fariu mai ai cia i te parau ino na'na ra; e ore atoa e ora te taata parau-tia i te mahana o hara 'i oia i ta'na ra parau-tia. 13 Ia parau vau i te taata parau-tia ra, E ora mau oia; e ua tiaturi ihora oia i ta'na iho parau-tia, e ua rave hoi i te parau ino, e ore e mana'ohia te mau parau-tia atoa na'na ra, no ta'na ra parau ino ta'na i rave ra, e pohe oia i te reira. 14 E mai reira hoi, ia parau atu vau i te taata parau ino ra, E pohe mau ā oe na; e ua fariu mai oia i ta'na parau ino, e ua rave i te mea au e te mea tia ra; 15 e ua fasho'i maira taua taata parau ino ra i te mauban, e ua hopoi mai i ta'na i haru ra, o ua haapao i te parau ora ra, e aore i rave i te ino ra: e ora mau ā oia, e ore ia e pohe. 16 Te mau hara atoa ta'na i rave ra, e ore ia e mana'o-fashou-hia oia hara na'na; ua rave oia i te mea au e te parau-tia: e ora mau ā oia ra. 17 E te parau ra te mau tamarii a to mau taata, Aore te parau a Iehova i au: aore ratou, ta ratou te parau aore i au. 18 Ia fariu ā te taata parau-tia i ta'na ra parau-tia, e ua rave ihora i te ino, e

pohe ia oia i te reira. 19 E ia fariu mai te taata parau ino i ta'na ra parau ino, e ua rave i te mea au e te parau-tia, e ora ia oia i te reira. 20 E te parau na outou e, Aore te parau a Iehova i au. E te utufare o Iseraela, e faautua' tu vau ia outou atoa ra i ta'na ihora parau i rave ra.

21 E tae a'era i te matahiti hoê ahuru ma piti i to tatou tífiraa ra, e te ahuru hoi o te marama e te pae hoi o te mahana i taua marama ra, te haere maira te hoê taata i ora mai roto mai i Ierusalem ia'u nei, na ô maira, Ua tairihia taua oire ra. 22 Tei nia maira te rima o Iehova ia'u nei i te ahiahi a'e, hou i haere mai ai taua taata i ora maira; e ua iriti oia i tau vaha, e tae noa maira oia ia'u nei i te poipoi; ua iritihia hoi tau vaha, e aore atura vau i vava.

23 E ua tae maira hoi te parau a Iehova ia'u nei, na ô maira, 24 E te tamaiti a te taata na, te feia i parahi i tera ra mau vahii pau i te fenua o Iseraela ra, te na ô nei ratou, te parau nei, Hoê hoi Aberahama, e tei ia'na taua fenua nei; e feia rahi râ tatou; ei tufaa hoi no tatou taua fenua nei. 25 E teie nei, e parau atu ia ratou, Te na ô maira te Fatu ra o Iehova; Te amu ra outou ma te toto, e te nânâ nei i to outou mau mata i to outou mau idolo, e te manii ra te toto ia outou: e riro anei hoi te fenua ia outou? 26 Te tia noa ra outou ma te 'o'e, te rave na outou i te parau faufau, e te rave ana'e ra outou i ta vetahi ê ra vahine: e riro anei hoi te fenua ia outou? 27 E na ô atu oe ia ratou, Te na ô maira te Fatu ra o Iehova; Te ora nei au ra, te feia i roto i taua mau fenua pau ra, e hi'a ia i te 'o'e, e tei te vahii atea ra, e horoa ia vau na te mau taehae ia pau; e tei roto i te pare etaeta ra, e i roto i te mau ana ra, e pohe i te ma'i pohe ra, 28 E faaano atu vau i to nei fenua e ei maereraa, e to'na etaeta teoteo ra, e faaorehia ia: e faaanohia te mau mou'a o Iseraela, e aore roa e taata e haere na nia iho. 29 E i reira ratou e ite ai e, o vau o Iehova, ia faaano vau i te fenua nei e ei maereraa, no ta ratou mau parau faufau i ravehia e ratou ra.

30 E o oe hoi, e te tamaiti a te taata na, te ohumu noa ra te mau tamarii a to mau taata ra ia oe, i te pae paruru ra e te mau uputa fare, te parau ra ratou ratou iho, e te taata atoa i to'na iho taata-tupu, i te na ôraa e, Haere mai, o outou na, e faaroo i te parau no ô mai ia Iehova ra. 31 E te haere maira ratou ia oe mai tau mau taata i haere maira, e te parahi ra ratou i mua ia oe ra mai tau mau taata atoa ra, e te faaroo ra ratou i to parau, e ore râ ratou e rave: te rahi ra to ratou aroha vaha, te

reva 'tura râ to ratou au i ta ratou tao'a. 32 E, inaha, na riro oe mai te pehe hinaaro-rahi-hia no ratou ra, e mai te taata re'o maitai ra, mai te mea i faato-atoa-hia ra: te faaroo ra hoi ratou i to re'o, e ore râ ratou e rave, 33 Ia tupu râ te reira ra, (e inaha, te fatata maira,) ei reira ratou e ite ai e, e peropheta tei tae mai i roto ia ratou ra.

Te a'ohia nei te mau tiai mamoe rave ino ra e te Atua.

34 UA tae maira te parau a Iehova ia'u nei, na ô maira, 2 E te tamaiti a te taata na, e tohu oe i te mau tiai ia Iseraela, a tohu, e parau atu ia ratou, Te na ô maira te Fatu ra o Iehova i te mau tiai; E pohe to te mau tiai ia Iseraela tei faaamu ia ratou iho! eiaha te mau tiai ia faaamu i te nânâ? 3 Te amu ra outou i te me'i, e te faaahu nei ia outou iho i te huruhuru e te tiapai nei i tei poria ra: aore râ outou i faaamu i te nânâ. 4 O tei parupuru ra aore outou i faaetaeta, e tei ma'ihia ra aore outou i faaora, e tei fati aore outou i taamu, e tei haapurahia ra, aore outou i faaho'i mai, aore hoi outou i imi i tei moe ra; ua faahepo râ outou ia ratou ma te aroha ore e te hamani ino. 5 I purara hoi ratou, no te mea aore e tiai: e ua riro ratou ei maa na te mau taehae a te aru ra, a purara 'i ratou ra. 6 Ua haere noa te nânâ na'na na nia i te mau mou'a atoa ra, e i nia atoa i te mau aivi teitei ra: ua purara hoi tau nânâ na nia i te fenua atoa ra, e aore roa e imi ia ratou.

7 E teie nei, e te mau tiai, e faaroo mai outou i te parau a Iehova; 8 Te na ô maira te Fatu ra o Iehova, Te ora nei au ra, no te mea ua riro tau nânâ ei maa, e ua riro tau nânâ ei amuraa na te mau taehae atoa e te aru ra, e aore e tiai, aore hoi tau mau tiai i imi i tau nânâ, ua faaamu râ te mau tiai ia ratou iho, e aore i faaamu i tau nânâ; 9 e teie nei, e te mau tiai, e faaroo mai i te parau na Iehova; 10 Te na ô maira te Fatu ra o Iehova, Inaha, e ore au e faatia i te mau tiai; e titau vau i tau nânâ i to ratou rima, a faaore hoi au i ta ratou faaamuraa i ta'u nei nânâ; e ore hoi te feia tiai e faaamu faahou ia ratou iho; e faaora hoi au i tau nânâ i to ratou vaha, e eiaha ia riro ei maa na ratou.

11 Te na ô maira hoi te Fatu ra o Iehova, Inaha, na'u, na'u iho nei e imi i tau mau mamoe, e ia itea 'tu ratou: 12 mai te tiai e imi i ta'na, nânâ, tei roto oia i ta'na nânâ ia purara ê ra; e na reira atoa vau i te imi i ta'u nânâ, e ua faaora ia ratou i te mau vahii atoa i purara 'i ratou i te mahana i mārūmārū i te ata e te pouri. 13 E aratai mai au

ia ratou i rapae au mai i te mau taata ra, e haaputu mai au ia ratou mai te mau fenua mai: e aratai mai au ia ratou i to ratou ihora fenua mau, a faaamu ai ia ratou i nia i te mau mou'a o Iseraela, e te hiti o te mau pape ra, e te parahira ato o te fenua nei. 14 E faaamu vau ia ratou i te amuraa maitai ra, e ei nia i te mau mou'a teitei o Iseraela ta ratou aua: ei reira ratou e taoto ai i te aua maitai ra, e ei roto i te amuraa e poria 'i ratou a amu ai i nia i te mau mou'a o Iseraela ra. 15 Na'u e faaamu i tau nānā, e ua faataoto ia ratou i raro, te na reira maira te Fatu ra o Iehova. 16 Na'u e imi i tei moe ra, e ua faaho'i mai i tei purara ē, e ua taamu hoi i tei fati ra, e na'u e faaetaeta i tei ma'ihia ra; e na'u e tairi i tei poria e tei etaeta; e ua faaamu hoi au ia ratou ma te parau au ra.

17 Area outou, e tau nānā, te na ô maira te Fatu ra o Iehova; Inaha, na'u e hi'o i te puaa, i te tahi e te tahi, e te mamoe oni e te puaniho oni ra. 18 E mea iti anei ia outou, ua amu ihora hoi outou i te maa maitai ra e oti a'era; ua taataahi ihora hoi to outou avae i te toe i taua maa na outou ra? e aore hoi outou i inu i te pape ateate ana'e ra; ua faaruru rā outou i te toe i to outou avae? 19 E tau nānā nei, te amu nei ratou i ta outou i taataahi i to outou avae; e tei faaruruhia e to outou avae ta ratou e inu nei.

20 E teie nei, te na ô maira te Fatu ra o Iehova ia ratou; Inaha, o vau, o vau nei ā, te hi'o i te puaa poria e te puaa tiahahe. 21 No te mea te tute nei to outou aore e to outou humaha, e ua tute i tei ma'ihia ra i to outou tara, e purara ē atu ratou ia outou: 22 e teie nei, e faaora vau i tau nānā e ore hoi ia e pau faahou; e na'u e hi'o i te puaa, i te tahi e te tahi. 23 E na'u e tuu i te tiai hoē i mā ia ratou, e na'na ratou e faaamu, o tau tavini nei o Davida; na'na ratou e faaamu, e oia to ratou tiai. 24 O vau hoi o to ratou Atua o Iehova, e tau tavini o Davida, ei arii ia i roto ia ratou; o vau teie o Iehova e parau nei. 25 E fafau vau i te faufaa hau ia ratou, e na'u e faaore i te puaa taehae i nia i te fenua nei: e parahi noa hoi ratou ma te ora i te medebara; e taoto hoi i roto i te ururaa: 26 e faariro vau ia ratou, e te mau vahī i pihai iho i to'u nei mou'a e ati noa 'e, ei maitai; e na'u e haamairi i te tuā ūa i to'na tau; ei tuā ūa faatupu ia. 27 E hotu te mau raau o te ô ra i ta ratou maa, e tupu hoi to nia i te fenua ra; e parahi hoi ratou ma te ora i to ratou ra fenua, e ite hoi e, o vau o Iehova, ia ofatihia e au te tapea ra i to ratou zugo, e ia faaorahia ratou e au i te rima o te

feia i titau mai ia ratou ei tavini. 28 E ore atura ratou e riro ei tao'a pau no te mau fenua, e ore hoi ratou e pau i te taehae o te fenua ra; e parahi rā ratou ma te panoonoo ore, e aore roa e haamāta'uta'u ia ratou. 29 E na'u e faatupu i te tahi ohi paroo na ratou, e ore hoi ratou e pohe faahou i te poia i taua fenua ra, e ore hoi e faaoromai faahou i te faaino o te mau fenua ra. 30 E ite ia ratou i reira e, o vau to ratou Atua ra o Iehova, tei pihai iho ia ratou, e o ratou to'u taata, te utuafare o Iseraela, te na reira maira te Fatu ra o Iehova. 31 O outou hoi tau nānā, te nānā o ta'u nei aua, e taata outou, e o vau hoi to outou Atua ra o Iehova, te na reira maira te Fatu ra o Iehova.

Te tahoohia nei Edoma i to ratou au ore i te ati Iseraela.

35 UA tae faahou maira te parau a Iehova ia'u nei, na ô maira, 2 E te tamaiti a te taata na, e fariu i to mata i nia i te mou'a ra ia Seira, e tohu atu i te reira. 3 e na ô atu i te reira, Te na ô maira te Fatu ra o Iehova; Inaha, e ore au e faatia ia oe, e te mou'a ra e Seira, e na'u e faatoro atu i tau rima ia oe ra, e faariro vau ia oe ei fenua pau e ei maereraa. 4 E pau to mau oire ia'u, e riro oe i te ano; e ite hoi oe e, o Iehova vau. 5 No te mea ua haaputu oe i te riri tuātau, e ua manii te toto o te tamarii o Iseraela ia oe i te 'o'e, i to ratou mahana i ati ai ra, e te taime i faautuahia 'i ta ratou hara; 6 e teie nei, te na ô maira te Fatu ra o Iehova, Te ora nei au ra, ei toto ta'u e hopoi atu ia oe ra, e ei toto te tapapa ia oe: o oe aore i riarā i te toto ra, e teie nei, ei toto te tapapa ia oe. 7 E na reira vau i te faariro i te mou'a ra o Seira ei vahi ano e ei maereraa, e na'u e faaore i tei haere i rapae e tei ho'i mai. 8 E na'u e faaii i to'na mau mou'a ra i te feia pohe ana'e no'na ra: area i to mau aivi e to mau peho, e to mau pape rii tahe ra, na tei taparahihia i te 'o'e ra e hi'a i reira. 9 E faariro vau ia oe ei fenua ano tamau, e ore hoi te mau oire e taatahia: e ite hoi outou e, o Iehova vau. 10 No te mea ua parau oe, Na'u eie pue fenua e piti e o eie nei pue matacinaa e piti, e na tatou e parahi: e inaha tei reira Iehova: 11 e teie nei, te na ô maira te Fatu ra o Iehova, Te ora nei au, e rave au i tei au i to riri, e ta oe ra hoi feii i faatupu no to tairoiroa ia ratou; e faaite hoi au ia'u iho ia ratou, ia faautua 'tu vau ia oe ra. 12 E ite hoi oe e, o vau o Iehova, ua faaroro vau i ta oe ra mau parau faaino ta oe i parau i te mau mou'a o Iseraela, i te na ôraa e, Ua faaonohia te reira, ua ho-mai-hia mai no tatou ia

pau. 13 O to outou ia faaahaaha ia'u, e ua rahi hoi ta outou parau ia'u nei: o vau tei faaroo, *te parau maira te Fatu*. 14 Te na ô maira te Fatu ra o Iehova; Ia oaoa te fenua atoa ra, e imi ai au i to oe pau. 15 Mai ia oe i oaoa i te tufaraa i te utufare o Iseraela na, no te mea ua pau, e na reira atoa vau ia oe: e pau atoa oe, e te mou'a ra, e Seira, e o Edoma atoa, e hope roa "e; e ite hoi ratou e, o vau o Iehova.

Te fenua o Iseraela hqamaururuhia i te parau maitai.

36 E O oe hoi, e te tamaiti a te taata na, e tohu atoa oe i te mau mou'a o Iseraela, e na ô atu, E te mau mou'a o Iseraela, e faaroo mai i te parau a Iehova. 2 Te na ô maira te Fatu ra o Iehova, No te mea ua parau te enemi ia outou e, Aitua, tei ia tatou atoa te mau vahie teitei tahito ra: 3 e teie nei, e tohu oe, e na ô atu, Te na ô maira te Fatu ra o Iehova; No te mea ua ano, e ua pau outou i te horomihihia e ati noa "e, ia riro outou ei tao'a no te toea o te mau fenua nei, e ua taua-parau-hia outou e te feia vavi noa nei, e ua faainohia e te taata nei; 4 e teie nei, e te mau mou'a o Iseraela nei, e faaroo mai i te parau a te Fatu ra a Iehova; Te na ô maira te Fatu ra o Iehova i te mau mou'a e te mau aivi, i te pape rii tahe, e te mau peho, e te mau vahie pau, e te mau oire faaruehia ra, tei riro ei tao'a pau, e ei tãhitoras no te toea rii o te mau fenua e ati noa "e; 5 e teie nei, te na ô maira te Fatu ra o Iehova; Ua parau vau i te toea rii o te mau fenua nei ma te u'ana o tau riri nei, e ia Edoma atoa nei, o tei tapao i tau fenua nei no ratou iho ei parahira, ma te oaoa atoa o to ratou aau, e ma te sau tahoo, ia faarue-roa-hia mai ei tao'a pau. 6 E teie nei, e ohu i te fenua ra ia Iseraela, e parau atu i te mau mou'a, e te mau aivi, i te mau pape rii tahe ra, e te mau peho, Te na ô maira te Fatu ra o Iehova; Inaha, ua parau vau ma tau riri hae e te riri tahoo, no te mea, ua iri mai te faaino o te mau fenua ra i nia ia outou: 7 e teie nei, te na ô maira te Fatu ra o Iehova; Ua tãpũ vau i te na ôraa e, E riro atoa i te iri atoa mai te faaino i nia i te mau fenua e haati mai ia outou na.

8 Area outou, e te mau mou'a o Iseraela, e toro to outou amaa, e hotu hoi outou i ta outou maa na tau mau taata na Iseraela, o tei fatata i te ho'i mai. 9 Inaha hoi, ua faatia 'tu vau ia outou, e fariu atu hoi au ia outou, e faaupuhia outou, e e uenehia *te luero*: 10 e na'u o faarahi i te taata ia outou, i te utufare atoa o Iseraela, e hope roa "e: e

taatahia te mau oire, e te mau vahie pau, e patuhia ia: 11 e faarahi hoi au i te taata e te puaa ia outou; e tupu hoi ratou e e fanau: e taatahia outou ia'u mai to outou huru tahito ra, e e rahi to'u hamani maitai ia outou i teie nei i tei to outou matamuaraa ra: e ite hoi outou e, o Iehova vau. 12 Ei taata rã ta'u e tuu ia na nia noa na ia outou i te haere, i to'u ra taata ia Iseraela; e riro outou ia ratou, e ei tufaa outou no ratou, e ore outou e fãaere faahou ia ratou i te taata. 13 Te na ô maira te Fatu ra o Iehova; No te mea te parau nei ratou ia outou, O oe, e tera ra *fenua* e pau ai te taata, e ua faaore oe i to nunaa; 14 e teie nei, e ore e pau faahou te taata ia oe, e ore hoi oe e faaore faahou i to nunaa, te na reira maira te Fatu ra o Iehova. 15 E ore hoi te taata e faaroo faahou i roto ia oe ra i te faaino a te mau fenua nei ia'u, e ore hoi te tãhito-hito a te taata nei e iri faahou i nia ia oe ra, e ore hoi oe e faaore faahou i to oe ra nunaa, te na reira maira te Fatu ra o Iehova.

16 Ua tae maira hoi te parau a Iehova ia'u nei, na ô maira, 17 E te tamaiti a te taata na, i te parahira te utufare o Iseraela i to ratou ihora fenua, ua haaviivii ratou i taua fenua ra i ta ratou parau e ta ratou i rave ra: e au to ratou haerea i mua ia'u ra i te viivii o te vahine i tuua-ô-hia ra. 18 I niniu atu ai au i tau riri i nia ia ratou, i te toto i manii ia ratou i nia i te fenua nei, e no te mea ua haaviiviihia e ratou i to ratou mau idolo: 19 e ua haapurara vau ia ratou i roto i te mau fenua ra, e puehu atura ratou i te mau matacinaa ra: ua faautua 'tu hoi au ia ratou i ta ratou haerea e ta ratou parau. 20 E tae atura ratou i te mau fenua i haerehia e ratou ra, ua haaviivii ratou i tau i'oa mo'a i reira, i te parauraahia mai ratou e, O te mau taata teie na Iehova, e ua haere ô mai ratou i to'na fenua.

21 Ua aroha rã vau ia ratou no to'u nei i'oa mo'a, ta te utufare o Iseraela i haaviivii i roto i te mau vahie haerehia e ratou ra. 22 E teie nei, e parau atu i te utufare o Iseraela, Te na ô maira te Fatu ra o Iehova; E ere no outou i na reira 'i au, e te utufare o Iseraela, no to'u nei rã i'oa mo'a, i tei haaviiviihia e outou i te mau fenua i haerehia e outou na: 23 e haamaitai hoi au i tau i'oa rahi, i haaviiviihia i te mau fenua ra, ta outou i haaviivii i roto ia ratou ra; e ite hoi te mau fenua e, o Iehova vau, te na reira maira te Fatu ra o Iehova, ia haamaitaihia vau e outou i mua i to ratou mata. 24 E rave hoi au ia outou i roto i te mau fenua na, o haaputupu vau ia outou mai roto mai i te mau

mataeinaa atoa ra; e aratai mai hoi ia outou i to outou ihora fenua.

25 Ei reira vau e pipi ai i te pape ateate i nia ia outou, e mā a'era outou i to outou mau viivii atoa ra, e mā outou ia'u i to outou mau idolo atoa ra. 26 Ei aau api ta'u e ho-atu ia outou na, e varua api ta'u e tuu i roto ia outou: e na'u e iriti i te aau ofai i roto ia outou na, e na'u e horoa i te aau mārū. 27 E na'u e tuu i tau varua i roto ia outou, ia haere outou na ta'u ra haapaoraa, e e haapao outou i ta'u ra faaauraa, e e rave. 28 E parahi hoi outou i te fenua ta'u i ho-atu no to outou mau metua; e ei taata outou no'u, e ei Atua hoi au no outou. 29 E na'u outou e faaora i to outou mau mea viivii atoa ra: e na'u e parau i te sitona, na'u e faarahi, e ore ua e hopoi atu i te o'e i nia ia outou. 30 E na'u e faarahi i te maa o te mau raau ra, e te maa o te fenua ia rahi, ia ore outou ia faainohia e te mau fenua i te o'e. 31 Ei reira outou e mana'o ai i ta outou parau ino, e ta outou i rave aore e imaitai ra; e faaino hoi outou ia outou iho i ta outou mau parau ino, e ta outou mau parau faufau ra. 32 E ere rā no outou i na reira 'i au nei, te na reira maira te Fatu ra o Iehova, ia ite mai hoi outou: ia haama hoi outou, e ia maheahea i ta outou mau parau, e te utuafare o Iseraela. 33 Te na ô maira te Fatu ra o Iehova; Ia tae i te mahana e tamā 'tu ai au ia outou i ta outou mau hara; e ia faataata i te mau oire, e ia patuhia te mau vahi pau. 34 E te fenua ano ia faaapuhia, o tei vai ano noa hoi i mua i te mata o te feia atoa i na reira i te haere. 35 Ei reira e parauhia 'i. O teie nei fenua i vai ano noa ra, ua riro ia mai te ô ra mai ia Edene; e te mau oire i pau e te ano e ua ino roa ra, ua auahia ia e ua taatahia. 36 Ei reira te mau fenua i toe i pihai iho ia outou e ati noa "e e ite ai e, na'u na Iehova i patu i te mau vahi pau, e ua tanu hoi i te fenua i ano ra; o vau o Iehova e parau nei, e na'u e rave. 37 Te na ô maira te Fatu ra o Iehova; E imihia ra vau e te utuafare o Iseraela, ia na reira vau ia ratou ra; e faarahi hoi au i te taata ia ratou mai te nānā ra. 38 Mai te nānā mo'a ra, mai te nānā i Ierusalemia i te mau oroa mo'a no'na ra; mai te reira te mau oire i pau i te ii i te nānā taata nei: e ite hoi ratou e, o Iehova vau.

Te orama ra o te mau ivi mārū, ei faaana-anaaea i te mana'o o Iseraela.

37 TEI nia maira te rima o Iehova ia'u; e ua hopoi Iehova ia'u i te hana o te varua ra, e ua tuu ihora ia'u i te hoē peho i i te ivi mārū, 2 e ua aratai oia ia'u na pihai iho e ati noa "e, e,

inaha, e rave rahi i roto i tana peho ra; e, inaha, e mārū rahi. 3 Ua na ô maira oia ia'u, E te tamaiti a te taata na, e ora anei teie nei mau ivi? Ua parau atura vau, E te Fatu ra, e Iehova, o oe hoi te ite. 4 Ua parau maira oia ia'u, A tohu i nia i teie nei mau ivi, a na ô atu ai ia ratou, E teie nei mau ivi mārū, e faaroo mai i te parau a Iehova. 5 Te na ô maira te Fatu ra o Iehova i teie nei mau ivi; Inaha, e tuu vau i te aho i roto ia outou, e e ora ia outou; 6 e na'u e tuu i te uaua i nia ia outou, e na'u e faatupu i te i'o i nia ia outou, e ua tapo'i hoi ia outou i te iri, e tuu hoi i te aho i roto ia outou, e e ora ia outou; e ite hoi outou e, o Iehova vau.

7 Ua tohu atura vau i tei faauehia mai au ra: e te tohu noa ra vau, o te haruru maira; e inaha, e auueeraa, e ua haafatata maira te mau ivi, te tahi ivi e to'na tiaatiraa. 8 E taua hi'o-noa-raa no'u ra, inaha, e uaua tei nia iho ia ratou, e ua tupu maira te i'o, e ua tapo'i maira te iri na nia iho: aita rā e aho o roto ia ratou. 9 Ua parau maira oia ia'u, E tohu oe i te aho, e tohu, e te tamaiti a te taata na, e parau atu oe i te aho ra, Te na ô maira te Fatu ra o Iehova; E haere mai, e te aho e, mai na mata'i mai e maha ra, e haapuai mai i nia i te feia i pohe nei ia ora ratou. 10 Ua tohu atura vau i ta'na i faaue mai ia'u ra, e ua haere maira te aho i roto ia ratou, e ua ora ihora ratou, e ua tia maira te avae i nia, e nuu rahi roa.

11 Ua parau maira oia ia'u, E te tamaiti a te taata nei, o teie nei mau ivi, o te utuafare atoa ia o Iseraela: te na ô nei ratou, Inaha, ua mārū to matou mau ivi, e aore o matou e tiaturiraa; area o tatou nei, ua tãpũ-ê-hia ia. 12 E teie nei, e tohu oe, e na ô atu ia ratou, Te na ô maira te Fatu ra o Iehova; Inaha, e au mau taata e, e huai au i to outou mau tanuraa, e ua aratai mai ia outou mai raro mai i to outou mau apoo ra, e ua aratai au ia outou i te fenua o Iseraela. 13 E ite hoi outou e, o Iehova vau, ia hehevu vau i to outou mau apoo, e au mau taata, e ia aratai mai ia outou mai raro mai i to outou mau apoo, 14 e na'u e tuu i tau aho i roto ia outou, e e ora ia outou: e na'u e haamau ia outou i to outou iho fenua: ei reira outou e ite ai e, na'u na Iehova i parau, e na'u hoi i rave, te parau maira Iehova.

15 Ua tae maira hoi te parau a Iehova ia'u nei, na ô maira, 16 E rave ā hoi oe, e te tamaiti a te taata na, i te hoē raau, a papai ai i nia iho, Na Iuda e na te tamarii a Iseraela, o to'na ra mau hoa: e mai reira hoi, a rave ai i te tahi raau, a papai ai i nia iho, No Iosepha, te raau na Epheraima, e te utua-

fare atoa o Iseraela, o to'na ra mau hoa : 17 a taati atu ai i te tahi i te tahi ia hoê â raau ; e ia riro ei hoê i roto i to rima na.

18 E ia parau mai te mau tamarii ra o to oe mau taata ia oe, ia na ô mai e, Eita oe e faaite mai ia matou i ta oe parau i tena na pue raau? 19 E parau atu oe ia ratou, Te na ô maira te Fatu ra o Iehova ; Inaha, e rave au i te raau a Iosepha, i roto i te rima o Epheraima, e na opu o Iseraela i to'na mau, hoa, a tuu atoa 'tu ai i reira, i te raau a Iuda, a faairi ai ei raau hoê, e riro hoi ei hoê i to'u nei rima.

20 E taua na raau i papaihia e oe i nia ihora, ei roto ia i to rima i mua i to ratou mata. 21 A parau atu ai ia ratou, Te na ô maira te Fatu ra o Iehova : Inaha, e rave mai au i te tamarii a Iseraela mai roto mai i te mau fenua i reva 'tu ai ratou, e na'u ratou e haaputu mai i te mau vahî atoa ra e ua aratai ia ratou i to ratou ihora fenua. 22 E na'u e faairi ia ratou ei nunaa hoê i nia i te fenua nei, i nia i te mau mou'a i Iseraela nei ; e hoê hoi arii ei arii no ratou atoa ra : e ore e riro ei nunaa piti, e ore hoi e veve-faahou-hia ia piti basileia : 23 e ore ratou e haaviivii faahou ia ratou i te mau idolo, e ta ratou mau parau faufau, e ta ratou mau hara atoa ra ; na'u râ e faaora ia ratou i to ratou ho'iraa i muri, i hara 'i ratou ra, e na'u e tamâ ia ratou ; e ei taata ratou no'u, e ei Atua hoi au no ratou. 24 E o tau tavini o Davida, ei arii ia i nia ia ratou : e hoê hoi o ratou tiai : e haapao hoi ratou i ta'u ra faaauraa, e ta'u ra haapaora, e na ratou e rave. 25 E parahi hoi ratou i te fenua i horoahia e au no tau tavini no Iakoba, tei parahiha e to outou mau metua ra ; e parahi ratou i reira, o ratou e to ratou mau tamarii, e te tamarii atoa o to ratou ra tamarii e a muri noa 'tu : e tau tavini o Davida, o to ratou ia arii e a muri noa 'tu. 26 E fafau hoi au i te tahi faufaa hau no ratou ; ei faufaa mure ore ia ia ratou : e na'u ratou e faanoho, e na'u ratou e faarahi, e tuu hoi i tau vahî mo'a i roto ia ratou e a muri noa 'tu. 27 Ei ô ratou hoi tau sekene : e ei Atua vau no ratou, e ei taata ratou no'u. 28 E ite hoi te mau fenua e, na'u, na Iehova e haamaitai ia Iseraela, ia vai maite tau vahî mo'a i rotopu ia ratou e a muri noa 'tu.

Te nuu e te riri o Goga, e te tahoo a te Atua ia'na ra.

38 UA tae maira hoi te parau a Iehova ia'u nei, na ô maira, 2 E te tamaiti a te taata na, e fariu i to mata ia Goga i te fenua o Magoga, i te arii o Rosa, Meseka, e Tubala, a tohu atu ai ia'na, 3 A na ô atu ai, Te na ô

maira te Fatu ra o Iehova ; Inaha, e ore au e faatia ia oe, e Goga e, e te arii o Rosa, Meseka, e Tubala ra : 4 e faaho'i au ia oe i muri, e oomo vau i te mâtou i roto i to taa na ; a faaho'i mai ai ia oe, e te nuu atoa na oe ra, i te puahorofenua, e te mau taata i parahi i nia iho, ma te ahu faahaaha ana'e i te ahuraa, e feia rahi atoa ma te paruru e te megena, e ma te 'o'e ana'e te mauhaa : 5 Perezia, e Kusa, e Phuta atoa ra ; ma te megena ana'e e te taupoo ; 6 o Gomera e to'na atoa ra mau pûpû : te utufare o Togarama no te pae i apatoerau ra, e to'na atoa ra mau pûpû : o oe e te taata atoa e rave rahi. 7 A faaineine, e faaineine ia oe iho, o oe, e to oe atoa ra feia i putuputu mai ia oe ra ; e na oe e faaitoitoe ia ratou. 8 E mahemo a'era na mahana atoa e rave rahi, e roohia mai ai oe i te ino : ia tae i te mau mahana hopea ra e haere mai ai oe i te fenua i faaho'ihia mai mai te 'o'e, mai ra, e i haaputuhia mai mai roto i te taata atoa e rave rahi, i te mau mou'a o Iseraela nei, i vai ano noa na : e faaho'ihia maira te mau taata mai roto i te taata atoa, a parahi ai ratou atoa ra ma te ora. 9 Mai te vero ra oe ia haere i nia, e mai te ata e moe ai te fenua ra, o oe, e to oe atoa ra mau pûpû, e te taata atoa e rave rahi i te amui atoa ia oe ra.

10 Te na ô maira te Fatu ra o Iehova ; E riro hoê â tupuraa te mau parau i roto i te aau, e riro hoi oe i te mana'o i te mea ino : 11 e na oe e parau e, E haere au i te fenua oire rii aus-ore-hia ra ; e haere au i te feia parahi hau noa ra, o tei parahi ma te ora, o tei parahi ma te patu ore, aore e te'a e aore e opani, 12 ia noaa te tao'a pau, ia tufa i te tao'a ; e ia fariu i to rima i te mau vahî ano ia taatahia ra, e te mau taata i haaputuhia mai mai roto i te mau fenua ra, ma te puua e te tao'a atoa i te noaaraa, e te parahiraa i ropu i te fenua ra. 13 O Seba, e o Dedana, e te feia i hoo i Taresisa, e te mau liona api atoa i reira, o te parau mai ia ia oe, I haere mai oe e rave i te tao'a? ua haaputupu oe i to mau taata ei tufa i te tao'a pau? ei hopoi i te ario e te auro, ei puto puua e ei faahoro tauhaa, ei tufa i te tao'a rahi?

14 E tena na, e te tamaiti a te taata na, a tolu, e parau atu ia Goga, Te na ô maira te Fatu ra o Iehova ; Ia tae i taua mahana ra ia parahi tau mau taata ra o Iseraela ma te mana'ona'o ore, e ore anei oe e ite? 15 E ua haere mai mai to oe ra vahî, mai te pae i apatoerau, o oe e te taata atoa i te haere-atoa-raa mai, ma te parahi ana'e i nia i te puahorofenua, e feia rahi, e nuu puai : 16 e tae mai hoi oe e rave i

tau mau taata ra o Iseraela, mai te ata ra e moe ai te fenua ra; e riro i te tau hopea ra, e aratai mai au ia oe ei rave i tau fenua, ia ite te mau fenua ia'u, ia haamaitahia mai au ia oe ra, e Goga, i mua i to ratou mata.

17 Te na ô maira te Fatu ra o Iehova; E ere anei oe tei parauhia e au i tahito ra, i te vaha o tau mau tavini i te mau peropheta i Iseraela nei, o tei tohu i taua anotau ra i taua mau matahiti ra, e e aratai mai au ia oe ei rave ia ratou? 18 E riro hoi ia tae i taua mahana ra ia tii mai Goga e rave i te fenua ra ia Iseraela, te na reira maira te Fatu ra o Iehova, e tupu ai tau riri tahoo i to'u nei mata. 19 Ua parau hoi au ma te u'ana o tau riri, e to'u nei lae. E aueue rahi mau tei te fenua ra ia Iseraela ia tae i taua mahana ra. 20 E aueue atoa te mau i'a o te tai, e te mau manu o te reva, e te mau puua o te aru, e te mau mea rii e nee i nia i te fenua nei, e te mau taata atoa i nia i te fenua nei, i mua i tau aru; e hurihia te mau mou'a i raro, e te mau vahi teitei, e mairi ia, e te mau patu e marua ia i raro i te repo. 21 E na'u e parau i te 'o'e ei rave ia'na e ati noa "e tau mau mou'a atoa nei, te parau maira te Fatu ra o Iehova; e te mau 'o'e atoa a te taata atoa nei, ei rave ana'e ia i to'na iho taeae. 22 I te ma'i pobe e te toto ta'u parau ia parau atu ia'na ra; e ma te ua rahi, e te ofai rahi ua-paari, e te auahi, e te gopheri; e na'u e haamairi mai i te ua i nia ia'na, e i nia i to'na ra mau pûpû, e te taata e pee ia'na ra. 23 E na reira vau i te faarahia ia'u iho, e te haamaita ia'u iho; e itehia hoi au e te mau fenua atoa e rave rahi; e ite hoi ratou e, o vau o Iehova.

Te pobe o Goga i te Atua, e te tanuraahia i Hamona-goga-ra.

39 E TEIE nei, e te tamaiti a te taata na, e tohu ia Goga, e na ô atu, Te na ô maira te Fatu ra o Iehova; Inaha, e ore au e faatia ia oe, e Goga, e te arii o Rosa, Meseka, e Tubala: 2 e na'u oe e faafarii ô, ua faatamino haere ia oe ia aratai mai au ia'oe mai te pae i apatoerau mai, e ia hopoi mai ia oe i nia i te mau mou'a i Iseraela nei. 3 E tairi hoi au i to fana i to rima au'i ra e mairi atu, e na'u e haamairi i to mau ohe i to rima atau ra. 4 E hi'a oe i nia i te mau mou'a i Iseraela nei, o oe, e to mau pûpû atoa ra, e te feia rahi atoa i ô ce ra; e ua tuuhia oe e au i te mau manu pererau taeae e rave rahi atoa ra, e te mau manu o te aru ra ia pau. 5 E mairi hoi oe i nia i te fenua ra: o vau hoi teie e parau nei, te na reira maira te Fatu ra o Iehova. 6 E hapono atu vau i te auahi i Magoga, e i roto i te

feia e parahi ma te mâtâ'u ore i te pae tahatai ra: e ite hoi ratou e, o Iehova vau. 7 E na reira vau i te faaite i tau i'oa mo'a i roto i tau mau taata ra ia Iseraela; e ore hoi au e vaiiho noa i to'u i'oa ia haaviivii-faahou-hia ra: e ite hoi te mau fenua e, o Iehova vau, o Tei Mo'a i Iseraela nei.

8 Inaha, te tupu nei, e e riro i te ravehia, te parau maira te Fatu ra o Iehova; o taua mahana teie ta'u i parau ra. 9 E na te feia i parahi i te mau oire i Iseraela e haere, e na ratou e tutui i te mau mauhaa tama'i ra ia ama, i te mau paruru, e te mau megena, e te mau fana, e te mau ohe, e te mau rima-hia ra, e te mau mahae; na ratou e tutui i te auahi e ia hitu noa 'tu te matahiti: 10 e ore hoi ratou e rave i te vahie no te aru ra, e ore hoi e tâpû i to te vahi ururau; e tutui hoi ratou i te mau mauhaa tama'i ra i te auahi: e na ratou e haru atu i te haru mai ia ratou ra, e rave haapau roa hoi i te feia i rave haapau ra i ta ratou, te parau maira te Fatu ra o Iehova.

11 E ia tae i taua mahana ra, e horoa 'tu ai au i te tahi vahi i'oa itea no Goga, ei vahi tanuraa i Iseraela nei, i te peho i haerehia e te taata i te pae i te hitia o te râ i te tai ra: e no reira i tapirihia 'i te ihu o te feia e haere: ei reira ratou e tanu ai ia Goga e to'na atoa ra taata e rave rahi: e na ratou e mairi i te reira, I te peho o Hamona-goga. 12 E hifu hoi o te tamarii a Iseraela marama i te tanuraa ia ratou, ia tamâ ratou i taua fenua ra; 13 na te taata atoa o te fenua e tanu; e riro hoi ei roo no ratou ia tae i te mahana e hanahana 'i au ra, te parau maira te Fatu ra o Iehova. 14 E na ratou e faataa i te tahi pae taata, aore hoi i tuutuu ta ratou ohipa i te haere na roto i taua fenua ra, ia haere na roto e ia tanu i tei vaiiho-noa-hia i nia i te fenua ra, ei tamâraa 'tu: ia hope na marama e hitu e imi ai ratou. 15 E te feia haere, ia haere na roto i taua fenua ra; ia hi'o te tahi i te ivi taata ra, e faatia oia i te tahi tapao i pihai iho, e ia tanuhia e te feia tanu i te peho ra o Hamona-goga. 16 E mairihia te oire ia Hamona. E na reira ratou i te tamâraa 'tu i taua fenua ra.

17 E o oe hoi, e te tamaiti a te taata na, te na ô maira te Fatu ra o Iehova; E parau atu oe i te mau manu pererau atoa, e te mau manu atoa o te fenua ra, e haaputupu mai outou e haere mai: e haaputupu outou e ati noa "e, i ta'u nei tusia i ravehia e au na outou, e tusia rahi i nia i te mau mou'a i Iseraela nei; e amu hoi outou i te i'o, e ei toto ta outou e inu. 18 E amu outou i te i'o o te feia mana, e inu hoi i te toto

o te hui arii o te fenua nei; e to te mau mamoe ou, to te mau pinia mamoe e to te mau puaniho pa'e, to te mau puatoro oni, e puac poria ana'e no Basana. 19 E amu hoi outou i te me'e e paia noa 'tu, e inu hoi i te toto e ia tae'o, i ta'u nei tusia ta'u e rave nei na outou. 20 E paia hoi outou i ta'u nei amuraa i te puahorofenua e tei parahi i nia iho, i te feia mana, e te mau taata tama'i atoa, te na reira maira te Fatu ra o Iehova.

21 E na'u e tuu i te hanahana no'u i te mau fenua ra; e ite te mau fenua atoa i te auraa o ta'u nei parau i faatupuhia e au ra, e tau rima i tubhia e au i nia ia ratou. 22 E ite atoa te utuafare o Iseraels e, o vau to ratou Atua o Iehova, mai taua mahana maira e a muri noa 'tu. 23 E ite hoi te mau fenua atoa e, no to ratou ino i reva i te utuafare o Iseraels ei titi: no te mea ua hapa ta ratou parau ia'u, i purou ai au i tau mata ia ratou, e ua tuu atu vau ia ratou i te rima o to ratou mau enemi: e hi'a paotoa a'era ratou i te 'o'e. 24 Ua faaau hoi au i ta'u i rave ia ratou i ta ratou viivii, e ta ratou mau hapa, e ua purou vau i tau mata ia ratou.

25 E teie nei, te na ô maira te Fatu ra o Iehova; E i teie nei au e faaho'i mai ai i te titiraa o Iakoba, e aroha hoi au i te utuafare atoa o Iseraels; e faaitoitio hoi au i tau i'oa mo'a ra; 26 ua faaromai hoi ratou i to ratou faainorahia, e ta ratou mau hapa i hapa i ratou ia'u nei, a parahi mātā'u ore ai ratou i to ratou ra fenua, e aore e taata i haamātā'u mai ia ratou ra; 27 ia faaho'ihia mai ratou e au na roto i te mau taata ra, e ia haaputuhia mai e au mai te mau fenua mai o to ratou mau enemi, e ia haamaitaihia mai ia ratou i te aro o te mau fenua e rave rāhi ra, 28 ei reira ratou e ite ai e, o to ratou Atua ra vau o Iehova, o tei tuu atu ia ratou ia hopoi-titihia i te mau fenua ra; e ua haaputu mai ia ratou i to ratou iho fenua mau, e ore roa hoi te ho'o ratou e vaiiho-faahou-hia e au i reira. 29 E ore hoi au e purou faahou i tau mata ia ratou; i niniihia hoi e au tau varua i nia i te utuafare o Iseraels, te parau maira te Fatu ra o Iehova.

Te orama ra i te hiero api, e te aumoa i rapae au a'e.

40 I TE matahiti taua ma pae i to matou titiraa ra, i te matamehai o taua matahiti ra, i te mahana ho'e ahuru i taua marama ra, e te matahiti ho'e ahuru ma maha i te tairiraa i taua oire ra, tei nia maira te rima o Iehova ia'u i taua mahana ra, e ua aratai ia'u i reira: 2 i te orama a te Atua i te aratairaa oia ia'u i te fenua o Iseraels, e ua tuu ihora ia'u i nia i te ho'e mou'a

teitei roa ra, e ho'ho'a oire tei pihai iho tei te pae i apatoerua ra. 3 E ua aratai hoi oia ia'u i reira, e, inaha, tei reira te ho'e taata, mai te ve'o oia i te huru i te hi'oraa 'tu, e ma te aho vavai i tana rima; e te ho'e aeho faito, e te tia noa maira i roto i te uputa. 4 Ua na ô maira taua taata ra ia'u, E te tamaiti a te taata na, a hi'o na to mata, e faaroo hoi to tari'a, a haamau ai i to aau i ta'u e faaito atu ia oe ra; no reira hoi oe i arataihia mai ai i ô nei ia faaito atu vau ia oe ra; e ta oe e ite ra, o te faaito atu ia i te utuafare o Iseraels.

5 E, inaha, e patu tei rapae au mai i te fare e ati noa 'e, e tei te rima o taua taata ra, e aeho faito ia e ono kubiti i te maoro, na kubiti ia, e ho'e hoi rima tiapana: ua faito a'era oia i te aano i taua patu ra, ho'e ia aeho; e te teitei hoi, ho'e aeho. 6 Ua haere maira oia i te uputa i fariu tia i te hitia o te rā ra, e ua paiuma a'era na nia i te mau tahiraa ra, e ua faito atura i te uputa i tei nia iho pae au ra, ho'e ia aeho i te aano; e te tahi pae i taua tomoraa ra, ho'e ia aeho i te aano. 7 E te mau piha iti atoa ra, ho'e ia aeho i te maoro, e ho'e hoi i te aano; e te area i ropu ra, e pae ia kubiti; e te uputa i te tomoraa ra i te pae i te poretiko i roto ra, ho'e ia aeho. 8 Ua faito atoa oia i te poretiko o te uputa i roto ra, ho'e ia aeho. 9 Ua faito atura oia i te poretiko o te uputa ra, e vau ia kubiti; e na pou ra, e piti ia kubiti; e te poretiko i taua uputa ra, tei te pae i roto ra ia. 10 E na piha no te uputa i te pae i te hitia o te rā ra, e toru i teie pae au, e toru i tera pae au; ho'e â faitoraa te reira e toru atoa ra; e na pou hoi, ho'e â faitoraa i teie pae au, e tera pae au. 11 Ua faito ihora oia i te aano i te tomoraa i te uputa ra, ho'e ia ahuru i te kubiti; e te maoro i te tomoraa i taua uputa ra, ho'e ia ahuru e ma toru i te kubiti. 12 Te vahi hoi i fetee mai i mua i taua mau piha ra, ho'e ia kubiti i teie pae au, ho'e hoi kubiti i taua vahi fetee ra i tera pae au; e na piha ra, e ono ia kubiti i teie pae au, e ono hoi kubiti i tera pae au. 13 Ua faito atura oia i te uputa, i te tapo'i i te tahi piha e te tapo'i i te tahi piha; ho'e taan e ma pae i te kubiti i te aano; e te faito ra te tahi opani i te tahi opani. 14 Ua faito ihora hoi oia i na pou, e ono ahuru i te kubiti; tei pihai iho i te mau pou i te aumoa o te uputa e ati noa 'e. 15 E te pae au i mua i te uputa tomoraa ra, e te pae i mua i te poretiko i te uputa i roto ra, e pae ia ahuru i te kubiti. 16 E haamaramarama piriha'o to te mau piha, e to te mau pou i reira i te pae au i roto i te uputa ra e ati noa 'e; e haamaramarama atoa to te mau poretiko i te pae

i roto ra e ati noa "e; e te tamara ana'e i nia i te mau pou atoa ra.

17 Ua aratai atura oia ia'u i roto i te aumoa i rapae au ra; e, inaha, e piha ana'e, e te patu ua oti i te hamanihia no taua aumoa ra e ati noa "e; e toru ahuru i te piha i taua patu ra. 18 E te patu ra i te pae i te hiti i taua mau uputa ra, i na te roa o taua na uputa ra, o te patu ia i raro. 19 Ua faito ihora oia i te aano na te pae i mua i te uputa i raro ra, e te pae i mua i te aumoa i roto i te pae i rapae, ho'e ia hanere i te kubiti i te pae i te hitia o te ra e i te pae i apatoerau ra.

20 E te uputa o te aumoa i rapae au e fariu tia i te pae i apatoerau ra, ua faito ihora oia i te maoro i te reira, e te aano atoa. 21 E na piha hoi no reira ra, e toru ia i teie pae au, e toru hoi i tera pae au; e na pou hoi no reira ra, e na poretiko no reira, ho'e a hete faito e tei mutaa ihora uputa; e pae ahuru te kubiti i te maoro, e te aano ra, ho'e tauu ia e ma pae i te kubiti. 22 E to reira hoi mau haamaramarama, e to reira mau pou, e na tamara hoi, ho'e a hete faito o te uputa i tiraha tia i te pae i te hitia o te ra ra; e hitu taahiraa e tae ai ratou i nia: ia haere; e to reira mau poretiko, tei te pae ia i mua. 23 E uputa atoa to te aumoa i roto ra, i tiraha tia 'tu i te uputa i te pae i apatoerau ra e te hitia o te ra ra; ua faito ihora oia i te tahi uputa e te tahi uputa, ho'e hanere i te kubiti.

24 Ua aratai atura oia ia'u i te pae i apatoa; e, inaha, e uputa tei te pae i apatoa; ua faito ihora oia i to reira mau pou e to reira mau poretiko, taua na faito ra *te faito*. 25 E haamaramarama hoi to reira, e to te mau poretiko e ati noa "e, mai to mau haamaramarama atoa ra; e pae ahuru te kubiti i te maoro, e piti ahuru ma pae i te kubiti i te aano. 26 E na taahiraa e tae ai i nia ra, e hitu ia, e na poretiko no reira ra, tei te pae ia i mua, e tamara hoi to te reira, ho'e i teie pae au, ho'e i tera pae au, i nia i na pou i reira ra. 27 E uputa hoi to te aumoa i nia i te pae i apatoa ra: ua faito ihora oia i te tahi uputa e te tahi uputa i te pae i apatoa ra, ho'e ia hanere i te kubiti.

28 Ua aratai atura oia ia'u i te aumoa i roto ra, i te uputa i te pae i apatoa ra; ua faito ihora oia i te uputa i te pae i apatoa ra, taua na faito ra to faito; 29 e na piha ra, e na pou ra, e na poretiko ra, taua na faito ra to faito: e haamaramarama hoi to roto, e i roto atoa i te mau poretiko ra o ati noa "e: e pae ia ahuru i te kubiti i te maoro, e piti ahuru e ma pae i te kubiti i te aano. 30 E na poretiko e ati noa "e, o piti ia ahuru i te kubiti e pae tiahapa i te maoro,

e pae kubiti i te aano. 31 E na poretiko ra tei te pae aumoa i rapae au ra; e na tamara tei nia ia i na pou ra; e te paumaraa i nia ra, e vau ia taahiraa.

32 Ua aratai atura oia ia'u i te aumoa i roto ra i te pae i te hitia o te ra ra; e ua faito ihora i te uputa i teie nei mau faito. 33 E na piha hoi, e na pou ra, e na poretiko, i teie nei mau faito; e haamaramarama to roto, e i roto i te mau poretiko e ati noa "e: e pae ia ahuru i te kubiti i te maoro, e piti ahuru e ma pae i te kubiti i te aano. 34 E na poretiko ra tei te pae i te aumoa i rapae au ra; e na tamara i nia i na pou ra, i teie pae au e tera pae au; e te paumaraa i nia ra, e vau ia taahiraa.

35 E ua aratai atura oia ia'u i te uputa i te pae i apatoerau, e ua faito ihora i teie nei mau faito; 36 te mau piha ra, e te mau pou ra, e te mau poretiko, e haamaramarama hoi to reira e ati noa "e: e pae ia ahuru i te kubiti i te maoro, e te aano e piti ia ahuru i te kubiti e pae tiahapa. 37 E te mau poretiko ra, tei te pae ia i te aumoa i rapae au ra; e tei nia na tamara i na pou ra, i teie nei pae au e tera pae au; e te paumaraa i nia ra, e vau ia taahiraa. 38 Area te mau piha e te tomoraa i roto, na te mau pou o te mau uputa ra ia, i reira te tusia taauahi e te horofraahia.

39 E tei te poretiko o te uputa ra, o na papa ia e piti i teie pae au, ei patiaraa i te tusia taauahi, e te tusia no te hara, e te tusia no te hape. 40 E tei te hiti i te pae i rapae au mai, i te haereraa i nia i te tomoraa i te uputa i te pae i apatoerau ra, e piti ia pue papa; e te tahi pae au ra, i te poretiko i te uputa ra, e piti atoa ia pue papa. 41 E maha pue papa i teie pae au, e maha hoi papa i tera pae au, i te hiti i te tomoraa ra; e vau atoa ia pue papa ei patiaraa i ta ratou mau tusia. 42 E na papa e maha no te tusia taauahi, e ofai tarai ia, ho'e kubiti e afa kubiti i te maoro, ho'e hoi kubiti e afa kubiti i te aano, ho'e hoi kubiti i te teitei: e i nia iho te vaiho-raa-hia na maubaa ia patia i te tusia taauahi e te mau tusia atoa ra. 43 E hiti hoi ho'e rimā te aano i haapachia i te pae i roto ra e ati a'e; e tei nia i taua pue papa ra te puaa ei tusia.

44 Ua aratai oia ia'u i te uputa i roto ra, e inaha, e pue piha no te fela himeno i roto i te aumoa i roto ra, i te pae i te uputa i apatoerau, e fariu tia ia i te pae i apatoa: ho'e hoi i te pae i te hitia o te ra ra, tei te pae i apatoerau ia hi'oraa. 45 Ua na o maira oia ia'u, Teie nei piha tei te pae i apatoa te hi'oraa, no te pupu tahu'a ia, tei faaitoito i te furo nei. 46 E te piha tei te pae i apatoerau to hi'oraa, no te pupu tahu'a

e tiai i te fata ra: oia na tamarai a Zadoka, no roto i te mau tamarai a Levi ra, i fatata ia Iehova ra, ia rave i te toroa ia'na ra. 47 Ua faito a'era oia i te aumoa, hoé hanere i te kubiti i te maoro, hoé hanere i te kubiti i te aano, hoé á hete te maoro e te aano; e tei mua hoi te fata i te hiero.

48 Ua aratai maira oia ia'u i te poretikó o te hiero ra, e ua faito ihora i na pou ra, e pae kubiti i teie pae au, e pae hoi kubiti i tera pae au; e te aano o te opani ra, e toru ia kubiti i teie pae au, e toru hoi kubiti i tera pae au. 49 E te maoro o te poretikó, hoé taau ia i te kubiti, e te aano ra hoé ia ahuru ma hoé i te kubiti; e ia pauma ratou i nia ra, i te taahiraa: e pue pou hoi tei te poretikó, hoé i teie pae au, hoé i tera pae au.

Te mau faito, te mau piha, e te mau faa-nehenhe o taua hiero ra.

41 E MURI a'era, ua aratai maira oia ia'u i te hiero, e ua faito ihora i te mau pou, e ono kubiti i te aano i teie pae au, e ono hoi kubiti i te aano i tera pae au, o te aano ia o te sekene. 2 E te aano o taua opani ra, hoé ia ahuru i te kubiti; e na hiti i taua opani ra, e pae ia kubiti i teie pae au, e pae hoi kubiti i tera pae au: e ua faito a'era oia i te maoro e maha ahuru i te kubiti i te maoro; e te aano ra, e piti ia ahuru i te kubiti.

3 Ua haere atura oia i roto, e ua faito ihora i te pou no te opani, e piti ia kubiti; e te opani ra, e ono ia kubiti; e te aano o taua uputa ra, e hitu ia kubiti. 4 Ua faito ihora oia i te maoro o te reira, hoé taau ia kubiti; e te aano hoé taau ia kubiti, mai te pae au i mua atoa o te hiero ra: e ua parau maira oia ia'u, O te vahi mo'a roa ra teie.

5 Ua faito ihora oia i te patu i taua fare ra, e ono ia kubiti; e te aano o te mau piha i te hiti ra, e maha ia kubiti e ati noa "e taua fare atoa ra. 6 E taua mau piha i te hiti ra i nia te tahi i te tahi, e toru ia nanaí, e toru ahuru i te nanairaa; e ua faaóhia ratou i roto i te patu i taua fare ra ia ô taua mau piha ra, ia mau ratou, aita rá o ratou mau i taua patu fare ra. 7 Te faa-anohia ra taua haerea i nia i taua piha rii i te hiti ra, i te taninito haerea, te haere ra hoi i te aanoraa taua haerea o te fare ra e ati noa "e i te haere i nia ra, e aano atura taua fare ra i nia e tupu atura i te rahiraa; mai te piha i raro roa ra i te haere-noa-taa ratou na te piha i ropu e-tae atura i tei nia roa ra. 8 Ua hi'o atura hoi au i te teitei o taua fare ra e ati noa "e: te paeau i raro i taua piha rii ra, hoé ia seho kubiti rarahi'e ono ra. 9 Te meumeu o te

patu i te pae i rapae au i taua mau piha rii i te hiti ra, e pae ia kubiti: e te vahi i toe, no te mau piha hiti ia no taua fare ra. 10 E te area i taua mau piha ra, hoé taau ia kubiti i te aano e ati noa "e taua fare ra, te tahi pae, e te tahi pae. 11 E te mau opani no te mau piha i te hiti ra, tei te pae i faatoehia ia, tei te pae i apatoerau te tahi opani, tei te pae i apatoe te tahi opani: e te aano o taua vahi i faatoehia ra, e pae ia kubiti e ati noa "e.

12 Taua patu ra i mua i taua vahi i faatas-é-hia ra i te pae i te toca o te rá ra, e hitu ia ahururaa i te kubiti i te aano; e te aua i taua vahi patuhia ra, e pae ia kubiti i te meumeu e ati noa "e, e te maoro ra, e iva ia ahururaa i te kubiti. 13 Ua faito ihora oia i mua i taua fare ra e hoé a'era hanere i te kubiti; taua vahi i faataa-é-hia ra, e tei patuhia ra, e te aua atoa ra, hoé ia hanere i te kubiti. 14 E te aano i mua i taua fare ra, e te vahi faataa-é-hia ra, i te pae i te hiti o te rá ra, hoé ia hanere i te kubiti. 15 Ua faito ihora oia i te patu i mua i te vahi faataa-é-hia ra e tei muri mai hoi, e te mau piha teitei, i teie pae au e tera pae au, hoé ia hanere i te kubiti, e te hiero i roto ra, e te mau poretikó o te aumoa ra: 16 te mau tomoraa, e te mau haamaramarama pirihao, e te mau piha teitei e ati noa "e na-nanai e toru ra, i mua 'tu i te mau uputa, ua tapo'ihia ia i te raau e ati noa "e, mai raro i te repo e tae noa 'tura i te haamaramarama; e ua tapo'ihia te mau haamaramarama; 17 i te vahi i nia "e i te mau uputa ra, e nia atoa i te fare i roto ra, e rapae au atoa ra, e te pae patu ra e ati noa "e i roto e i rapae au atoa i taua fare ra, i te faitoraa. 18 E kerubi tei hamanihia, e te tamara, ei tamara tei tuuhia i ropu, e kerubi tei te tahi pae, e kerubi i te tahi pae; e piti hoi mata to te kerubi hoé; 19 e mata taata tei fariu tia i te tamara i te tahi pae, e mata liona api tei fariu tia i te tamara i te tahi pae: i nia i taua fare atoa ra te hamani-rahia e ati noa "e. 20 Mai raro i te repo ra e tae noa 'tura i te mau uputa o nia "e te hamani-rahia taua mau kerubi ra, e te tamara i nia i te patu i te hiero ra. 21 Area te huru ra, i tarai-orapa-hia te mau pou ra; e o mua i te vahi mo'a ra, hoé á hete i te hi'oraa 'tu te tahi e te tahi.

22 E te fata raau ra, e toru ia kubiti i te teitei, e piti kubiti i te maoro; e na poro ra, e to raro ra, e te aua ra, e raau ia: na na ô maira oia ia'u, O te pápá teie i mua i te aro o Iehova.

23 E te hiero o te vahi mo'a ra, e piti ia uputa. 24 E taua na uputa ra tatai-piti ia tiafeturaa, e rurihia mai taua na

tiáfeturaa ra; e piti *tiáfeturaa* i te uputa hoê, e piti hoi tiáfeturaa to te tahi uputa. 25 E hamanihia ihora i nia i taua na uputa o te hiera ra, na kerubi e na tamara, mai tei hamanihia i nia i te patu ra; e na te'a raau i nia iho i te poretiko i rapae au. 26 E te haamaramarama pirihaio e te tamara i teie pae au e tera pae au, tei te hiti o na poretiko, e tei te piha rii i te hiti o te fare ra, e o te te'a atoa hoi.

Te mau piha no te mau taku'a ra, e to reira ra mau peu.

42 UA aratai atura oia ia'u i te aumoa i rapae au ra, i te e'atia ia haere i te pae i apatoerau ra; e ua aratai maira ia'u i te piha i mua mai i taua vahi faataahia ra, i mua hoi i te patu i te pae i apatoerau ra. 2 Hoê hanere i te kubiti te maoro i te pae i te uputa i te pae i apatoerau, e pae ahuru i te kubiti i te aano. 3 I mua mai i te mau uputa no te aumoa i roto ra, e i mua mai hoi i te patu no te aumoa i rapae, e piha tiahiti ana'e i te taatiraa mai i te piha tiahiti, e toru atoa nanai. 4 E i mua mai i taua mau piha ra, e e'atia ia hoê ahuru i te kubiti i te aano i roto ra, e e'a hoi hoê kubiti ra; tei te pae i apatoerau te mau uputa. 5 Te potu ra te mau piha i nia ra; e vahi rahi hoi to reira i riro i te tahi mau piha, iti a'e to te mau piha i raro e to ropu i taua fare ra. 6 E toru hoi o ratou nanai, aita râ e pou mai te pou o te mau aumoa ra: i pirihaio ai te reira, iti ihora to raro roa e to ropu ia faitohia na raro ra. 7 O te patu ra i rapae au ra i mua mai i te mau piha ra, i te pae i te aumoa i rapae, i mua i te mau piha ra, e pae ahuru ia kubiti i te maoro. 8 Te maoro o te mau piha i roto i te aumoa i rapae au ra, e pae ahuru ia kubiti i te maoro; e, inaha, o mua 'tu i te hiero, hoê hanere ia kubiti ra. 9 E tei te pae au i raro i taua mau piha nei, o te tomoraa ia i te pae i te tooa o te râ ra, ia na te aumoa i rapae au ra i te haere.

10 Tei te aano o taua patu i te aumoa i te pae i te hitia o te râ ra, i mua mai i te vahi i faataahia ra, e i mua hoi i te fare, e piha ana'e. 11 E te e'a i mua maira, mai te mau piha atoa i te pae i apatoerau ra, hoê â hete maoro, hoê â hete aano: e to reira tomoraa i rapae hoê â hete, e hoê â hete opani mai te reira atoa ra. 12 E mai te reira atoa te mau opani o te mau piha ra i te pae i apatoerau ra; e opani tei te hopea mai o taua e'a ra, i te e'a i mua mai i te patu ra ia hi'o tia i te pae i te hitia o te râ ra, ia na reira i te haere ra.

13 Na parau maira oia ia'u. Te mau piha i te pae i te tooa o te râ ra, e te

mau piha i te pae i apatoerau ra, i mua i te vahi i faataahia ra, e piha mo'a ana'e ia, e ei reira te feia tahu'a e haafatata 'i ia Iehova ra a mu ai i te mau mea mo'a rahi ra: ei reira hoi vai ai te mau mea mo'a roa ra, te tusia mu, e te tusia no te hara, e te tusia no te hape; e vahi mo'a hoi taua vahi ra. 14 Ua tomo ana'e te feia tahu'a i roto ra, eisha ratou e haere i rapae a tomo ai i roto i te aumoa i rapae au ra, ei reira ra ratou e vaiho ai i to ratou ahu i ta ratou i rave i te toroa ra; ua mo'a hoi te reira; a ahu ai i te ahu êê, a haere atu ai i te vahi no te taata atoa ra.

15 E hope a'era te fare i roto i te faitohia e ana, ua aratai maira oia ia'u i te uputa e hi'o tia 'tu i te pae i te hitia o te râ ra, e ua faito ihora e ati noa 'e. 16 Faito ihora oia i te pae i te hitia o te râ ra i te aeho faito ra, e pae hanere ia i te aeho, i te aeho faito e ati noa 'e. 17 Ua faito ihora oia i te pae i apatoerau, e pae hanere i te aeho, i te aeho faito ra e ati noa 'e. 18 Ua faito ihora oia i te pae i apatoerau, e pae hanere i te aeho, i te aeho faito ra e ati noa 'e. 19 E te pae i te tooa o te râ ra, ua faito ihora oia e pae hanere i te aeho i te aeho faito ra. 20 Faito ihora oia i na pae e maha; e aua tei patuhia e ati noa 'e, e pae hanere i te aeho i te maoro, e pae hanere hoi i te aano, ei faataaraa 'tu i te vahi mo'a ra e te vahi noa.

Te ho'iraa mai o te anaana no ô i te Atua ra i roto i te hiero.

43 UA aratai atura oia ia'u i te uputa, e hi'o tia 'tu i te hitia o te râ ra, 2 E, inaha, te haere maira te hanahana o te Atua o Iseraela mai te hitia o te râ mai: e to'na re'o, e au ia i te haruru tai rahi ra: e ua anaana te fenua i te hanahana no'na ra. 3 E te huru o ta'u i ite ra, mai te huru i itea e'au, ia'u i haere mai e rave i te oire nei: e te huru o te pereoo ra, e au ia i te huru i itea e au i te pae pape ra i Kebara; e ua tipapa ihora vau i raro te mata. 4 E ua tae maira te hanahana o Iehova i roto i te fare, na te uputa e hi'o tia 'tu i te pae i te hitia o te râ ra. 5 Ua rave maira te varua ia'u, e ua hopoi maira ia'u i roto i te aumoa i roto ra; e, inaha, ua i a'era te fare i te hanahana o Iehova. 6 Faaroo atura vau i te hoê tei parauraa mai ia'u i roto i te fare; te tia noa maira taua taata ra i pihai iho ia'u.

7 E ua na ô maira ia'u. E te tamarii a te taata na, o te vairaa teie o to'u nei terono, e te tiaraa teie no tau avae, ei ô nei au e parahi ai i roto i te tamarii a Iseraela e a muri noa 'tu, e ore hoi te utnafare o Iseraela e haviivii faahou i to'u nei i'oa mo'a, o ratou e to ratou

mau arii i ta ratou taiataraa, e te mau tino o to ratou mau arii i to ratou mau vahi teitei: 8 ratou i faatia i to ratou uputa i pihai iho i to'u ra; e to ratou pou i pihai iho i to'u ra pou, o te patu ana'e ra te arai ia'u e ia ratou; viivii atura tau i'os mo'a ia ratou i ta ratou mau parau faufau i ravehia e ratou ra: no reira ratou i pau ai i te riri no'u ra. 9 Teie nei rā, e tuu ē atu ratou i ta ratou taiata ia atea ē atu, e te mau tino o to ratou mau arii, e na'u e parahi i roto ia ratou e a muri noa 'tu.

10 E o oe hoi, e te tamaiti a te taata na, e faaite i tele nei fare i te utuafare o Iseraela, ia haama ratou i ta ratou mau hapa: e na ratou e faito i tena na hohoa fare. 11 E ia haama ratou i ta ratou i rave ra, e faaite ia ratou i te huru o taua fare ra, e to'na hohoa, e te tomoraa i rapae, e te faadras mai i roto ra, e te mau huru atoa ra, e te mau haapaoraa atoa ra, te mau pen e te mau ture atoa ra; e papai hua i mua i to ratou mata, ia haapao-paatoa-hia e ratou te mau pen, e te mau haapaoraa atoa ra, e ia rave hoi. 12 Teie te ture o te fare i nia i te mou'a ra: e mo'a roa te hiti atoa ra e ati noa "e: inaha, o te ture tele o taua fare nei.

13 Teie hoi te faito i te fata i te kubiti ra; te mau kubiti atoa ra, hoē ia kubiti e hoē rima tapanā; tei raro pae au ra, hoē ia kubiti i te teitei, hoē hoi kubiti i te aano; e to'na hiti, hoē ia rima i taua hiti ra e ati noa "e; o te fata tele i te pae au i rapae au ra. 14 E mai raro i te repo ra e tae a'era i te hiti i raro ra, e piti ia kubiti, hoē hoi kubiti i te aano; e mai te hiti iti e tae a'era i te hiti rahi, e maha ia kubiti, hoē hoi kubiti i te aano. 15 E te vauvau i raro a'e i te fata ra, e maha ia kubiti: e mai te vauvau i te fata ra e i nia ra, ia maha ia tara. 16 E te vauvau i taua fata ra, hoē ahuru ma piti ia i te kubiti i te maoro, hoē ahuru ma piti i te aano, hoē ā hete i na aroā atoa e maha ra. 17 E te hiti ra, hoē ahuru ma maha ia i te kubiti i te maoro, hoē ahuru hoi e ma maha i te kubiti i te aano, i na hiti atoa e maha ra; e te hei i nia ihora, ei kubiti vaeaha ia; e te pae i raro ra, hoē ia kubiti i te aano e ati noa "e e te paumaraa i nia ra, e fafau tū ia i te hitia o to rā ra.

18 Ua parau maira oia ia'u, E te tamaiti a te taata na, te na ō maira te Fatu ra o Iehova; Teie te haapaoraa no te fata ra, ia tae i te mahana e haamanihia 'i ra, ei hopoiraa tusia tauaahi ia i nia ihora, e oi pipiraa toto ra. 19 E i reira oe e hopoi ai i te mau tahu'a ra, i te ati Levi ra, no te huai o Zadoka, i tei haafatata mai ia'u ra, te na reira maira te Fatu ra o Iehova, ia

rave i te toroa i mua ia'u ra, i te tahi puatoro on'i api ei tusia no te hara. 20 E rave hoi oe i te toto no te reira, a tuu atu ai i nia i na tara e maha ra, e i nia i na poro e maha i te hiti ra, e i nia atoa i te hei ra e ati noa "e; e na reira oe i te tamāraa 'tu e te haamaitairaa 'tu. 21 E na oe e rave i te puatoro on'i tusia no te hara, a tutui ai i te auahi i te vahi haapaohia o te fare ra, i rapae au mai i te vahi mo'a ra. 22 E tae a'era i te piti o te mahana, e hopoi oe i te tahi fanau'a puaniho ma te ino ore, ei tusia no te hara; e tamā hoi ratou i te fata mai ta ratou i tamā i te puatoro on'i ra. 23 E ia oti ia oe i te tamāhia, e hopoi oe i te tahi puatoro on'i api ino ore, e te tahi mamoe on'i no roto i te nānā, aore e ino ra. 24 E na oe e hopoi i te aro o Iehova ra, e na te feia tahu'a e titiri i te miti i nia iho, a hopoi ai ei tusia tauaahi na Iehova. 25 Ia rui hitu oe i te hopoiraa i te tusia no te hara ei puaniho i te mau mahana atoa ra: e faatusia atoa ratou i te puatoro on'i e ō tahi mamoe on'i no roto i te nānā, eiaha ei ino. 26 Ia rui hitu ratou i te haamaitairaa e te tamāraa i te fata ra; e faataa hoi ratou ia ratou iho. 27 E hope a'era taua mau mahana ra, ia tae rā i te mahana vau ra, e o mua atoa 'tu, na te feia tahu'a e faatusia i ta outou mau tusia tauaahi, e ta outou tusia i amu ra i nia i te fata ra; e na'u outou e ite atu, te na reira maira te Fatu ra o Iehova.

Te uputa i te hitia o to rā ra, no te arai ana'e ra.

44 UA aratai maira oia ia'u na te uputa i te vahi mo'a i rapae au ra e hi'o tia 'tu i te hitia o to rā ra; e ua opanihia. 2 Ua parau maira Iehova ia'u, E opanihia tele nei opani, e ore e iritibia, e aore roa e taata e na reira i te tomo; no te mea ua na reira te Atua o Iseraela o Iehova i te tomo, no reira e opanihia 'i. 3 No te arii ia; na te arii e parahi i reira e amu i te maa i mua i te aro o Iehova; na te porotiko i te uputa oia i te tomo, e na reira hoi oia ia ho'i i rapae.

4 Ua aratai maira oia ia'u na te uputa i te pae i apatoerau i mua i te fare ra: ua hi'o ihora vau, e, inaha, ua i te fare o Iehova i te hanahana o Iehova: ua tipapa ihora vau i raro tau mata. 5 Ua parau maira Iehova ia'u, E te tamaiti a te taata nei, a haapao maitai na, e hi'o to mata, e faaroo hoi to tari'a. te mau parau atoa ta'u e parau atu ia oe i te mau haapaoraa no te fare o Iehova, e te mau ture atoa no reira; e hi'o maitai na hoi i te mau tomoraa i roto i te fare, e te mau tomoraa i rapae au i te vahi mo'a ra. 5 E

parau atu oe i te utuafare tãhito o Iseraels, Te na ô maira te Fatu ra o Iehova; E te utuafare o Iseraels, atira na ta outou mau parau faufau, 7 o outou i aratai mai i te taata êê peritome-ore-hia te aau, e te peritome ore atoa i te tino, ia parahi i roto i tau vahi mo'a e ia viivii atu, oia tau fare nei, a hopoi ai outou i tau maa ra, i te toãhua e te toto; e ua faarue outou i tau faufaa ra i ta outou mau parau faufau atoa ra. 8 Aore hoi outou i haapao mai i tau vahi mo'a i poroihia ra: ua tuu rã outou i te tia i tau vahi mo'a ra, ei tia i outou iho.

9 Te na ô maira te Fatu ra o Iehova; Eiaha roa ei taata ê, aore i peritomehia te aau, e aore i peritomehia te tino ra, e tomo i roto i tau vahi mo'a ra; e te mau taata êê atoa i roto i te tamarii a Iseraels. 10 E te mau ati Levi atoa tei taiva ê roa ia'u, a taiva 'i Iseraels, tei faarue ia'u i te peeraa i to ratou mau idolo: e iri ia ta ratou hara i nia ia ratou. 11 E tahu'a rã ratou i roto i tau vahi mo'a nei, e te poroihia ia i te mau uputa o tau fare, e te raveraa i te toroa i tau fare nei: na ratou e patia i te tusia taauahi e te tusia na te taata, o ei mua ratou ia'u tia 'i i te raveraa i te toroa ia ratou ra. 12 No te mea ua rave ratou i te toroa no ratou i te aro o te mau idolo, e riro atura ei tiafaraa i hara 'i te utuafare ra o Iseraels; e teie nei, ua tãpũ vau ia ratou, te parau maira te Fatu ra o Iehova, e iri â ta ratou hara i nia ia ratou. 13 E ore hoi ratou o haafatata mai ia'u, i te raveraa i te toroa tahu'a ia'u nei, e ore atoa e haafatata i tau mau mea mo'a nei, i roto i te vahi mo'a mahi ra: ei nia rã ia ratou iho te ratou haama vai ai, o ta ratou mau parau faufau i ravehia e ratou ra. 14 E faariro rã vau ia ratou ei tia i to poroi ra i te fare, i te mau ohipa atoa ra, e te mau mea atoa e ravehia i reira. 15 Area te feia tahu'a, te mau ati Levi ra, te mau tamarii a Zedoka, tei tia i te poroi ra i tau vahi mo'a ra a taiva 'i te mau tamarii a Iseraels ia'u ra, o te haafatata mai ia a rave ai i te toroa ia'u nei ra, e ei mua ratou ia'u tia 'i ei hopoi mai i te toãhua, e te toto, te na reira maira te Fatu ra o Iehova. 16 E tomo ratou i roto i tau vahi mo'a, e haafatata mai ratou i ta'u amuraa a rave ai i te toroa ia'u nei, e haapao hoi ratou i tau poroi.

17 Ia tomo ratou na te uputa i te aumoa i roto ra, ei ahu vavai to ratou ahu; eiaha roa ei huruhuru mamoe ia ta e nia ia ratou, ia rave ratou i te toroa i roto i te mau uputa i te aumoa i roto ra, e roto atoa ra. 18 E taupoo vavai nehenehe ana'e ra to ratou i nia i te upoo ra, e ei tãtohe vavai i to ratou

taupoo; e eiaha ratou o tatau noa 'tu i te mea e houa 'i te taata ra. 19 E ia haere ratou i te aumoa i rapae au, i te mau taata ra, e haapae ia ratou i te mau ahu ta ratou i rave i te toroa ra, a tuu ai i roto i te mau piha mo'a ra, a ahu ai i vetahi mau ahu ê ra; eiaha hoi ratou e haamo'a i te mau taata i taua ahu no ratou ra. 20 Eiaha hoi-ratou e hahu i to ratou mau upoo, eiaha hoi e faaroroa i to ratou io rouru; o te paoti noa ana'e ra i to ratou upoo. 21 Eiaha atoa te taata tahu'a e inu i te uaina, ia tomo ratou i roto i te aumoa i roto ra. 22 Eiaha hoi ratou e rave i te vahine ivi, e tei haapehia ra: ei paretenia rã ta ratou e rave no te huasi o te utuafare ra o Iseraels, e te vahine ivi na te taata tahu'a ra. 23 E na ratou e faaite i to'u ra mau taata i te huru-ê-raa i to'i mo'a e tei noa ra, e faaite hoi ia ite i tei vii-vii e tei mã. 24 E na ratou e tia mai i nia i te haavaraa e haava; e haapao hoi ratou i ta'u ra faaauraa; e ta'u ra mau ture ta ratou e mau, e ta'u mau haapaoraa i te mau ãime faataalia ra; e haamo'a hoi ratou i tau mau sabati. 25 E eiaha ratou e fantiaia noa 'tu i te taata pohe a viivii hoi ratou: area i te metua tane, e te metua vahine, e te tamaiti, e te tamahine, e te teina, e te tuahine, aore i taoto i te tane, e tia ia ia haaviivii ia ratou iho. 26 E oti a'era oia i te tamãhia, e taio atu â ratou i na mahana e hitu ra. 27 E te mahana o haere ai oia i roto i te vahi mo'a ra, i roto i te aumoa i roto ra, e rave i te toroa i roto i te vahi mo'a ra, e hopoi oia i ta'na tusia no te haru, te na reira maira te Fatu ra o Iehova. 28 E ei tufaa ia na ratou: o vau hoi to ratou tufaa: eiaha ta outou ei tao'a e ho-atu-hia 'tu no ratou i Iseraels nei: o vau ta ratou tao'a. 29 E amu ratou i te tusia amu, e te tusia no te hara, e te tusia no te hape; e te mau nga atoa i faataa-ê-hia i Iseraels nei, na ratou ia. 30 E te ohio matamua o te mau mea atoa nei, o tei faau na i te mau mea atoa nei, e te mau ô atoa ra no te mau mea atoa o ta outou mau ô ra, na te feia tahu'a ana'e ia: e na outou e horoa 'tu i ta outou faraca matamua i o'ihia ra na te feia tahu'a, ia tuu mai oia i te ora i nia i to oe ra fare. 31 Eiaha to tahu'a e amu i te mea pohe noa ra, e tei ha-hachia ra, i te manu e te puaa atoa hoi.

Te maa fenua i haapehia no te vahi mo'a ra.

45 E IA tufa kelero outou i te fenua ei parahiraa, o hopoi outou i te tahi ô na Iehova, i te tahi tufaa mo'a i taua fenua nei: i te maoro ra, hoê taua ia e ma pae i te tausani i te kubitii, e te aano ra, hoê ia ahuru i te tausani i te kubitii. Ei tufaa mo'a ia taua tufaa

ra e ati noa "e tana hiti atoa ra. 2 E no roto hoi i te reira, e pae hanere i te *kubiti* i te maoro, no te vahi mo'a ia, e pae hanere hoi i te aano, i faito atoa e ati noa "e, e pae ahuru hoi i te kubiti ei fenua pirifetau e ati noa "e. 3 O tana na te faito ia faito oe i te maoro, hoé taau ma pae i te tausani, hoé ahuru hoi i te tausani i te aano; e ei roto hoi i te reira te vahi mo'a, te vahi mo'a rahi roa ra. 4 Taus tufaa mo'a o te fenua nei, no te pūpū tahu'a ia, te feia i rave i te toroa i roto i te vahi mo'a ra, o tei haafatata i te raveraa i te toroa i te aro o Iehova ra; ei tiarara no to ratou mau fare, ei vahi mo'a hoi no te fare mo'a. 5 Hoé taau hoi e ma pae i te tausani i te maoro, hoé ahuru i te tausani i te aano, no te ati Levi, no te feia tahu'a i tana fare ra, ei tao'a, e e piti ahuru hoi piba to reira. 6 E na outou e haapao i te parahira ra i te oire, e pae tausani i te aano, hoé taau hoi e ma pae i te tausani i te maoro, i mua mai i te vahi pūpūhia i te vahi mo'a ra: no te utuafare atoa ia o Iseraela. 7 Ei tufaa hoi ta te arii i teie pae au e tera pae au i taua vahi pūpūhia i te tufaa mo'a ra, e te tufaa no te oire, i mua i te vahi pūpūhia i te tufaa mo'a ra, e te tao'a no te oire, i te pae i te toca o te rā haere noa 'i i te pae i te toca o te rā ra, e te pae i te hitia o te rā ra haere noa 'i i te pae i te hitia o te rā ra: e te maoro ra, ei mua mai ia i taua mau tufaa atoa ra, mai te hiti i te pae i te toca o te rā ra, e tae noa 'tu i te hiti i te pae i te hitia o te rā ra. 8 Area te fenua ra, ei tao'a ia no'na i Iseraela nei; e eiaha tau mau arii e hamani ino faahou i tau mau taata; e te toca o te fenua e hopoi ratou no te utuafare ra o Iseraela i to ratou ra mau opu.

9 Te na ô maira te Fatu ra o Iehova; Atira ia ta outou, e te mau arii i Iseraela nei: faataa ê atu i te rave ino e te haru, a rave na i te parau au e te mea tia, e hopoi 6 atu i ta outou hamani ino i to'u ra mau taata, te na reira maira te Fatu ra o Iehova. 10 Ei faito au ta outou faito, e te epha au, e te bato au. 11 Ia hoé â huru te epha e te bato ia faito; o te ahuru o te tufaa ia tufahia te homera, o te bato ia, e te epha atoa, o te ahuru ia o te tufaa o te homera: ia na te homera ia faito ia au i reira. 12 E te sekela, hoé taau ia gera: e te mau ario hoé taau i te sekela, e te hoé taau e ma pae, e te hoé ahuru e ma pae ra, o ta outou ia mina.

13 Teie ta outou ô ia hopoi outou; o te ono o te tufaa i te epha no roto i te homera sitona, e te ono hoi o te tufaa i te epha no roto i te homera kerite: 14 area te parau i te bato hinu ra, o te ahuru o te bato no roto i te kora, hoé

kora, hoé ahuru ia i te bato; hoé hoi homera, hoé ahuru ia i te bato; 15 hoé hoi pinia mamoe no roto i te nānā e piti hanere ia hopoi outou, no roto i te mau faamuraa-pape-hia i Iseraela ra; ei tusia amu, e ei tusia taauahi, ei tusia no te maitai, ei tarahara no ratou, te na reira maira te Fatu ra o Iehova. 16 Na te mau taata atoa o te fenua nei e hopoi i teie nei ô, e te arii atoa i Iseraela nei. 17 Ei te arii hoi te hopoi i te tusia taauahi, e te tusia amu, e te tusia inu, i te mau oroa ra, e te mau marama api, e te mau sabati, e te amuiraa mo'a i te utuafare o Iseraela nei: e na'na e faatusia i te tusia no te hara, e te tusia amu, e te tusia taauahi, e te tusia no te maitai, ei tarahara no te utuafare o Iseraela.

18 Te na ô maira te Fatu ra o Iehova; Ia tae i te marama matamua ra, e te mahana matamua o taua marama ra, a rave ai oe i te hoé puatoro oni api e te ino ore, a tamā 'i i te vahi mo'a ra: 19 e na te tahu'a e rave i te tahi pae toto i te tarahara ra, a tuu atu ai i nia i te pou o te fare ra, e i nia i na poro i te hiti o te fata ra, e i nia hoi i te pou o te uputa o te aumoa i roto ra. 20 E na reira atoa hoi oe i te hitu o te mahana i taua marama ra i te taata atoa i hapa ra, e tei mau atoa ra: e na reira outou i te haamaitai i taua fare ra.

21 Ia tae i te marama matamua ra, e te mahana hoé ahuru ma maha i taua marama ra, ei pasa ta outou, e hitu mahana i te oraraa; e amu te taata atoa i te pane faahopue-ore-hia. 22 E ia tae i taua mahana ra, e faatusia te arii i te tahi puatoro oni ei tusia no te hara na'na ino e na te taata atoa o te fenua nei. 23 E ia rui hitu outou i taua oroa ra i te faatusiaraa i te tusia taauahi na Iehova, ia hitu puatoro oni, e ia hitu hoi mamoe oni ma te ino ore e hope a'era taua na mahana e hitu ra; e te hoé pinia puaniho i te mau mahana atoa ei tusia no te hara. 24 E hopoi hoi oia i te tusia amu hoé epha no te puatoro oni, hoé hoi epha no te mamoe oni, hoé hoi hina hinu i te epha hoé. 25 E ia tae i te hitu o te marama e te mahana hoé ahuru ma pae i taua marama ra, e na reira atoa oia i te rave i taua oroa ra, i taua na mahana e hitu ra; i te haapaoraa i te tusia no te hara, e te haapaoraa i te tusia taauahi, e te haapaoraa i te tusia amu, e te haapaoraa i te hinu ra.

Te haapaoraa no te arii i to'na haamoriraa i te Atua.

46 TE na ô maira te Fatu ra o Iehova; Te uputa i te aumoa i roto e hi'o tia 'tu i te pae i te hitia o te rā

ra, e opanihia ia i na mahana ohipa ra e ono; ia tae rā i te sabati, e iritihia ia, e te mahana no te marama api ra, e iritihia ia. 2 Na te poretiko o taua uputa ra te arii i te tomo i te pae i rapae au ra, e ei te pou o te uputa ra oia e tia 'i; e na te tahu'a e faatusia i ta'na tusia tauuahi, e te tusia no te maitai, e ei te uputa oia e haamori ai: a haere ai oia ra; e ore rā e opani-vaehia te uputa e ahiahi noa 'tu. 3 E te mau taata atoa o te fenua ra, ei te tomoraa i teie nei uputa e haamori ai i mua i te aro o Iehova, i te mau sabati e te mau marama api ra. 4 E te tusia tauuahi ta te arii e hopoi mai ia Iehova i te sabati, e pinia mamoe ia e ono, aore e ino ra, e te hoē mamoe oni aore e ino ra. 5 E te tusia amu ra hoē epha i te mamoe oni hoē, e te tusia amu no te mau pinia mamoe ra, tei ia'na iho ia, hoē hoi hina hinu i te epha hoē. 6 E ia tae i te mahana no te marama api ra, hoē ia puatoro ori api ino ore, e na pinia mamoe e ono e te mamoe oni hoē: ei mea ino ore atoa ia. 7 E na'na e rave i te tusia amu hoē epha i te puatoro oni hoē, hoē hoi epha no te mamoe oni, e to te mau pinia mamoe ra tei ia'na iho ia, hoē hoi hina hinu i te epha hoē. 8 E ia tomo te arii i roto ra, na te poretiko o taua uputa ra i te haere, e na reira hoi oia ia ho'i ra.

9 Ia haere mai rā te mau taata o te fenua i te aro o Iehova i te mau amuiraa mo'a ra, o tei tomo mai na te uputa i te pae i apatoerau ia haamori i te Atua, e na uputa i te pae i apatua oia ia ho'i ra; e o tei tomo mai na te uputa i te pae i apatua ra, e na te uputa i te pae i apatoerau oia ia ho'i: eiaha oia ia na te uputa ta'na i haere maira i te ho'i, e na te tahi paeau ra oia i te ho'i. 10 E o tei arii i roto ia ratou ra, ia hoē ā tomoraa ia tomo ratou ra, e ia haere ratou ra, a haere atoa ia. 11 E i te mau oroa ra, e te mau amuiraa mo'a ra, te tusia amu ra hoē ia epha i te puatoro oni hoē, hoē epha hoi i te mamoe oni hoē, aerea te mau pinia mamoe ra, tei ia'na iho ia; hoē hoi hina hinu i te epha hoē. 12 Ia opua hoi te arii i te tao'a horoa noa, te tusia tauuahi, e te tusia no te maitai, ei tao'a horoa noa na Iehova, e iritihia te uputa e hi'o tia i te hitia o te rā ra no'na, e na'na e faatusia i te tusia tauuahi na'na e te tusia no te maitai, mai ta'na atoa i rave i te sabati; ei reira oia e haere ai; e reva 'tura oia ra e opanihia 'i te uputa. 13 E na'na e faatusia i te mau mahana atoa ra i te tusia tauuahi na Iehova i te pinia mamoe matahiti hoē ra, eiaha ei ino: i te mau poi-poi atoa ra eiaha ia toe. 14 E faanehenehe atoa oia i te tahi tusia amu i te mau poi-poi atoa nei;

i te ono o te tufaa i te epha, e te toru o te tufaa o te hina hinu ra, ei faararirari i te faraa hua ra ei tusia amu na Iehova, ei haapao tamau ia. 15 E faatusia oia i te pinia mamoe, e te tusia amu, e te hinu ra, i te mau poi-poi atoa ra, ei tusia tauuahi hopoi tamau ia.

16 Te na ô maira te Fatu ra o Iehova; Ia horoa te arii i te tao'a na te tahi tamaiti na'na ra, na te tamarii ia tao'a: e riro hoi ei tao'a mau na ratou. 17 Ia horoa rā oia i te tahi pae i te tufaa no'na i te tahi tavini no'na ra, ei ia'na 'tu ā ia e tae noa 'tu i te iubili, a ho'i faahou atu ai i te arii ra: o ta'na rā tufaa horoahia 'tu i te tamarii, e riro ia no ratou. 18 Eiaha te arii e rave i ta te mau taata ra tao'a, ia tna ē atu ratou i ta ratou ra tufaa: e horoa rā oia i to'na ihora no ta'na mau tamarii: ia ore tau mau taata ia purara ē, ratou atoa ra e taa ē atura i ta'na tufaa.

19 Ua aratai maira oia ia'u na te tomoraa i te hiti uputa ra, e i roto i te mau piha mo'a no te feia tahu'a ra, e fariu tia i te pae i apatoerau ra: e, inaha, tei reira te hoē vahī tei na pae au e piti i te toca o te rā ra. 20 Ua na ô maira oia ia'u, O te vahī teie e tunu ai te mau tahu'a i te tusia no te hape e te tusia no te hara, ei reira hoi e u ai i te tusia amu; ia ore ratou ia hopoi i roto i te aumoa i rapae au ra, o te mo'a hoi te mau taata ra. 21 Ua aratai maira oia ia'u i roto i te aumoa i rapae au, e na aratai oia ia'u na taua na peho e maha o te aumoa ra: e, inaha, e aumoa atoa tei taua na peho e maha o te aumoa ra. 22 E aumoa rii taatiatihia ana'e tei taua na peho o te aumoa ra, e maha ahuru i te kubiti i te maoro, e toru ahuru i te aano: hoē ā huru to te reira e maha atoa ra ia faito. 23 E nanai fare hoi i te tiaraa i roto i te reira e ati noa "e e maha atoa ra, i patuhia ma te tunuraa i raro ahi i taua mau nanai ra e ati noa "e. 24 Ua parau maira oia ia'u, O te mau fare teie no te feia e tunu; ei reira te feia toroa o te fare nei e tunu ai i te mau tusia na te taata ra.

Te orama o te pape mo'a, e te maitai no taua pape ra.

47 E MURI a'era ua aratai faahou maira oia ia'u i te uputa o te fare ra; e, inaha, e pape i te taheraa maitai raro a'e i te uputa o te fare i te pae i te hitia o te rā ra: te aroā hoi o taua fare ra, tei te pae ia i te hitia o te rā ra, e te tahi maira te pape na raro a'e i te tomoraa i te pae atau i taua fare ra, i te pae i apatoerau i te fata ra. 2 Ua aratai maira oia ia'u na te uputa i te pae i apatoerau ra: e ua aratai atura ia'u i te e'a i rapae au ra i te uputa i rapae au

i te e'a e hi'o tia 'tu i te pae i te hitia o te rã ra: e, inaha, e pape te tahe ra na te pae atau. 3 E reva 'tura te taata i rave i te taura i tana rima i te pae i te hitia o te rã ra, ua faito ihora oia e hoë a'era tausani i te kubiti; e ua tuu atura ia'u ia haere noa na raro i te pape, e ua taea te momoa avas i te pape. 4 Ua faito a'era oia e hoë tausani i te kubiti, e ua aratai atura ia'u ia haere noa na raro i te pape; e ua tae a'era i te turi. Ua faito a'era hoi hoë tausani i te kubiti, e ua tuu atura ia'u ia haere noa na raro i te pape, e ua tae a'era i te tauupu. 5 Ua faito faahou a'era oia e hoë atura te tausani i te kubiti, e ua riro atura ei pape rahi tahe e aita 'tura e tia ia'u ia haere: ua teitei hoi taua pape ra, e pape e tia ia au haere ra, e pape tahe e ore e taea ia haere. 6 Ua na ô maira oia ia'u, E te tamaifi ä te taata nei, ua ite oe i te reira? Ua aratai maira oia ia'u, e ua faaho'i atura na te hiti o taua pape ra. 7 E te ho'i noa ra vau, e inaha, e rave rahi te raau tei-te hiti o taua pape ra, tei teie pae au e tei tera pae au. 8 Ua na ô maira oia ia'u, Te tahe tia nei teie nei pape i te fenua i te pae i te hitia o te rã ra, e tae atura i te vahi atea, e rova 'tura i raro i te tai, e ua tae atura i te tai *araava* ra, e ora hoi taua tai ra. 9 E riro te mau mea atoa e ora ra, tei matere ia haere ra, i te mau vahi atoa i tahehia e taua pape ra, e ora ana'e ia: e riro te i'a i te rahi roa; no te mea e tae teie nei pape i reira e na te reira e faaora, e ora hoi te mau mea atoa i tahehia e taua pape ra. 10 E riro ei reira ana'o te feia ravaai tia haere noa 'i: mai Ene-gedi e tae noa 'tu i Ene-egelaima, ei vahi tauairaa upo'a ia; e riro hoi ta ratou i'a e rave rahi te huru; mai te i'a atoa o te miti rahi ra e rave rahi. 11 Area te mau vahi vaji no reira ra, e te mau apoo ra e ore ia e ora: e faarirobia ia ei vaira miti. 12 E i nia iho i taua hiti pape ra, i teie pae au e tera pae au, e tupu ai te mau raau atoa nei ei maa, e ore hoi to'na rau e oriorio, e ore hoi e pau ta'na maa: ei maa api ta te reira e faahotu mai i te mau marama atoa ra, no te mea i te na vahi mo'a mai te reira pape i te taberana mai: e riro hoi ta te reira e faahotu mai ei maa, e to'na ruu ei rapaau ma'i ia.

13 Te na ô maira te Fatu ra o Iehova; Teie te hiti, ia parahi outou i taua fenua nei, i te mau opu tino ahuru e ma piti i Iseraela nei: ia *yiti* a Iosepha tufaa. 14 E parahi atoa outou i taua fenua nei: i ta'u hoi i täpü atu i to outou mau metua, e horoa 'tu van no ratou: e riro hoi taua fenua nei ei tufaa na outou.

15 Teie hoi te hiti o taua fenua ra i

te pae i apatoerau ra, mai te niti rahi ra ia haere tia 'tu i Hetelona, a tae atu ai te taata i Zedada: 16 o Hamata, o Berota, o Siberaima, i ropu mai i te hiti i Damaseko e te hiti i Hamata; e o Hazara-hatikona, i te hiti o te fenua ra o Haurana. 17 E te hiti i te pae tai ra o Hazara-enana i te hiti Damaseko, e Zaphona i te pae i apatoerau ra, e te hiti ra o Hamata; o te pae i apatoerau ia. 18 E te pae i te hitia o te rã ra na Haurana i te faito, e na Damaseko, e na Gileada, e na te fenua o Iseraela i te pae Ioridana, mai te hiti mai e tae noa 'tu i tahatai i te pae i te hitia o te rã ra: o te pae ia i te hitia o te rã ra. 19 E te hiti i te pae i apatoa, mai Tamara mai e tae noa 'tu i te pape mârô ra i Kadessa, e tae noa 'tu i te pape i te miti rahi ra. O te hiti i apatoa ia, i te pae i apatoa. 20 E te hiti i te pae i te tooa o te rã ra, o te miti rahi ia, mai tahatai mai e tae noa 'tu i te fenua tei reira te e'atia ia haere tia 'tu i Hamata ra. O te hiti ia i te tooa o te rã ra.

21 Na outou e tufa i taua fenua nei no outou, te mau opu o Iseraela nei. 22 E tufa kelero outou i taua fenua nei ei parahiraa no outou nei, e te mau taata êé atoa e purutia i ô outou na, e tei fanautama i ô outou: ia riro atoa hoi ratou mai te tamarii a Iseraela atoa i fanau i roto ia outou na; ei tufaa atoa ta ratou i roto i te mau opu i Iseraela nei. 23 E riro hoi ei te opu parahihia i taua taata ê ra, ei reira hoi ta'na tufaa ia haapao outou na, te na reira maira te Fatu ra o Iehova.

Te mau tufaa no na pïpï tino ahuru ma piti ra.

48 TEIE te i'oa o te mau opu ra. Ia na te hiti i te pae, i apatoerau i te pae i uta ia na Hetelona, i tae atu ai te taata i Hamata, Hazara-enana, i te hiti o Damaseko i te pae i apatoerau ra, i te fenua ra i Hamata: e to'na otia i te hitia o te rã ra, o tahatai ia: o Dana hoë ia tufaa. 2 E te otia o Dana, mai te hiti i te pae, i te hitia o te rã ra, e tae atura i te pae i te tooa o te rã ra, o Asera hoë ia tufaa. 3 E te otia o Asera, mai te hiti i te pae i te hitia o te rã ra, e tae atura i te pae i te tooa o te rã ra, o Naphatali hoë ia tufaa. 4 E te otia o Naphatali ra, mai te hiti i te pae i te hitia o te rã ra, e tae atura i te pae i te tooa o te rã ra, o Manasa hoë ia tufaa. 5 E te otia o Manasa ra, mai te hiti i te pae i te hitia o te rã ra, e tae atura i te pae i te tooa o te rã ra, o Epheraima hoë ia tufaa. 6 E te otia o Epheraima, mai te hiti i te pae i te hitia o te rã ra, e tae atura i te tooa o te rã ra, o Reubena hoë ia tufaa. 7 E te otia o Reubena, mai te

hiti i te pae i te hitia o te rā ra, e tae atura i te tooa o te rā ra, o Iuda hoē ia tufaa.

8 E te hiti o Iuda ra, mai te hiti i te pae i te hitia o te rā ra, e tae atura i te tooa o te rā ra, ei reira te vahi ta outou e pūpū, hoē taau ma pae tausani i te kubitī i te aano, e te maoro hoē ia tufaa, mai te pae i te hitia o te rā ra e tae noa 'tu i te pae i te tooa o te rā ra: e te fare mo'a ra ei rotopu ia. 9 Te vahi ta outou e pūpū ia Iehova ra, hoē taau ia ma pae i te tausani i te maoro, hoē ahuru i te tausani i te aano. 10 No te reira hoi te vahi mo'a pūpūhia no te feia tahu'a: i te pae i apatoerau ra hoē taau ma pae i te tausani i te maoro, e te pae i te tooa o te rā ra hoē ahuru i te tausani i te aano, e te pae i te hitia o te rā ra hoē ahuru i te tausani i te aano, e te pae i te hitia o te rā ra hoē ahuru i te tausani i te aano, e te pae i te hitia o te rā ra hoē ahuru i te tausani i te maoro: e te fare mo'a o Iehova ei ropu ia. 11 No te pūpū tahu'a haamaitahia ra te reira i te mau tamarī a Zadoka; o tei haapao i te poroi no'u ra, tei ore i taiva a taiva i te mau tamarī a Iseraela ra, mai te mau ati Levi i taiva ra. 12 E riro hoi ei vahi pūpū mo'a roa no ratou, no roto i te vahi pūpū o te fenua nei, i te hiti o te ati Levi ra. 13 E i mua mai i te hiti o te pūpū tahu'a ra, o ta te ati Levi ia hoē taau ma pae i te tausani i te maoro, hoē ahuru i te trusani i te aano; i te maoro atoa ra hoē taau ia ma pae i te tausani, e te aano hoē ia ahuru i te tausani. 14 Eiaha hoi ratou e hoo i te reira; eiaha roa hoi ei taata e hoo maa noa i te oho matamua o te fenua nei: e mea mo'a hoi te reira na Iehova.

15 E na tausani e pae i toe i te aano ra, i mua mai i na tausani hoē taau e ma pae ra, ei vahi noa ia no te oire, ei parahiraa, e ei fenua hiti; ei ropu hoi te oire tia 'i. 16 Teie hoi te faito; i te pae i apatoerau e maha ia tausani e pae hanere, e te pae i apatoa e maha ia tausani e pae hanere, e te pae i te hitia o te rā ra e maha ia tausani e pae hanere, e te pae i te tooa o te rā ra e maha ia tausani e pae hanere. 17 E te fenua hiti no taua oire ra, e piti ia hanere i te pae i apatoerau ra e pae ahuru, e te pae i apatoa ra e piti ia hanere e pae ahuru, e te pae i te hitia o te rā ra e piti ia hanere e pae ahuru, e te pae i te tooa o te rā ra e piti ia hanere e pae ahuru. 18 E te toea o te maoro i mua mai i te vahi pūpū mo'a ra, hoē ia ahuru i te tausani i te pae i te hitia o te rā ra, hoē hoi ahuru i te tausani i te pae i te tooa o te rā ra, i mua mai i te vahi pūpū mo'a ra; e te maa i tūpu i taua fenua ra, ei maa inu te feia i faaanuu i taua oire ra. 19 E te feia e faaanuu mai i taua oire ra, na te mau opu atoa i Ise-

raela nei e faaanuu. 20 Taua vahi pūpū atoa ra hoē taau ia e ma pae i te tausani, hoē taau hoi e ma pae i te tausani i te tahi pae: e maha arōa te taua vahi mo'a ra ia pūpū outou, e te oire atoa i te pūpūraa.

21 E te toea ra, na te arii ia, i teie e i tera pae au i te vahi pūpū mo'a ra, e te tao'a no te oire ra, i mua mai i te tiraha tia i te taau hoē e ma pae i te tausani, no te vahi pūpū i fariu tia i te hiti o te fenua i te pae i te hitia o te rā ra, e te pae i te tooa o te rā ra, i tei tiraha tia i te taau ma pae o te tausani, i te hiti o te fenua i te pae i te tooa o te rā ra, i tei farii i te tufaa i te tufaa a te arii ra: e te vahi pūpū mo'a, e te vahi mo'a i taua fare ra, ei ropu ia. 22 Mai te tufaa mai o te ati Levi ra, o mai te tufaa mai o te oire i ropu ra, no te piri ia; i ropu i te hiti o Iuda e te hiti o Beniamina, o ta te arii ia.

23 Area te toea i taua mau opu ra, mai te hiti i te pae i te hitia o te rā ra e te hiti i te pae i te tooa o te rā ra, o te tahi ia o Beniamina. 24 E te hiti o Beniamina, mai te hiti i te pae i te hitia o te rā ra, e te hiti i te pae i te tooa o te rā ra, o te tahi ia o Simeona. 25 E te hiti o Simeona, mai te hiti i te pae i te hitia o te rā ra, e te hiti i te pae i te tooa o te rā ra, o te tahi ia o Isakara. 26 E te hiti o Isakara ra, mai te hiti i te hitia o te rā ra, e te hiti i te pae i te tooa o te rā ra, o te tahi ia o Zebuluna. 27 E te hiti o Zebuluna ra, mai te hiti i te hitia o te rā ra, e te hiti i te pae i te tooa o te rā ra, o te tahi ia o Gada. 28 E te hiti o Gada ra, i te hiti i te pae i apatoa ra, mai Tamara roa mai taua hiti ra, e tae moa 'tu i te pape mārō i Kadessa, e tae noa 'tura i te pape i te tahi rai ra. 29 O ta outou teie nei fenua e tufa kelero i te mau opu o Iseraela ei parahiraa, e teie hoi to ratou mau otia, te parau maira te Fatu ra o Iehova.

30 Teie te mau tomoraa i rapae au i taua oire ra; toī te pae i apatoerau ra, e maha ia tausani i te kubitī e pae hanere i te faitoraa. 31 E mairiūia hoi te mau uputa o te oire i te mau i'oa o te mau opu o Iseraela ra: e toru uputa i te pae i apatoerau ra: hoē uputa no Reubena, hoē uputa no Iuda; hoē uputa no Levi. 32 E ei te pae i te hitia o te rā ra, e maha ia tausani e pae hanere: e na uputa e toru ra; no Iosepha te tahi, no Beniamina te tahi, no Dana te tahi. 33 E ei te pae i apatoa ra, e maha ia tausani e pae hanere i te faitoraa: e na uputa e toru ra; no Simeona te tahi, no Isakara te tahi, no Zebuluna e tahi. 34 E ei te pae i te tooa o te rā ra, e maha ia tausani o pae hanere, e to ratou mau uputa e toru; no Gada te tahi no Asera te tahi, no Naphatōli te

tahi. 35 Hoé ahuru e ma vau i te tau-
sani i te *(aeho ia haati ra: e te i'oa o |* taua oire ra mai taua mahana maira,
TEI BKIRA IEHOVA.

TE

BUKA A DANIELA RA.

To Iehoiakima aratai-titi-raa-hia i Babu-
lonia.

1 TAE a'era i te toru i te matahiti i te hau o te arii o Iuda o Iehoiakima, i haere mai ai te arii o Babulonia o Nebukanesa i Ierusalem, e ua haati a'era i te nuu. 2 Ua tuu atura Iehova i te arii o Iuda ia Iehoiakima i tana rima, e te tahi pae a'ua no te fare o te Atua, e ua hopoi atura oia i te fenua ra o Senara, i te fare o to'na ra atua: e ua hopoi hoi oia i taua mau a'ua ra i roto i te fare vaira tao'a no to'na atua.

3 Ua faaue a'era te arii ia Asepenaza, i te hoé taata rahi i te feia toroa no'na ra, e aratai mai i te *toofanu* i te mau tamarii a Iseraela, to te hui arii, e to te feia mana atoa ra; 4 i te mau taata api maau ore ra, o tei maitai i te huru i te hi'orea 'tu, e tei ite i te aravihi, e te paari, e te parau i haapiihia ra, o tei tia ia parahi i roto i te fare o te arii ra, e ia haapiihia 'tu i te parau e te mau pou i itea e te mau Kaladato ra. 5 Ua faataa ihora te arii i te tufaa maa na ratou no te mau mahana atoa, no roto i ta'na iho, e no te uaina hoi ta'na i inu ra; e ia na reirahia ratou i te faaamu e ia toru noa 'tu te matahiti, a tia 'tu ai ratou i mua i te aro o te arii ra. 6 O Daniela te hoé i roto i taua mau tamarii o Iuda ra, e o Hanania, e o Misaela, e o Azaria; 7 o tei mairihia te i'oa e te taata rahi o taua feia toroa ra; e o Daniela ra, o Beletesazara ia; e o Hanania ra, o Sadaraka ia; e o Misaela, o Meseka ia; e o Azaria ra, o Abede-nego ia.

8 Te mana'o ra rá te aa o Daniela e eiaha vau ia viivii i te tufaa maa a te arii ra, e te uaina ta'na i inu ra: i parau ai oia i te taata rahi i taua feia toroa ra e eiaha oia ia viivii. 9 Ua faarirohia a'era Daniela e te Atua ei taata here-rali-hia e te taata rahi i taua feia toroa ra; 10 ua parau atura taua taata rahi i taua feia toroa ra ia Daniela, Te mātā'u nei au i tau fatu i te arii ra, o tei faataa i ta outou maa e ta outou e inu: o te hi'o mai hoi oia i to outou mata i te huru-ino-raa, aore i au i to te mau taata api atoa hoé à ui e outou ra,

e riro paha tau upoo i te tāpūhia e te arii. 11 Ua parau atura Daniela ia Melezara, i tei haapaohia e te taata rahi i taua feia toroa ra ei tia i Daniela, e ia Hanania, e ia Misaela, e ia Azaria ra, Teie ta'u parau ia oe, 12 E tamata noa mai na i to mau tavini nei, e ia rui ahuru a'e; ei pipi ta ratou e ho-mai na matou e amu, e ei pape hoi te inu. 13 A hi'o mai ai oe i to matou mata i mua i to aro na, e te mata atoa o te mau taata tei amu i te tufaa maa a te arii ra: e ia ite oe ra, a na reira i te haapoo i to mau tavini nei. 14 Ua faaroo atura hoi oia i ta ratou parau, e ua tamata ihora ia ratou e rui ahuru a'era. 15 E hope a'era taua na rui hoé ahuru ra, te vai maitai ra to ratou mata e te poria hoi i te mata o te mau taata api atoa ra tei amu i te tufaa maa a te arii ra. 16 Ua rave ihora Melezara i taua tufaa maa na ratou ra, e te uaina i haapaohia na ratou ra; e ua tuu maira i te pipi na ratou.

17 Ua horoa maira te Atua i teie nei pue tamarii toomaha i te ite e te paari, i te mau parau atoa e te aravihi; e ite hoi to Daniela i te mau orama e te maa taoto. 18 E hope a'era na mahana i haapaohia e te arii e arataihia mai ai taua mau taata ra, na aratai maira taua taata rahi no te feia toroa ra ia ratou i mua i te aro o Nebukanesa ra. 19 Ua paraparau ihora te arii ia ratou; e aitu roa te hoé i itea i roto ia ratou atoa e au ia Daniela, e ia Hanania, e ia Misaela, e ia Azaria ra: tia 'tura ratou i mua i te aro o te arii. 20 E te mau parau paari atoa e te ite, ta te arii i ui ia ratou ra, ite atura oia e ua hau é to ratou ite i to te mau taata paari e te mau hi'o e ati noa "e to'na atoa ra fenua. 21 Te ora noa ra Daniela e tae noa 'tura i te matahiti matamua o te arii ra o Kuro.

Ta Daniela faaiteraa i te taoto a Nebukanesa i moc ra.

2 E TAE a'era i te piti o te matahiti o te hau o Nebukanesa, taotoohia ihora Nebukanesa, e naho roa a'era to'na varua i taua taoto ra, e aitu 'tura to'na taoto i mairi. 2 Ua faaue atura